


中國方志叢書·華北地方·第三二一號

據清·光緒三十年重刊本影印

譚瑀等纂修

陝西 省

# 略陽縣志



成文出版社有限公司印行



\*10098591\*

中國方志叢書·華北地方·第三二一號

據

清·譚瑀等纂修  
光緒三十年重刊本

影印

陝西 省

# 略陽縣志



成文出版社有限公司印行



\*10098591\*



光緒甲辰重脩

興  
各  
陽  
縣  
志

本  
衙  
藏  
板

重修畧陽縣志序

漢中隸陝西之邊陲而畧陽又極漢中之邊宇  
西界兩當階成南通四川昭廣秦蜀甘三省之要  
隘也歲乙巳余奉

命出守漢郡下車伊始即謀徵各屬圖志惟畧邑古  
志無存僅有雍正間邑侯范式亭摺摭大略成書  
二帙闕遺頗多今又百數十餘年矣人烟輻輳田  
野開通氣象蒸蒸日上知非僅舊志云云也閱

丁未 邑令周公嘉會以其前令譚公瑀續得邑志若干卷將付剞劂屬余為序余惟志者史家難事也採取不博則疎抉擇不精則穢考核不真則偽引據不典則俗令讀其書搜羅繁富考據詳明一切疆域山川以至人才藝文均仿古史成例分類叙次典核精詳誠非俗吏之所能為也夫著作莫難於史志而服官莫勞於邑侯以至蕩之任而成至難之書文章政事表裏俱見

譚子以甲辰年遷去惜乎吾未得見其治也今  
讀其書可以知其治矣抑余尤有感焉畧陽古  
用兵地也戰國時屬白馬氏弗深考自漢高由  
故道定三秦魏武由故道攻陽平取張魯宋安撫  
使吳玠兄弟守殺金坪仙人關以拒金明傅將軍  
友德搗蜀及我

朝吳藩肆逆趙將軍良棟元日渡白水江以收川皆  
從此地征進蓋畧陽據洋利上游當隴蜀衝要用

兵者恒必由之今

國家承平二百餘年屢世鮮見兵革其川陝驛路  
則專由褒斜而畧邑得以優游庠息於荒陬僻壤  
之間宰斯土者廣墾藝以厚民生勤訓誨以淳民性  
按此志以斟酌損益從容敷布仰副

聖朝久安長治之盛是則余與諸公之所厚幸也夫

賜進士出身翰林院編修 國史館纂修 記名御史護理

陝安兵備道漢中府知府段大章拜撰

重修畧陽縣志序

邑之有志資考鏡也闕而不補譌而不正與無志同畧邑志自范式亭手勒後失傳者百有餘年以云闕譌槩可見已高苗兩稿語焉弗詳余不敏暇輒與西甫廣文商畧續輯維時書院主講閩中黎君署中塾師五原白君皆淵博有文名因得請與西甫分任其勞乃開局未久西甫遽歸道山白君與西甫爲丁酉選拔同年遂併其業事未歲余適奉調定湖袖稿抵任又閱一歲而始克成書是役也勲成於西甫廣文學中諸生王子一德張子卓蘇子聯桂咸

與有勞今書已就緒廣文旣卒於官余又謝事嘉陵開雕  
之舉則固三子與邑諸紳之責也爰識其本末以歸之  
道光丙午夏五南海譚瑀

重脩畧陽縣志職官姓氏

總纂

前知畧陽縣事調補吳堡縣知縣譚

瑀 道光辛巳舉人  
廣東南海縣人

編輯

吏部揀選知縣主講嘉陵書院 黎成德

道光壬辰舉人  
四川閬中縣人

畧陽縣儒學訓導丁酉科拔貢王 案

甘肅隴西鄉人

候銓直隸州州判丁酉科拔貢白啟華

甘肅固原州人

總校

沔畧縣丞分駐黑河保舉候陞 邱文煥

甘肅臯蘭縣人



署沔畧分縣候補州同知高世瑄 安徽貴池縣人

畧陽縣典史伍紹諮 江西新建縣人  
翰林院供事

參校

南海監生譚芳 吳堡增生李鳴琴 邑歲貢生王一德

廩生張卓 蘇聯桂

採訪

歲貢生任紫陽縣儒學訓導淡金籟 歲貢生辛啟文

馬登科 周國孚 裴殿卿 廩生任鯉化 萬雍 八

品頂戴候拔外委馮克振

按刊兼勸捐

禮科典吏楊鳳鳴

皇朝通志

卷之二

三

重脩畧陽縣志目錄

卷之一

輿地部

疆域

道路

關隘

八景

山川

古蹟

邱墓

市集

津梁

物產

風俗

卷之二

建置部

沿革

地丁

雜稅附

里甲

村莊附

城郭

衙署

監獄附

驛舖

倉庾

學校

書院義學附

兵防

壇壝

廟宇寺觀附

紀事

卷之三

人才部

封爵

秩官

宦績

僑寓

賢達

孝義

齒德

科名

封蔭

掾吏

貞節

卷之四

藝文部

頌

銘

記

序

辨

考


詩



歸 境 圖







易縣

卷之二


縣境圖二


二

身  
身  
身  
身

一

尋陽縣城圖





社會科學院研究所  
藏書

皇朝通志

卷二十一

七

重修畧陽縣志卷之一

輿地部

疆域

治在府西少北二百八十里正東一百二十里後溝村一百四十里小塠河少南一百四十里分水嶺少北一百九十里冷浴河交沔縣界正南少東九十里廟壩少西三十里白雀寺交寧羌州界西南一百二十里金竹壩正西一百三十里大南峪交甘肅階州界西北一百四十里馬家河交成縣界正北一百四十里大石碑一百四十里碓



窩子交徽縣界東北二百三十里太陽山交兩當縣界距  
省一千三百二十里距京三千七百二十里柳子厚江  
運記崖谷峻絕十里百折舊志山峯環壘江濤洶湧道路  
險惡控扼蜀門史稱興洋利閩爲三秦蜀隴咽喉洵不誣  
也

道路

正東三里至碾子壩十里七里店七里閣老嶺卽登雲鋪  
十里蹇家壩十里接官亭十里晾馬臺五里木瓜橋五里  
茅壩五里何家巖五里煎茶嶺十里煎茶鋪二十里硤口

驛十五里王家營五里茶店子過上沮水十里陳家嘴十里分水嶺上立界石交沔縣西界漫坡山徑爲赴郡大道又自沮水鋪至小埡河三十里交沔縣張家河界

東南自接官亭十里至臭草溝二十里麻柳鋪二十里廟壩交寧羌州鐵佛鋪界又小徑自麻柳鋪二十里至冷水溝又自麻柳鋪三十里至楊家壩又自麻柳鋪二十里至黑木林交寧羌州界

正南七里至靈巖寺三十里白雀寺交寧羌州界山僻路仄難行

西南七十里至鄧家壩十里郭家壩十里轉河口十里百戶溝十里金竹壩交階州現壩界

正西渡嘉陵江十五里至橫現河十五里宜口三十里魚池子十里鄧子園十里七里塩十里木瓜園十里窰坪二十里大南峪交階州白馬關界此路安設驛舖爲赴甘肅大道半屬平坦

正西少北自宜口十里至明水壩十里兩河口十里駱駝巷十里高家壩十里馬蹄灣十里水溢溝十里禪覺寺十里大石峽十里倒溝山十里青坭河十里馬家河交成縣

格樓壩界此古棧閣路險窄難行

北十五里至吳家營折西二十三里至紅花寺十里溝林  
驛十里黑樓房十二里鐵廠子二十五里大八渡山之  
大橫渠十里麻柳塘十里小八渡山五里渡白水江十五里  
大石碑交徽縣打火店界爲赴徽大路險峻難行要害之

區

北自吳家營十里至白石溝折東二十里至石椿磴十里  
費家壩三十里大青岡樹沿河上三十里至張家壩三十  
里龐家莊四十里棧壩林之兩河口十五里滾子坪三十

里太陽山交兩當縣界路出深山崎嶇艱險

東北自青岡樹五里至兩河口二十里仙臺壩十里娘娘壩三十里觀音寺黑河縣丞駐劄於此距城一百五十里赴省大路二一由東百四十里之分水嶺出境經沔縣褒城馬道畱壩南星鳳縣黃牛舖自寶雞益門鎮出山一由北百三十五里之大石碑出境經徽縣兩當亦自鳳縣寶雞出山此路較捷三日程

赴川大路二一陸路由南三十七里之白雀寺出境經寧羌遞廣元一水路由嘉陵江直遞廣元

赴甘肅大路二一由西南百一十里之金竹壩出境遞階  
州白馬關一由北百三十五里之大石碑出境自徽縣達  
秦州

### 關隘

宜口在西三十里宏治初設巡司天啟閒設守備通鑑宋  
開禧二年金人由扳閘谷遶出關後遂陷吳曦退屯宜口  
續虞事類賦周渭恭城人通判興州州領宜口砦多戍兵  
監軍傲狠縱其下爲暴居人苦之渭馳往諭以禍福斬其  
軍校衆皆懾服詔書褒嘉

接官亭在東四十里東達沔縣南通寧羌山路一線頗爲  
崎嶇

何家巖在東六十里接連峽口驛爲畧沔要阨設把總防  
守

安林溝在北六十里沿山傍溪頗稱逼仄

白水江在北百二十里小八渡山麓南接青泥河東北達  
魚關西北至大石碑路皆陡險七十里抵徽縣又九十里  
抵兩當又八十里抵鳳縣古棧道遺跡多在畧徽兩當未  
詳何時改由褒畱也今江岸設外委汛分防

金池院在東北百二十里傍依棧壩林地極阻深通徽兩路五方雜處棚民入山開箐多由此進林近年人烟頗稠亦爲要地

棧壩林在東北二百二十里由金池院小溝碓窩子至林與黑河相通數百里蒙茸蔽天界連徽兩鳳畱沔最易藏奸稽防不易

### 八景

獅象拱闕

舊志治之東有獅山北有象山蟠踞巉巖迤邐起伏或



長風積雨望之勃勃如欲生動焉按今獅象兩山俱在  
治西

文鳳翼庠

舊志文筆峙邑右鳳山峙邑左玉削霞騫拱翼文廟按  
今文鳳依然而文廟遷於今治矣

靈巖夕照

舊志城南七里空寂幽敞樹密雲深日薄西山光從洞  
口射入如奩舒冰鏡水漾天光

白崑樵唱

舊志縣西三十里直立百尋兩崖夾對江水從中彙流  
舳艫往來鷗鳧出沒時有樵夫賡唱空谷傳聲

藥水懸晶

舊志北一百二十里山腰一洞上有三乳懸滴飛珠下  
注天然三盤不溢不涸相傳飲之可以已病又有石硯  
燈檠可異洞之左壁有瀑布十餘尋

明水拋珠

舊志西四十里活水從縣壁分灑約八尺餘晶瑩疎落  
形似拋珠

寒蓬積雪

舊志西南白里盤折數千仞雲光倒垂萬象俱俯其下則陰巖積雪隆暑不消

靈峻雨聲

舊志山在西南隅三里高插五雲橫當三水或有霧蒙山頂則颼颼有聲雨卽至矣故諺名之曰雨號山

山川

鳳山俯臨今治對峙翠屏舊志曾傳鳳集其巔

武興山在東里許舊志山連武興城故名方輿勝覽武興

山在州西一里古興州城於此

五佛崖在東七里崖閒鐫石佛數尊頭臂有未全者

大石崖在東十里紗帽灣崖上三碑一唐天寶八載順政  
郡太守房渙題記一宋武興太守王震翠峯亭銘一石室  
二字古婁盛交題字多剝落道光壬寅瑀書古翠峯亭鐫  
於崖撰翠峯亭辨刻石嵌於其上

翠峯對峙大石崖插天峭絕高出衆山其麓東溪水所經  
清流激石潺潺有聲

橫嶺山在東二十里有古墓無碑傳爲黃侍郎墓故名閣

老嶺其麓卽登雲鋪又宋觀察杜公世代墓亦在此山

鷹嘴山元一統志在縣東二十七里壁立千仞中有一峯  
曲如鷹嘴

石馬洞在東三十里蹇家壩洞中石形如馬側有清流從  
石穴中出相傳乾隆嘉慶閒每於清明穀雨時穴水有菽  
麥殼流出卽出魚候也今穴口被河水沖淤沙石塞門魚  
無從出穴口有知縣徐修路碑

五方山在東三十里蹇家壩南峯巒秀麗有白石橫其阿  
春夏閒滿目青翠其石愈形光潔如白馬臥形又名白馬

臥青山俗相傳卽玉女山

玉女山雍勝畧在縣東南三十里名山記山高千仞雲霞映之不見其巔山半有白石如人冠冕坐於崖閒前有白石數層如人侍立狀

瞭馬臺在東四十五里嘉慶五年教匪犯順領兵官札公殉難於此

木瓜嶺在東五十三里其麓卽木瓜橋

紫竹山在東六十里係古寨卽今何家崖脈由鳳嶺而來旋繞煎茶嶺縣亘數百里峯巔常出雲氣可驗雨晴烏道

一綫蜿蜒而上廟宇參差別有天地

東嶺山在東六十里何家巖南對紫竹山俯瞰汎署上有  
關帝廟

白熊山雍勝畧在縣東八十里昔有白熊出此

陽山舊志在縣東百里

浮圖山輿地紀勝在縣東南三里卓然獨秀狀若浮圖

大唐峯舊志在縣東南唐光啟二年詔都將李鋌屯兵大  
唐峯以拒王行瑜兵卽此

飛仙嶺舊志在東南四十里唐徐佐卿飛昇處下有魚洞

口徑二尺清水淪漣每逢穀雨之時多魚擁出非時魚出  
歲輒不登上有閣道百餘閒卽入蜀大路今廢採訪此嶺  
在接官亭南嶺下有洞旱禱輒應洞口對岸卽入蜀大路  
崖閒有鑿石孔十二道左碑記有武興之南馳三十里數  
字疑卽建閣道處按神異錄天寶中元宗獵於沙苑射孤  
鶴鶴中箭西南而逝益州有道觀道士徐佐卿自外來謂  
弟子曰吾爲飛矢所中以箭掛於壁曰箭主到此付之後  
祿山之亂明皇幸蜀遊於觀識其箭曰此吾沙苑中射鶴  
箭也乃知鶴爲徐佐卿所化今縣之飛仙嶺沔縣之雲霧



山皆記載之失實者

大寨嶺舊志在縣東南接沔縣界

分水嶺有三一在接官亭東距城五十五里一在沮水舖東距城一百四十里與沔縣接壤上立界碑一在水溢溝西距城九十八里

翠屏山卽今城河南之山與鳳山對峙峯巒峻險居民傍石栽穀其麓古樹森陰多民墓田迤東亂石杈柯勢若累卵當春桃華烟雨掩映人家時而田歌四起滿郭相聞勝境也上有一穴高仞許闊四五尺俗傳銀洞巨石塞門平

如斧削隱約有文點畫不可辨洞下鑄知軍州事孫敏行  
成州簽判張衍州學教授文正愨判官袁武震推官王嘉  
問順政令杜俊明主簿王啟强大觀丁亥三月八日至五  
十字

玉文山與翠屏山相連對峙舊城南門居民於其麓穿窬  
陶瓦引渠轉磴

小景山舊志在玉文山右

文筆山在今城西南四里許嘉陵江南岸舊志在西南三  
里一名大景山一名靈峻山一名雨號山孤峯卓立山阿

有武都王廟廟旁有石符旱禱於廟印符取泉雨隨至又名土主山乾隆壬寅知縣高瑛立有恢復土主山常住碑記俗名女號山舛謬極矣

藥水巖在南七里嘉陵江上方輿勝覽去沔州城七里南

有二洞洞門有泉能療疾宋改興州為沔州即今治元一統志一名靈

巖兩洞之間有一泉西流入嘉陵江謂之藥水飲之愈疾

上山約五里又有一洞謂之石乳洞容二千人前有一泉

不竭名山記羅漢洞在靈巖寺南深十餘丈闊數尋後又

有邃穴深不可測中有石柱洞之右作左非即藥水巖舊志

靈巖寺唐開元時建舊宇尚存前櫻三株不受雨露之滋  
摩空直上巘際一松繆若虬龍後開一竇可容身焉右有  
石鼓擊之逢逢洞左崖冷泉汨汨躡橋斜度又歷洞天名  
曰羅漢洞其閒石柱石龜絕非斧鑿昔有採石乳者入此  
洞約行半里忽見天光雲影異卉奇葩旋爲白鹿驚觸而  
出後挈伴偕遊巨石塞其門矣按靈巖碑記題詠頗多宋  
哲宗御書司馬光精忠粹德之碑田克仁摹隸郝閣銘俱  
在於此羅漢洞有明邑令李德性像碑亦在焉

大丙山范志勝志在南二十里下有石洞曰丙穴清明前

後嘉魚湧出卽今夾門溝渠俗所謂龍潭採訪在南三十里危峯萬仞下卽丙穴高丈餘闊五六尺中有三潭旱禱輒應第一潭上橫古木由此渡過二三里卽第二潭透漏天光再里許至第三潭旁有石臺平正無斧鑿痕或曰龍牀上有小穴徑尺許水涓涓出卽潭水源今洞口積石堆砌水由石隙潛流魚無從出此山數武對峙者小丙山周地輿記興州有丙山山有穴卽丙穴其口向丙因以爲名益部方物贊丙穴在興州魚出石穴杜氏通典順政縣有丙山有穴寰宇記大景小景二山在順政縣東南七十里

本名丙唐諱丙故曰景其山峻崖南北相對闊七步其崖峻峭高百餘丈山衣石髮被於崖際北有穴方圓二丈餘土人相傳爲丙穴沮水經穴門而過或謂之大丙水每春三月上旬有魚從穴躍出謂之嘉魚據衆說丙山丙穴當在畧陽但所記道里遠近不同巖志在東卽沔縣之大小丙山考沔縣志大小丙山丙穴據劉淵林蜀都賦注並朱子詩傳潛確類書又寧羌志南有嘉魚洞卽丙穴據雍勝畧又褒城志箕山南有穴號丙穴據水經注按省志云漢江南北魚洞不一其處蓋地氣相類故魚自穴中出者多

人皆假丙穴以美其名今並舉之以備參考

小丙山舊志對峙大丙山

寒蓬山舊志在南百里周一百六十里高三十餘里山常積雲有泉甚甘冽有意求之不知其處元一統志作寒山在縣南百里採訪此山極高俯視一切三四月間土人常採筍於其上巔有三峯如太華狀中凹有寒蓬廟故址有四水出於東者爲青白石水注嘉陵江出於西者爲平溝出於南者爲寒蓬溝出於東南者爲瓦舍溝皆注樂素河懸鏡巖在南百餘里與階州毘連峻嶺插天背有青石高

丈餘闊亦如之晶明異常能照人物俗謂之鏡兒石

象山在西一里許東環八渡河西繞嘉陵江山腰仄徑曲迂茂林葱鬱居人依崖爲屋支石爲垣迤西對岸曰南壩爲商旅往來寓所中隔江水時聞櫓聲舊志俯瞰城中明知縣牛問仁建石城於山上可以守望按嘉慶十八年廂匪吳抓抓犯境焚掠東關守備護理遊擊馬良置兵十數人於其巔以烏鎗禦之賊不得進

龍山方輿勝覽在縣西五里山形夭矯下有泉水灣環狀如盤龍元一統志一名盤龍山



三公山舊志在縣西五里上有王夫人楊氏墓以三子貴故名

朝陽洞在西十五里橫現河南折十二里許洞開崖際佛宇莊嚴中有石泉又有二石橫撐形如繖扇舊志一名藥水洞非

堡子山舊志一名走馬嶺在西二十里宋吳曦屯兵其上故名按鳳縣堡子山亦傳爲吳曦屯兵處未知孰是存考白崖巖志在西三十里兩岸夾對屹立百仞江水從中流出卽今宜口之析里塢漢建寧三年太守李翕鑿石架木

爲郝閣以濟行人漢中郎將蔡邕作銘隸書鐫碑以記厥  
功今閣廢而文傳焉後田克仁摹刻於靈巖之絕壁宋文  
同詩南征曾讀浯溪頌西湖今觀郝閣銘苗臨澧稿本石  
墨鐫華漢李翕析里橋郝閣銘在畧陽相傳爲蔡邕書碑  
文醜散關之嶮潔徙朝陽之平慘歐陽公以爲疑楊用修  
謂醜古與釋通潔借作濕慘與燥同解作去濕就燥之義  
又碑中李君諱翕字伯都今版皆作李會惟鄭樵畧曰李  
翕與碑方合方松磐觀察於金石文考校特精以省志所  
載蔡中郎郝閣銘文不相屬中多殘缺囑畧陽令王君森

文考訂焉中郎原碑在縣西北罝口之白巖碑修五尺一寸廣三尺五寸文十二行頌三行詩四行行二十七字文第六行第十二行行十一字頌第三行行十八字共四百七十二字左下角缺四十字右上角缺五十三字中缺四字清顯者二百四十餘字田克仁重刻於縣南靈巖寺石壁修廣行數亦依舊式據以考舊碑文可成誦計缺字尚十有三按舊志云郝閣銘碑在白巖田克仁恐久而失蹟故復隸於靈巖之羅漢洞今碑旁鐫申如墳名想原碑殘勒田公刻時未獲全文而申公復補之歟觀碑右上角數

十字隸體不一可證也白崖埭爲赴甘大路時被水沖行人甚苦道光壬寅瑀倡捐修葺十五里許平正通達

寶虹山舊志在西三十里一作保公山在置口沿江迤西約五里許

神女洞與寶虹山對峙左有烟墩山銀洞山右有黃帽山洞闊丈餘高二丈餘內有清泉潺潺洞後高數十丈上有一穴與洞相通相傳昔年有神女在洞

廚山元和志在明水縣南三里崇峻幽深九域志長舉縣有廚山按明水縣舊址疑卽明水壩西距城四十里

相公山舊志在西六十里

駱駝嶺在西兩河口迤西五里許陡起石嶺高三十餘仞  
中峯凸如駝背故名

七里壩在西九十里爲赴階州大道其下卽木瓜園

如木嶺在西百里相公山小河發源於此

雞冠山在西一百一十里形似雞冠故名

太白洞舊志在西一百二十里西淮壩內有龍湫禱之則

雨

尖峯山在西一百十里大南峪上建無量痘母各廟

角努谷舊志在西接階州界宋元嘉十一年蕭諱破楊難當直入角努追之卽此

雲臺山在西一百二十五里時有雲霞冠其巔左右幽崖峭拔崖有泉涓涓飛珠上有雲臺寺建自明正德三年

獅山在西北里許接連鳳山舊志形如獅子蹲踞上有祠廟亦可觀覽

落叢山寰宇記在鳴水縣西北十四里

保福山舊志在西北百十里白水江北

殺金嶺舊志在西北百十里與保福山相近其傍地名殺

金坪宋紹興四年吳玠守殺金坪以拒金人卽此方輿勝覽殺金坪在長舉縣境

寶子山元一統志在長舉縣西半里隔嘉陵江相傳其山產金故名

天窗山元一統志在長舉鐵務壁上有穴如窗

萬仞山元一統志在長舉縣後蒼崖架日危峯矗雲上有武安君寨下枕嘉陵江有關

接溪山元和志在長舉縣西北五十三里

鳳凰山在北十里卽鳳凰溝元一統志一名三峯山首

冠羣山高聳萬仞卓然壁立有楊難當祠方輿勝覽一名  
巾子山勢如鳳翔寰宇記山半有洞名朱砂洞省志在東  
一里誤以今城後之鳳山爲鳳凰山

對融山元一統志在鳳凰山後

龍泉山舊志在北十里與鳳凰山對峙

天池山舊志在北四十里山巔有池方一畝水深丈許冬  
夏澄泓池中產菱以供籩實

大八渡山在北七十里壁立陡險林溪交萃中開一線之  
路山陽曰烟洞溝山陰曰大橫渠僅容一騎盤旋而上南



長陽縣志 卷之六 一  
巔建關帝廟北巔結茅店數椽中通石梁一二里東西巨壑幽崖深幾千仞要害之區以此爲首

石門在北八十里兩崖對峙水自中流郝閣銘云嘉念高帝之開石門卽此左有明戶部主事封庫實墓

玉屏山舊志在北八十里與石門相對有宋歐陽詹棧道銘刻於石

小八渡山在北一百五里人行石塢仄路崎嶇其南麓麻柳塘北麓白水江山立水環鳳徽要路

藥水洞在北百二十里白水江邊懸崖閒有佛宇其內有

鍾乳石蓮花盆承石上水飲之已疾左壁瀑布十餘尋又  
雷洞深不可測中殷殷有聲又風洞外狹內廣時有風出  
又雨洞則嵌空玲瓏頂覆千葉石蓮有水四時傾瀉傳爲  
勝槩採訪藥水洞在兩山夾縫之處有巖阿上懸三乳有  
孔滴清水旱禱有雨則滴濁水下有泉似甕深二三寸見  
水入不見水出相傳昔人有疾飲之卽愈康熙二十九年  
修葺

烏龍洞舊志在北一百五十里中川之地洞門止容一人  
進則寬廣深邃透露天光洞後水勢橫流莫知首尾或曰

龍澤採訪洞高八丈闊四丈深不可量進約二十餘里卽  
龍潭水深綠色寒氣逼人禱雨卽應

青坭嶺在北一百五十里九域志興州有青坭嶺乃入蜀  
之路輿地廣記青坭嶺在沔州長舉縣西北五十里上多  
雲雨行者多逢泥淖郡國志青坭嶺在興州長舉縣西北  
接溪山東卽今通路懸崖萬仞上多雲雨行者屢逢泥淖  
故名青坭藍田志青坭嶺有二一名曉山一在漢中畧陽  
縣按青坭嶺南最高爲巾子山嶺支山也唐時入蜀要路  
李供奉經此作蜀道難巾子山唐名青坭宋稱鐵山通鑑

梁開平中岐王李茂貞舉兵犯興州山南節度使唐道襲率衆固守青坭嶺扼塞險要茂貞不能達遂引衆還後梁乾化元年岐王使劉知俊擊蜀與王宗侃戰於青坭嶺蜀兵敗績後蜀廣政十六年高彥儔與周兵戰敗走青坭宋紹興三年金人率步騎十萬破和尚原進攻仙人關自鐵山鑿崖開道吳玠以萬人守殺金坪以當其衝開禧二年金兵入鳳州吳曦表以鐵山爲界皆此舊志青坭嶺古棧道也懸崖絕壁行人所難宋李虞卿田諒改道於白水江今通川大道在褒谷白水江路乃徽畧大路

青野原舊志在北宋紹興三年吳璘拒金人駐青野原卽  
此按青野原在徽縣東南七十里之花屏山麓徽畧接壤  
閒

冉家山舊志在東北三里冉閔之故址也山勢起伏羣峯  
環抱按晉穆帝永和五年後趙主遵以武興公閔爲都督  
中外諸軍事後石鑒弒其主遵而自立以閔爲大將軍永  
和六年正月石閔殺鑒而自立閔姓冉爲石氏所養至是  
復其姓殺石虎二十八孫盡滅石氏卽皇帝位國號魏八  
年爲燕所滅

姊妹山在東北百五十里觀音寺縣丞署後兩峯窈窕對峙如姊妹倡隨

石鑑山舊志在長舉縣東五十餘里山崖當中一石片方廣尺餘光明可鑑

思宜山舊志在長舉縣東八十里高秀出於羣山

太陽山按縣圖在東北二百三十里

白水江在北一百二十里源二一出寶雞北大散嶺嘉峪谷西流經東河橋歷鳳縣達兩當境南逾天門山俗謂鐵川門

折西由徽縣之魚關入境至小八渡山北麓會白水峽水

一名王 一自徽縣下店鎮合東來之成縣橫川河北來之

成縣栗亭河流里許折而南達李家河石渚峪細流入焉

自此入山口經木皮地壩諸山左麓過大河堡又東南至

於白水峽經大石碑入境達小八渡山北麓會魚關之水

為白水江又迂迴而南東受大橫渠小河西受青坭河至

兩河口會犀牛江為嘉陵江水經注濁水即白水自合故道

水即嘉峪谷水南經槃頭郡在縣境北東而南合鳳溪水疑即青泥河鳳

溪水上承濁水於廣業郡今徽縣境南經鳳溪鳳凰臺下東南

流左注濁水又南注漢水

青坭河舊志在西北百五十里源發成縣至石門入嘉陵

江寰宇記左溪水

疑卽鳳溪

在鳴水縣西南七里自粟亭縣今

縣境北來合於嘉陵江隋書地理志長舉縣有鳳溪水

石門河舊志在西八十里源發白馬關至江口入淮河

淮河在西一百二十里昔傳出犀牛又名犀牛河源二一

出秦州平瀾川嶓塚山一出西河橫嶺山逆流百里至禮

縣會嶓塚水厯成縣之單家河至縣西兩河口合白水江

爲嘉陵江雍勝大畧西漢水在西和縣源出嶓塚山西流

雍勝畧犀牛江在縣西北百二十里又名東西淮自階州



東流入嘉陵江

橫現河在西十五里東南入嘉陵江

嘉陵江

省志作西漢水

在西五十里合白水江犀牛江又南橫現

河水注之又南經舊城西門至今城西南三河壩北來之  
入渡河東來之玉帶河二水注之又南青白石小河樂素  
河二水注之又西南出境經寧羌入蜀名畫錄吳道子奉  
敕畫嘉陵江山水三百里於大同殿元和中節度使嚴礪  
自長舉縣西疏嘉陵江二百里卽此水經注西漢水自會  
修水又東南於槃頭郡與濁水合又東南歷漢曲經挾崖

與挾崖水合挾崖水西出礮潭交東流入漢水又東經武  
興城南東南與北谷水合又西南經關城北卽今陽平關元和  
志嘉陵水經長舉縣南十里又經順政縣南百步省志云  
按嘉陵江源有三西和縣之西漢水一也成縣之濁水二  
也鳳縣之故道水三也考水經注及禹貢錐指皆以自西  
河流經禮縣成縣者爲嘉陵正源所謂淮河者也乃今皆  
以淮河爲犀牛江而以濁水故道水羣目爲嘉陵江是循  
流而忘其源矣如雍勝畧府志皆沿其誤茲特爲正之嚴  
志按畧陽白水江合故道嘉陵二流可通舟楫其起陸處

經徽鳳抵寶雞達渭河程四百里西通秦隴為唐時運道

見柳子厚江運記

國初用兵巴蜀軍糈亦從此轉輸

由白水江南下百餘里至畧陽縣城經寧羌陽平關入蜀境過朝天關至廣元縣水程五百七十餘里中歷各灘運道所繫不可不詳灘險者另用小注

白水江下第一灘為燒門子真武灘

此二灘最險

風窩子龍懼

子險百箭石娃娃灘瓦窰灘烈馬壩灘手爬崖灘董家灘

槐樹灘匪人子灘倒灣山灘廟河壩灘禪覺寺灘枇杷樹

灘王家灘無藏灘磨鈎灘大茅溜灘小茅溜灘鄭家灘老

鴉架灘花籃灘最險呂家灘馬蹄灣灘高家壩灘險魚箭

壩灘駱駝項灘黑沱灘兩河口灘此處合馬連坡灘私錢

洞灘寒家河灘明水灘瓦口壩灘大燕子灘險小燕子灘

老鶴沱灘最險周家灘白崖塢灘大三官灘小三官灘此

險橫現河灘伍家溝灘沙溝子灘險老貓灘石壁子灘

馬馬灘鉗毛灘畧陽縣城以上自白水江起至畧陽縣城止計五十一灘共水程一百四

十里磨盤灘女河灘夾門子極險荷葉壩灘大數牛灘列拐

橈灘木頭灘青背石灘杯杯石灘白雀寺灘泥窩子灘鐵

鑪灘雙旋子灘旋槽灘樂素河灘鸚哥石灘馬陵溝灘雷

灘最險 鬼錯路灘石甕子灘險 東沅撮灘西沅撮灘銅釘

石灘高灘子剪刀背灘極險 羊肉灘送潮灘險 簸箕子灘

焦石子灘篋鬚子灘流溪溝灘茅壩子灘黑水灘鋸亭溝

灘皮條三灘滅河灘跳磴子灘陡張子灘險 赤竹壩灘桂

花園灘陽平關灘自畧陽縣城起至陽平關止計四十一灘共水程一百五十五里

按漢中郡志自白水江起至廣元城止共一百四十四

灘計水程五百七十八里今查自樂素河以下寧畧連

界不能按里數劃清故載至陽平關止

相公山河按縣圖在西六十里發源如木嶺東入於嘉陵

江

青白石河按縣圖在西南由階州界入境東流合嘉陵江  
 入渡河在北發源三川東北烏龍洞水金池院水九股樹  
 河水中川水安林溝水白石溝水悉注之經一百八渡逕  
 舊治東今治西至三河壩會夾渠水入嘉陵江水經注北  
 谷水即此水出武興東北向西南流逕武興城北又轉南逕  
 其城東向南與一水合水出東溪即夾渠河西流注北谷水又  
 南流注漢水寰宇記黃坡水亦此水在順政縣  
 夾渠河在東源發飛仙嶺即水經注之東溪水東南五十

里之臭草溝水東五里之大溝水皆注之逕今城之東轉  
而南過玉帶門西流至三河壩會八渡河又南繞舊城之  
南門入嘉陵江按今城鳳山峙其後翠屏列於前城下清  
流一曲如玉帶圍知縣郭熊飛名夾渠河曰玉帶河名今  
城之南門曰玉帶門

樂素河在南八十里俗稱落索河發源階州由現壩入境  
東流一百六十餘里入嘉陵江邑人淡金籟解樂素曰和  
樂樸素解落索曰零落蕭索當毋棄美就惡作樂素河辨  
以正之

沮水舊志在東一百二十里卽鐸水河一名黑河發源紫

柏山至沔合漢昔以此水名縣屬於武都郡漢書地理志

沮縣故城在今縣東沮水出東狼谷卽紫柏山南至沙羨今屬湖廣漢陽縣南

入江水經注沔水出武都沮縣東狼谷中一名沮水闕駟

曰以其初出沮洳然故曰沮水縣亦受名焉道源南流泉

街水在今鳳縣境注之又東南經沮水戍疑卽沮水舖而東南流注

漢曰沮口所謂沔漢者也元和志沮水出順政縣東北八

十二里九域志順政縣有沮水按縣圖沮水由陽山西麓

入境南流受冷浴河水又南受常家河水又南受鞍橋溝



水又南逕後溝村受李家溝水又南受小塢河水又南東  
受沔縣之張家河水西受縣境之娘娘壩蕭家河張家壩  
費家壩五郎坪諸小河水又南受大院子煎茶嶺小河水  
至沮水舖出境

麻柳舖河按縣圖在東南七十里南流寧羌界

養魚池舊志在東五里相傳爲吳曦養魚處螽石尚存方

輿勝覽東池在沔州城東三里

按養魚池卽此

鴛鴦池老龍池東南一百二十里各大五畝許能興雲雨  
今則涸矣

金池舊志在北八十里金池院中昔人淘金成池

### 古蹟

沮縣舊治按畧陽夏商爲氐戰國時爲白馬氐之東境秦蜀郡地漢置縣屬於武都郡舊志沮縣廢基在東一百二十里沮水河側

東益州治卽今城地北史氏傳武興王楊紹先僭稱大號傳豎眼攻武興克之遂滅其國以爲武興鎮復改鎮爲東益州

武興古郡北魏置屬於東益州賈志武興城在畧陽縣東

一里卽古興州治宋書順帝本紀昇明元年以楊文度爲  
畧陽太守鎮武興雍勝畧楊茂搜分王武興後魏爲武興  
縣又僑立畧陽郡畧陽縣

槃頭古郡北魏置屬於東益州寰宇記槃頭故城在長舉  
縣南三里因水盤曲爲名魏書孝明帝紀正光五年莫折  
念生遣其都督竇雙攻槃頭郡東益州刺史魏子建遣將  
軍竇念祖擊破之卽此

長舉舊縣北魏置屬於東益州之槃頭郡寰宇記長舉在  
沔州北八十里魏太武置以長舉城爲名元一統志唐貞

觀二年移治在州西一百二十里省志長舉本作萇舉後  
改爲長在畧陽北按宋改興州爲沔州見宋史地理志  
落叢古郡北魏置屬於東益州元和志本漢沮縣地後魏  
宣武於此置落叢郡因落叢山爲名

明水舊縣北魏置屬於東益州之落叢郡元和志本漢沮  
縣地後魏於此置落叢郡及明水縣隋書地理志西魏置  
縣曰落叢並置落叢郡開皇三年郡廢六年改縣曰北廚  
又改曰鳴水按今縣西四十里有明水壩疑卽其地

順政古郡隋書地理志舊曰畧陽西魏置郡曰順政領漢

曲靈道等縣通典隋初郡廢隋書地理志開皇中改漢曲  
爲順政大業初復置郡舊唐書地理志武德中改爲興州  
天寶初改爲順政郡乾元初復置興州宋史地理志本興  
州紹興十四年爲利州路治開禧三年改沔州

漢曲舊縣北周置屬於順政郡隋書地理志舊曰畧陽西  
魏置縣曰漢曲開皇中改名順政

靈道舊縣北周置屬於順政郡隋書地理志西魏治仇池  
復改曰靈道省志按靈道隋大業中併入順政縣在今畧

陽西北

廣長舊縣北周置屬於落叢郡隋仁壽初改爲修城屬於順政郡省志按修城在畧陽西北十里

青坭古驛唐時入蜀大路久廢詳見青坭嶺

仙人古關距青坭嶺二里石峯高闊若列羣仙宋吳玠吳璘守此以保全蜀城門石鑄建自紹熙二十二年數字

冉閔古城在東三里詳見冉家山

郝閣在西三十里地名析里塢一名白崖今閣廢崖際有鑿石孔數十卽建閣處餘詳白崖

白水路在西北一百二十里大石碑宋轉運使主客郎中

李虞卿轉運使工部郎中田諒等以青坭嶺險峻請開白水路作閣三千三百九間郵亭營房綱院五百八十二間減舊三十三里廢青坭一驛除郵兵驛馬一百五十六人騎歲省驛廩舖糧五十一石畜草一萬圍放執事役夫三十餘人襄其事者知興州劉拱判官李良祐河池令王令圖順政令商應興州巡喬達

鍾公路卽白水路宋時架閣爲道久而傾圯行人苦之明侍衛鍾公作路於壁閒不期月而成輿馬僕卒履若坦途自下望之恍然雲霄之上蓋奇績也行旅父老請置豐碑

公檄止之乃就石壁勒鍾公路三大字詳見郭元桂白水  
路記

丙穴在東南二十里大丙山下嘉魚所出也詩南有嘉魚  
魯詩世學引陸氏曰嘉魚鯉質鱒鱗鯽肌杜工部詩魚知  
丙穴由來美餘見大丙山

仇池在西八十里辛氏三秦記仇池山上有百頃池郭仲  
產秦州記仇池山本名仇維山上有池似覆壺有瀑布望  
之如舒布後漢志河池一名仇池方百頃左右悉白馬氏  
水經注絕壁峭峙孤嶮雲高望之形若覆唾壺其高二十



餘里羊腸盤道三十六迴開山圖謂之仇彝所謂積石嵯  
峨嶽岑隱阿者也上有平田百頃煮土成鹽因以百頃爲  
號山上豐水泉所謂清泉湧沸潤氣上流者也東坡志林  
趙德麟曰仇池小有洞天之附庸也王仲至謂余曰嘗奉  
使過仇池有九十九泉萬山環之可以避世如桃源府志  
云爾按成縣志西北一百里有仇池仇池百頃成縣八景  
之一其志仇池形勝亦如畧陽其志仇池事蹟如晉元康  
五年楊茂搜據仇池寧康元年秦以王統爲南秦州刺史  
鎮仇池 國朝順治二年肅王統兵取川時武大定據

仇池皆畧陽所未志後漢志河池一名仇池今鳳縣昔名  
河池又徽縣西十里之銀杏鎮古河池縣未知孰是以俟  
知者

高臺在舊城未詳築於何代今建文昌宮滕志嚴志以爲

漢時隗囂所築名隗囂臺來歙屯兵於此一名來歙備兵

臺考綱鑑漢光武建武八年春來歙襲畧陽斬隗囂守將

金梁囂以大衆圍畧陽帝西至漆今邠州進軍高平今平涼竇

融率大軍會數道上隴今鞏昌以書招牛邯時邯軍瓦亭關瓦亭今屬固原

下之囂諸將皆降囂妻子奔西城今鞏昌境田弇李育保上邽

今秦州境畧陽圍解吳漢岑彭圍西城耿弇蓋延圍上邽冬公

孫述遣王元率蜀兵救囂彭壅谷水灌西城會元兵決圍

殊死戰迎囂歸冀今伏羌漢引眾下隴隴都此按今漢中畧陽

之名始於北魏在漢時為沮縣地漢時畧陽在今秦安境

秦安七星峯野戰坡皆歙與囂戰處歙所襲之畧陽今秦

安境不然帝至漆何以進軍高平平涼至秦安三百里許

瓦亭實當其衝故竇融以書招牛邯西城上邽冀隴皆近

秦安綱鑑易知錄注歙所襲之畧陽今漢中畧陽誤矣府

志隗囂臺並舊縣志來歙襲畧陽事皆以訛傳訛

翠峯亭在東十里紗帽灣久圯瑀按翠峯亭府志在高臺  
無從考證范志唐天寶興州刺史房武作翠峯亭記宋嘉  
祐武興太守王震建翠峯亭豈有宋人建亭而唐人作記  
乎縣治東十里紗帽灣大石崖三碑一石室二字古婁盛  
交題字多剝落一唐天寶太守房渙自書記一宋嘉祐壬  
寅太守王震翠峯亭銘滕志不詳覈原委將房記王銘混  
作一篇擬其目曰翠峯亭記未免失實又渙訛作武其記  
內蹈舞訛作鷺舞叨忝專城訛作叨署萬民同諸英哲得  
盡歡遊訛作同諸英鎮盡日歡遊舛錯尤多崖之三石刻

瑀親履其地命工揚歸校對意當年房守宴遊於此作記以誌一時之勝遊其後有宋王守因而作亭以鋪張前賢之盛軌觀房記無翠峯亭三字王銘直書曰構新亭迓佳賓曰翠峯景實真此其確證也

烏龍石府志橫蟠城底首露於郭之東尾見於郭之西八渡河繞其前嘉陵江流其右邑之永奠

魯班石採訪在南七里靈巖山下上有人坐痕相傳爲魯班石

大挑古驛在東通鑑宋元嘉十一年蕭承之討楊難當其

黨趙温等退據大挑元一統志大挑驛在畧陽縣東四十  
五里

萬仞古砦在北宋史王全斌傳乾德二年王全斌伐蜀自  
鳳州後乾溪渡克萬仞燕子二砦元一統志萬仞山在長  
舉縣後有關

邱墓

唐侍郎黃文墓在東二十里閣老嶺

宋竇將軍墓在西十五里石牛寺左中壩有將軍祭旗臺  
今廢

宋侍郎周道墓在西三十里寶虹山宜口沿江以西五里許

宋觀察杜公世代墓在東二十里橫嶺山公先世有喬預如晦衍自南陽徙居茂陵其後堅復自茂陵徙居畧陽生子融忠勇報國仕至觀察使贈堅武顯郎融生四子長安宗未仕次安祖承仕郎安國忠翊郎安仁戴德郎安國生子果暹仕至御前選率步軍總管都督使世代墳墓見於柘盤村橫嶺山之下自吳曦判亂碑碣墮壞無存矣宋王夫人楊氏墓在三公山乃郡太守招撫使王大才之

祖母

明戶部主事封庫實墓在石門

明敕旌節婦卜氏墓在西三十里張家灣

邑侯范公墓公諱昉字式亭雍正年知畧陽縣沒葬於文家坪道光八年因建今城改葬嘉陵書院後門聯云四野桐鄉景千秋棠蔭情旁有一墓乃其女也

市集

邑之市集不一其久廢者不及備載載其今有者二十有七惟舊城南街東五里碾子壩西二里南壩北七里菜子



壩日日易市其他若東四十里之接官亭六十里之何家  
崖七十里之麻柳舖八十里之五郎坪九十里之廟壩百  
十里之大黃院南六十里之史家院九十里之方集壩百  
二十里之郭家壩西十五里之橫現河百二十里之大南  
峪北十五里之吳家營七十里之柿樹坪百十里之九股  
樹百二十里之白水江東北九十里之兩河口張家壩百  
十里之金池院百二十里之娘娘壩百五十里之觀音寺  
百七十里之棧壩林易市之期有一四七二五八三六九  
之不同

津梁

西渡在西五里白水江渡在北百二十里沮水渡在東百二十里俱秋夏行船春冬則造舟爲梁

橫現河渡在西十五里石門渡在西八十里泥窩渡在南四十里百八渡在北十里

夾渠渡卽東渡鱗次安設水磴人行處支石爲渡

通惠橋在舊城東門外久廢今支板以濟人行水漲輒撤水落則復又舊城南門外有鹽橋水發橋撤以小舟渡析里橋在西三十里卽白崖塢俗名七里塢漢時有橋久

廢

翠秀橋在西三十里置口鎮中龍水溝下興廢無常道光  
二年里人重修立有碑記十四年復被水沖

天生橋在西六十里有石長七八丈闊二丈橫大澗如天  
生然

木瓜橋在東五十里時被水沖道光二十年瑪捐廉倡修  
東西廣五丈六尺袤八尺落成爲文以記其事尋又被水  
未果鐫石記見藝文志

蔡元橋在東接官亭南相傳蔡公行軍所建道光元年里

人重建並建赦書壩小橋立有碑記

五間橋在東九十里五疊石成梁山徑最險道光甲辰夏  
客民趙永珍韓治家韓震午協力興工新神祠創過亭三  
間起橋梁一座修上下道三百餘丈行旅稱便矣

紫竹橋在東六十里何家巖街中昔支木爲之道光二十  
二年被水漂沒越明年瑀囑耆民張廷相鄉約蔣成富等  
募修紉爲石橋上覆捲蓬旁樹柵欄長二丈闊一丈四尺  
以在紫竹山下因名焉橋側有瑀重修碑記

物產

麝香

每年額供二兩解布政司彙解禮部今奉文折價充餉

按畧陽處萬山之中物

產不饒民性樸魯服賈鮮術食貨之通於四方者罕矣至於布帛菽粟之恒昆蟲草木之細他邑皆然何足紀乎麝香爲物雖微志之以見任土作貢之義

### 風俗

性本淳龐行崇儉樸風氣兼南北語音類秦蜀民務農耕鮮爲商賈士敦文學不尚聲華婚喪有禮男女別嫌好義急公遺風猶在舊志云然惟露棺在野歷年不葬相沿已久不能遽革豈足爲訓哉

重修畧陽縣志卷之二

建置部

沿革

畧陽戰國時爲白馬氏之東境以其地爲用武之區曰畧  
象山之南曰陽按畧陽漢縣也在今鞏昌界後魏僑置畧  
陽郡縣於此趙宋遂以名縣沿漢舊也通典云畧陽於秦  
爲蜀郡地

漢屬武都郡武興漢武都沮縣也沮縣基在畧陽縣東一  
百二十里沮水河側後漢因之

宋爲東益州畧陽郡

梁置武興蕃王國

北魏置東益州武興郡後魏改爲畧陽縣楊茂搜分王武興後魏爲武興縣又僑立畧陽郡畧陽縣

西魏改東益州曰興州大統十七年達奚武經畧漢川梁將楊賢以武興降武興城在畧陽縣西一里卽古興州治隋書地理志云西魏於畧陽地置郡名曰順政領縣四曰漢曲曰仇池曰靈道曰嶓家曰沔陽皆統隸焉其實皆畧陽地也考靈道卽改仇池而名者隋大業中併入順政縣

卽今畧陽西北域按地形志有長舉縣之名或爲後魏所廢西魏復置在今畧陽北八十里兼置盤頭郡以隸鳴水縣後魏所建西魏改置落叢郡在今畧陽縣西一百一十里太和中置修城郡治錄縣一曰廣長周乃廢郡而祇置廣長按廣長在今畧陽西北隅

隋開皇初廢郡至十八年更名漢曲曰順政領縣四曰順政西魏曰漢曲開皇十八年縣改名焉大業初省靈道縣併入順政郡在沔縣西一百一十里方輿勝覽云順政卽今畧陽曰鳴水西魏置縣曰落叢並置落叢郡開皇三年



郡廢改縣曰北廚又改曰鳴水按鳴水在今畧陽縣西一百一十里曰長舉周屬落叢郡開皇三年罷郡漢沮縣地隋爲長舉縣治盤頭城按長舉在今畧陽縣北八十里曰修城舊置曰廣長仁壽初乃改名按修城在今畧陽縣西北十里西漢水之東

唐開元二十一年分山南東西道山南西道治漢中今之畧陽卽唐之興州置畧陽爲附郭縣據名畫錄云唐明皇思蜀道嘉陵江山水遂假吳生驛遞令往寫貌及回帝問其狀吳奏云臣無粉本并記在心卽令於大同殿圖之嘉

陵江三百餘里山水一日而就時李思訓山水擅名亦宣於大同殿圖畫累月方畢上曰李思訓數月之功吳道元一日之迹皆極其妙按此則古棧驛係由陳倉經青坭嶺盤旋興州道路乃由陽平關達沔州然後經由五丁七盤等關而入劍門也若泥於今之棧道而論嘉陵江必至利州乃見不數十里遂由昭化下流保寧唐帝幸蜀卽由廣元登劍閣徑往成都何由得見三百餘里之嘉陵江耶五代興州屬蜀唐有尋屬後蜀順政長舉均仍唐舊宋本舊名興州紹興十四年爲利州路治開禧三年吳曦

僭號改爲開德府曦平改爲沔州宋史地理志云開禧三年改爲畧陽通考云沔州領縣二治順政長舉按順政今畧陽縣長舉在畧陽縣西一百里

元名曰畧陽至元二十年併長舉及西鄉入焉續通考云元移沔州治鐸水仍以畧陽爲屬縣則是畧陽當川隴之衝自屬要道元初以爲州郡可概見矣

明仍舊名在漢中府城西北三百一十里洪武七年廢沔州長舉共爲畧陽縣隸寧羌州崇禎閒屬漢中府賈志云明初屬沔州洪武七年改屬漢中府成化二十二年隸寧

羌州

瑀謹按陝西一省據形勢則漢南爲關中之後戶而畧陽又漢南之後戶是畧陽當兩省之衝隴得而窺伺川得而攻取勢也亦時也歷代或爲興州或爲順政郡或爲武興軍或爲盤頭落叢修城均以郡名其所隸屬時有漢曲靈道鳴水北廚仇池長舉廣長之異名蓋以衝要之區所守者大將所屯者重兵故一切屬邑近者數十里遠者百有餘里特爲供給軍糧資備器械而已今四海爲家率土向化似此偏僻小邑得賢宰一人平民

爭訟徵民賦徭抑已足矣而乃特置偏將重設兵防東西兼立防汛北路分駐少丞抑又何哉設險守國古今之理自有不爽也

地丁

原額民地折正壹等地共壹百肆拾貳頃捌拾柒畝貳分每畝科糧伍升伍合貳抄肆撮壹圭壹粟共額徵折色糧柒百捌拾陸石壹斗肆升伍勺肆抄捌撮每石折徵銀貳兩貳錢捌分貳釐肆毫伍絲捌微共額徵銀壹千柒百玖拾肆兩叁錢貳分伍釐玖毫肆絲貳忽叁微內除荒地壹

拾陸頃肆拾陸畝貳分肆釐肆毫實熟地壹百貳拾陸頃肆拾畝玖分伍釐陸毫內除再疏籲請案內奉 旨豁

免荒地陸拾肆頃伍拾伍畝貳分捌釐叁毫免編外

止實熟地陸拾壹頃捌拾伍畝陸分柒釐叁毫該糧叁百叁拾貳石伍斗肆升肆合貳勺伍抄捌撮壹圭叁粟捌粒肆顆折徵銀柒百伍拾玖兩壹分柒釐肆毫捌絲貳忽捌微玖纖伍塵柒渺又康熙貳拾叁年開墾荒地壹拾頃玖拾柒畝叁分玖釐應當年起科該糧陸拾石叁斗捌升貳合玖勺捌撮柒粟貳粒玖顆該折徵銀壹百叁拾柒兩捌

錢貳分壹釐壹絲陸忽捌微叁纖柒塵叁渺

原額民丁叁門玖則不等共折下下丁壹萬壹千肆百陸拾玖丁每丁徵銀叁錢伍分玖釐肆毫壹絲捌忽玖微叁纖柒塵壹渺共銀肆千壹百貳拾貳兩壹錢柒分伍釐柒毫玖絲貳微叁纖柒塵柒渺內除優免丁壹百捌拾柒丁免編外行差丁壹萬壹千貳百捌拾貳丁內各年新增招回并清丈查審出幼丁陸拾陸丁內又逃亡丁壹千壹拾捌丁免編外實在丁壹萬貳百陸拾肆丁內除再疏籲請案內奉 旨豁免殺掠死亡下下民丁柒千陸百捌拾

叁丁免編外

止實在丁貳千伍百捌拾壹丁該徵銀玖百貳拾柒兩陸錢陸分捌毫壹絲壹忽叁纖壹塵柒渺康熙貳拾叁年招回下下人丁壹千叁百捌拾貳丁應當年起徵該銀肆百玖拾陸兩柒錢壹分陸釐玖毫柒絲壹忽柒纖貳塵貳渺原額均徭銀叁百壹拾陸兩柒錢捌分捌釐肆毫叁絲捌忽內除荒銀貳拾叁兩肆錢陸分伍釐壹毫陸忽貳微貳纖柒塵陸渺

實徵銀貳百玖拾叁兩叁錢貳分叁釐叁毫叁絲壹忽柒



微柒織貳塵肆渺內除再疏籲請案內豁免徭銀外

止實徵均徭銀壹百伍拾兩壹錢玖分壹釐壹絲玖忽肆  
微壹織壹塵玖渺又康熙貳拾叁年開墾應當年起徵該  
銀貳拾肆兩叁錢叁分貳釐叁毫壹絲叁忽貳微柒織玖  
塵壹渺

停免銀肆拾伍兩壹錢柒分捌釐

以上地丁均徭停免及新墾共銀貳千伍百肆拾兩玖錢  
壹分柒釐陸毫壹絲肆忽伍微貳織柒塵玖渺

額外課程銀陸兩柒錢叁分捌釐

以上地丁均徭停免并新墾額內額外共銀貳千伍百肆拾柒兩陸錢伍分伍釐陸毫壹絲肆忽伍微貳纖柒塵玖渺內

起運銀壹千陸兩陸釐貳毫壹忽伍微陸纖叁塵叁渺叁漠捌沙存畱銀壹千伍百肆拾壹兩陸錢肆分玖釐肆毫壹絲貳忽玖微陸纖肆塵伍渺陸漠貳沙

額外本色祿米肆拾陸石肆斗叁升陸合叁抄伍圭捌粟內除荒米外實徵米肆拾石陸斗叁合貳勺伍抄捌圭陸粟伍粒內除再疏籲請案內豁免外

止實徵米壹拾玖石陸斗貳升肆合捌勺叁抄肆粟陸粒  
又康熙二十三年開墾該徵米叁石伍斗陸升陸合叁勺  
肆撮叁圭肆粟二項共米貳拾叁石壹斗玖升壹合壹勺  
叁抄玖撮叁圭肆粟陸粒

起解存畱遇閏加銀柒拾捌兩陸錢捌分陸釐柒毫叁忽  
伍微玖纖捌塵玖渺

課程遇閏加銀伍錢陸分壹釐伍毫

本色麝香貳兩奉文全折估價銀貳兩

解藥腳價盤費壹兩貳錢伍分內除荒實徵銀壹兩壹錢

玖分壹釐柒絲陸忽肆微

原額學田地俱係巖坡山溝未論畝數每年共徵銀壹拾兩叁錢伍分內有木瓜橋斬斷堖花巖子三處逃荒在於請廣學宮案內奉 部文散給廩生貧士

地稅奉文不宜定額儘收儘解

屯田無

以上係 滕太守府志查滕志脩於康熙己巳年而畧令范式亭舊志脩於雍正辛亥夏月故一切地丁均徭停免并額外課程祿米以及起解存畱均與滕志大同

小異故范志不錄

民地原額實熟地陸拾頃壹拾貳畝貳分柒釐每畝糧伍升伍合共徵折色糧叁百貳拾叁石貳合玖勺每石折徵銀貳兩貳錢捌分貳釐共折徵銀柒百叁拾玖兩伍錢貳分伍釐

民丁原額實在丁叁千玖百柒拾貳丁每丁徵銀叁錢伍分玖釐共徵銀壹千肆百貳拾柒兩陸錢壹分貳釐內除應減銀壹千貳百捌拾陸兩伍錢玖分壹釐止該銀壹百肆拾壹兩貳分壹釐又乾隆元年起至三十六年止編審

并均攤抵補屯更丁銀肆百貳拾肆兩柒錢陸分柒釐  
實徵均徭銀並停免銀壹百捌拾玖兩柒錢伍分捌釐  
額外實徵祿米壹拾玖石壹斗壹升貳合陸勺折徵銀壹  
拾玖兩壹錢壹分貳釐

以上共徵銀壹千伍百壹拾肆兩壹錢捌分叁釐

遇閏加徵銀肆拾兩叁錢叁分陸釐

額外藥味銀叁兩壹錢玖分壹釐

額外課程銀陸兩柒錢叁分捌釐

俸工

知縣養廉銀

陸百兩

俸薪銀

貳拾肆兩叁錢貳分肆釐

公費銀

壹百陸兩

門

子貳名

歲支銀壹拾貳兩

皂隸壹拾叁名

歲支銀柒拾捌兩

作作貳名

歲支

銀壹拾貳兩

馬快陸名

歲支銀壹百兩捌錢

民壯貳拾陸名

歲支銀壹百伍拾陸兩

禁卒捌名

歲支銀陸拾肆兩

轎傘扇夫柒名

歲支銀肆拾貳兩

庫子肆名

歲支銀貳拾肆兩

斗級肆名

歲支銀貳拾肆兩

舖司兵壹拾陸名

歲支銀玖拾陸兩

鐘鼓夫伍名

歲支銀壹拾貳兩

白水江等水夫叁名

歲支銀肆兩捌錢

夫馬工料銀

肆拾陸兩叁錢柒分伍釐

孤貧捌名

歲支口糧銀貳拾捌兩肆錢肆釐

孤

貧布花銀

壹兩肆錢陸分陸釐

支府驛站銀叁百柒拾伍兩玖錢柒分玖釐撥畱壩馬

快貳名歲支銀叁拾叁兩陸錢撥鳳縣草涼驛皂隸壹

名歲支銀陸兩

訓導壹員俸薪銀

肆拾兩

廩生貳拾名

歲支月糧銀陸拾肆兩

齋夫貳

名

歲支銀叁拾陸兩

膳夫貳名

歲支銀壹拾叁兩叁錢叁分叁釐

門斗貳名

歲支銀壹

肆錢拾肆兩

典史養廉銀

陸拾兩

俸薪銀

叁拾壹兩伍錢貳分陸釐

門子壹名

歲支銀陸兩

皂隸肆名

歲支銀貳拾肆兩

馬夫壹名

歲支銀陸兩

文廟春秋祭祀等項銀柒拾叁兩叁錢陸分捌釐

鄉飲銀貳兩陸錢叁分



稅課

原額鹽引壹千伍百壹道原額鹽課銀貳百貳拾伍兩壹錢伍分於乾隆五十八年奉 文仍歸地丁攤徵又嘉慶十二年招商十四年仍歸地丁每地丁正銀壹兩攤徵鹽課銀肆分叁釐捌毫柒絲叁微陸纖玖渺

實在地丁正銀壹千伍百壹拾壹兩柒錢柒分柒釐其徵鹽課銀陸拾陸兩叁錢叁分貳釐

牙帖四張每年完稅銀肆兩

畜稅每價銀壹兩完稅銀叁分向無定例儘收儘解

地稅每價銀壹兩完稅銀叁分向無定例儘收儘解

里甲 附鎮市村莊

畧陽通縣共計禮信悅明四里

禮仁里共十甲

信義里共十甲

悅服里共九甲

明倫里共十甲

以上四里三十九甲共計額徵民賦地丁起存課程

等項實銀壹千伍百壹兩捌錢玖釐

如歲逢閏月每正銀壹兩外加銀叁分

畧陽通縣鎮市十處

東路鎮市四

接官亭鎮市

距城四  
十里

何家巖鎮市

距城六  
十里

兩河口鎮市

距城九  
十里

大黃院鎮市

距城九  
十里

東南路鎮市二

麻柳舖鎮市

距城七  
十里

廟壩鎮市

距城九  
十里

東北路鎮市二

張家壩鎮市

距城九  
十里

觀音寺鎮市

距城一百  
七十里

北路鎮市二

金池院鎮市

距城一  
百里

白水江鎮市

距城一百  
二十里

畧陽通縣共計村四十三處

東路村九

兩河村

距城五里

七里店村

距城十五里

蹇家壩村

距城三十里

五郎坪村

距城七十里

羊耳壩村

距城一百一十里

楊家壩村

距城一百二十里

大鐵壩村

距城一百二十里

小塬河村

距城一百四十里

後溝村

距城二百二十里

東南路村四

丁家河村

距城八十里

黑木林村

距城九十五里

四季壩村 距城一百里

大院子村 距城一百一十里

南路村三

夾門子村 距城二十里

勸溪溝村 距城三十里

二郎壩村 距城一百一里

西南路村四

史家院村 距城五十里

石塘汛子村 距城一百一里

土地廟村 距城一百一十里

轉河口村 距城一百二十里

西路村七

相公山村 距城六十里

魚池子村 距城七十里

龐家營村

距城八里

中營村

距城九里

木瓜園村

距城九里

蔡家營村

距城一百一十里

平溝村

距城一百二十里

西北路村六

葯木院村

距城七里

青崗坪村

距城八里

西淮壩村

距城一百二十里

鐵佛寺村

距城一百二十里

張家坪村

距城一百三十里

馬家河村

距城一百四十里

北路村五

黃家營村

距城三十里

明水壩村

距城五十里

三川壩村

距城九十里

中川壩村

距城九十里

大溝村

距城一百三十里

東北路村五

賈家河村

距城五十里

娘娘壩村

距城一百二十里

仙臺壩村

距城一百三十里

蕭家河村

距城一百六十里

常家河村

距城二百四十里

畧陽通縣共計莊二十五處

東路莊二

大青崗樹莊

距城八十里

九條嶺莊

距城一百八十里

東南路莊二

腰莊

距城七  
十五里

木瓜院莊

距城八  
十里

南路莊三

大山村莊

距城八  
十里

磨兒溝莊

距城九  
十里

趙家坎莊

距城一百  
一十里

西南路莊六

青白石莊

距城三  
十里

徐家樓莊

距城六  
十里

花園溝莊

距城七  
十里

瓦石溝莊

距城九  
十里

雷灘莊

距城九  
十里

百戶溝莊

距城一百  
三十里



西路莊無

西北路莊一

琵琶寺莊

距城一百里

北路莊五

白石溝莊

距城三十里

韋家溝莊

距城一百里

堆窩子莊

距城一百四十里

東北路莊六

魚洞子村莊

距城四十里

磨圈兒莊

距城五十里

閻家莊

距城一百里

黑松店莊

距城一百二十里

尖山子莊

距城六十里

大火地莊

距城一百五十里

秦家壩莊

距城一百六十里

坑洞溝莊

距城一百七十里

其餘縣屬不在鎮市村莊及塘汎之內者皆屬在里而設有甲者也并書於左亦富庶之一證云爾

柳樹埡

距城十里

石椿磴

距城四十里

安林溝

距城四十里

漆樹溝

距城五十里

雒家壩

距城六十里

費家埡

距城六十里

三官殿

距城一百里

曹家山

距城一百一十里

田家壩

距城一百二十里

鷹嘴巖

距城一百三十里

陽山溝

距城一百四十里

海狼溝

距城一百五十里

滾子坪

距城一百六十里

鐵廠壩

距城一百八十里

白缺子

距城一百八十里

李家溝

距城一百九十里

鞍橋溝

距城二百里

冷浴河

距城二百九十里

以上十八區係縣屬東北路

大毛壩

距城二十里

鐵廠巖

距城一百二十里

光面坡

距城一百二十里

以上三區係縣屬正北路

何家墳

距城五里

吳家營

距城十五里

馬蹄灣 距城八里

馬家河 距城一百四十里

以上四區係縣屬西北路

七里溝 距城四十里

落索河 距城七十里

任家壩 距城八十里

王家壩 距城八十里

郭家壩 距城一百里此與中營村接壤

郭家壩 距城一百廿里此與土地廟村接壤

以上六區係縣屬西南路

城郭

畧陽即古興州城明正德閒鄖撫藍璋委扶風知縣孫璽築土城周五里高一丈七尺門五各建樓東曰永濟南曰

定羌西曰鎮江北曰拱極西南曰通濟後以水患傾圮知縣李朝言請修指揮李乾元督軍民砌石於外築土於內以期捍衛厥後邑令王之臣身任其事其功始竣崇禎辛未江漲壞城二百餘丈知縣午問仁修之我 國朝順治十一年地震壞南門樓西南城四十一丈知縣諸保宥同遊擊梁加琦補修康熙元年十二年二十四年均有水衝邑令施有光捐修並補門臺遊擊譚綸董其役乾隆三十一年知縣郭愈博請 帑修理周三里一分長五十八丈外磚內土高一丈七尺底寬一丈八尺頂寬一丈二尺堞

牆高二尺七寸厚一尺八寸堞牆七百七十四堵每堵長六尺高二尺七寸厚一尺八寸東南西北小西南門臺城樓五座馬道五座東門外八渡河石堤一道長九十丈高二丈五尺寬五尺西門外嘉陵江石堤一道長一百丈高五尺寬五尺乾隆五十四年大雨東西城樓坍塌堞牆土牛石堤均有傾圮署知縣何樹滋張約前後領銀分段補修嘉慶十三年署知縣楊元泗領項補修南北城樓十六年七月大雨連縣東西城樓門臺坍塌正北磚城正南土城並東門外石堤均有傾陷知縣周書領項補修十八年

工竣

道光七年七月大雨連綿嘉陵江水勢猛漲八渡河及玉帶河均各濫溢三水洶洶城垣廬舍傾圮不堪邑令金在紳稟請於城東三里許地名文家坪相度山勢居高臨下實堪建築城垣并文武衙署倉廩監獄兵房馬棚及文廟各祠馬神廟演武廳等基址奉陝西布政司林於七月廿六日起程來畧勘明稟請帑項移建是年十一月准到繕冊估工之文後以邑令金在紳卸事畧陽縣知縣郭熊飛十二月稟請各上憲給領移建城垣工料銀兩道光

八年正月興工估需費銀四萬七千八百九十六兩零文  
武衙署並倉廩監獄兵房馬棚馬神廟演武廳需費銀一  
萬一千五百九十八兩零

道光八年正月廿五日護理陝西巡撫徐具奏移建畧陽  
縣城垣動用帑項緣由竊照漢中府屬畧陽縣於上年  
七月江河異漲城垣被水衝塌委令前署藩司林親往確  
勘該縣舊城三面臨水連年疊遭水患難以修復議詳移  
駐舊治迤東三里許之文家坪建築新城經臣會同署督  
臣鄂恭摺具奏欽奉諭旨准其照議移建并接准



部咨行令委員勘估照例辦理當卽行令署藩司督飭漢中府知府楊名颺率同印委各員逐一切實撙節勘估去後茲據署藩司方詳覆接准漢中府知府兼護陝安道楊名颺咨稱畧陽縣移駐文家坪地方應請照依舊治建築外磚內土城垣一座週圍共長三百零六丈除門臺三座計外皮頂底均長二百九十六丈九寸裏皮頂底均長二百八十五丈二尺九寸城身露明至拔簷磚下高一丈八尺底寬一丈八尺頂寬一丈一尺外皮根脚砌埋頭石二層露明圍屏石二層裏皮沿邊包築灰土中心夯築土牛

頂鋪海漫磚二層土砌排垛等牆並出木石橙城樓門臺  
礮樓砲臺馬道堆房等項督同署沔縣知縣任廷傑署畧  
陽縣知縣郭熊飛摠節確估共需工料銀四萬七千八百  
九十六兩三分八釐造具估計冊結圖說由該管府道加  
結核轉到司所需工料銀兩請照例於庫貯畱備城垣本  
款及新收商筏畜漏等稅並當商生息銀款內動支具詳  
請 奏前來 臣 查畧陽縣地處漢南路通隴蜀實係握要  
之區今移駐文家坪一切倉庫錢糧軍火器械監獄均關  
緊要亟須照舊建築以資捍衛相應遵例 奏明動款飭

令及時興辦俟工竣核實造銷責令照例保固倘限內稍有傾損著落承辦之員賠修除將估計銀數冊結圖說另疏具題咨部查核外所有估計銀兩緣由理合恭摺具奏

新城建築文家坪前邑令郭熊飛於道光八年正月十六日興工監修於道光九年九月二十九日修理工竣週圍共長三百零六丈計一里七分門臺三東門曰延旭南門曰玉帶西門曰安江北向無門虛設城樓一座書有一善二字於壁

衙署

畧陽縣衙署一座

計房七十九間

遊擊衙署一座

計房五十六間

守備衙署一座

計房二十八間

儒學訓導衙署一座

計房十三間

典史衙署一座

計房二十五間

千總衙署一座

計房十五間

常平倉廩一座

計房三十五間 在縣署左

監獄一座

計房十間 在縣署右典史衙署之前

以上衙署俱在新城

把總衙署一座

在舊城

關帝廟東建新城  
時添建大門一座廂房四間

黑河縣丞衙署一座

在北  
路

白水江外委衙署一座

何家巖把總衙署一座

按畧陽縣古治在舊城北山下元廢明洪武四年縣丞

葉禮仍建於舊址正德六年寇燬知縣馬翱重修右為

常盈庫監獄在縣治頭門內西偏後并燬於滇逆我

國朝康熙庚申署知縣李扈重修大堂內署二十二年

署印本府經歷沈文蔚改建大堂二十五年知縣施有光建獄神堂及監獄典史舊廨在原縣治西偏訓導署詳學校條內畧陽營遊擊署在舊城內南街中軍守備署在舊城南街係舊布政司行署改建嘉慶十六年知縣周書重修千總署一所把總署二所外委署二所均在舊城內申明亭旌善亭均在舊城縣治前養濟院一所係知縣施有光建置漏澤園二所一在伏家壩一在陸廣坪自道光八年移建文家坪新城向日衙署倉廩監獄亭院遂同滄海桑田矣

驛鋪

畧陽縣驛站一所

青坭嶺驛

驛在縣北一百八十里唐置今廢止在縣城額設遞馬一十八匹按范志云止在縣額設馬六匹馬夫三名在於康熙三十七年五月內奉文在於題明邊塘等事案內撥協邊廳馬三匹馬夫一名半止畱馬三匹馬夫一名半又於雍正七年八月內奉文在於沿邊口外安設驛站等事案內調撥解甘安站馬一匹

止畱縣二匹馬夫一名

畧陽通縣舖舍一十三所

總舖在縣前

登雲舖距城二十里

接官亭舖距城四十里

茅壩舖距城六十里

煎茶舖距城八十里

峽口舖距城一百里

沮水舖距城一百二十里

以上東抵沔縣界

麻柳舖距城七十里

鐵佛舖距城一百二十里

蕭公舖距城一百四十里



以上南抵寧羌界

嘉陵舖

距城一百里

西抵成縣界

白水舖

距城一百二十里

青坭舖

距城一百八十里

以上北抵徽縣界

倉庾

畧陽舊建常平倉九所原額京斗穀數該實貯壹萬柒千貳百肆石折合京斗麥數該實貯捌千陸百貳石定例春借秋還存貯三年滿限者按照出三存七定例詳

請出陳易新稟請 上憲批准出易若干石然後照數借給里甲戶口秋收仍然徵還每年支銷囚流各犯口糧向來動用倉糧如額缺較多卽乘糧價平減之時隨時詳請領銀採買以實積貯

社倉六所原額糧五千八百九十八石二斗八升六合五勺內貯京斗穀數實存一千六百二石四斗五升二合九勺麥數實存四千二百九十五石八斗三升三合六勺

以上糧石除支難民口糧及補修倉廩動用外其餘糧石因嘉慶三五年間賊匪滋擾恐被焚掠經前任詳明

盡數出借於民至嘉慶八年奉旨全行豁免其修

倉廩處所卷宗因道光七年被水沖沒無案可稽探問

耆老得悉舊址謹存於後以爲異日復興建立之地云

爾

西路置口一所距城三十里房屋早已坍塌地基尚存

龔家營一所距城五十里房屋亦已坍塌地基尚存

北路羊耳壩一所距城一百里房宇雖屬坍塌蹤跡尚存

中川一所距城一百一十里房宇雖已坍塌蹤跡尚存

東路木瓜橋舊有一所房屋地基杳無踪影

嘉慶四年六月被賊焚掠社倉一所併不知在於何地  
訪查迄無知者

### 學校

畧陽縣儒學舊治在舊城縣治之西北隅鳳山之麓係前  
宋慶厯中所建元至元十年縣令李舜臣徙建於舊城之  
後以兵燹半歸零落明洪武四年知縣常輔重建於鳳麓  
故址至正統十三年江漲湮沒教諭譚志學卽舊基修理  
及成化四年又經水患知縣李鑑知事金坡乃移建於舊  
城之  
時掘地得碑卽前元李舜臣徙學故址也宣

德間改建於舊城之北關正德十四年知縣杜介改置舊城縣治之西萬曆九年知縣王之臣曾監工修理焉三十年知縣申如墳復改建於鳳山之麓天啟元年知縣周延申因水漲復改建於舊城之北明末教諭王廷弼又改察院為儒學

或云王良弼廷字當屬傳聞之訛未知孰是

國朝順治初殘毀遊擊梁加琦修葺是時儒學仍屬教諭至康熙二十四年乃改訓導知縣施有光重脩衙署嗣是疊經水患而隨時補葺尚不至大傾圮道光七年水災城圮學署蕩然邑令郭熊飛遷建新城九年并各衙署一齊落

成計房一十三間

歲科並考入學額數

會典畧陽小學歲試取進附學生員八名 科試取進附

學生員八名 廩生二十名 增生二十名 二年一貢

凡應貢之年恭遇 覃恩卽以正貢作 恩貢

次貢作歲貢

歲試取進武生八名 外撥府學一名

學田俱係山坡陡地未計畝數每年租銀一十兩三錢五

分

齋夫二名 膳夫二名 門斗二名

邑令賈芳林書院成規五條

一定膏火前以讀經書定膏火讀經者給膏火不讀經者不給期於士皆通經然亦有勤於用功而讀經不能如數者自宜畧爲變通今定膏火五十分讀經膏火三十分不讀經膏火二十分讀經以易書詩周禮禮記春秋左傳六經爲定六經尤以春秋左傳禮記周禮爲主春秋左傳十二本禮記十本周禮精義六本諸生童於是三經能二十日讀一本者准膏火二十日內除官課齋課外止得十六

七日全本通記者方准周禮春秋左傳均全讀禮記喪禮  
可以不讀其不讀者亦按頁數於下本補足核算易書詩  
每部均限八十日能讀熟者准膏火然必周禮禮記春秋  
左傳讀完再讀此三經方准膏火但能讀此三經者不准  
膏火之數每名月給錢八百文此讀經者一定章程也其  
不專於讀經或讀經不能如數者生員膏火十分童生膏  
火十分生員膏火月給錢一千二百文童生膏火月給錢  
八百文隨課而定每月初二十六官課初二官課取在前  
十名者給前半月膏火十六官課取在前十名者給下半



月膏火十名以外不給其功課則於所定八條中如讀古文看史參證羣書等條均聽其隨使用功不爲限制每日讀時文一篇排律詩一首看四書若干頁均呈請山長宣講春秋左傳周禮禮記等經亦要讀特不限以頁數無論讀經不讀經均訂功課本一個每日寫讀某文一篇某某詩一首某某古文一篇看書自某處起至某處止讀某經自某處起至某處止每日早晨向山長處呈誦四書則聽山長抽問某章書某某說若何逐條登答若但隨課作文不在書院肄業者其獎賞與肄業生童一概不給膏火其

所扣未曾在院肄業生童之膏火仍然發給在院肄業生童如生童等次取在十一名者多則以次遞推其讀經生童既得讀經膏火官課能取在前十名者若易書詩周禮禮記春秋左傳六經俱能成誦除讀經膏火照常發給不計外一律照官訂甲乙全給膏火獎賞若六經不能成誦除讀經膏火不計外止給膏火一半所餘膏火仍前發給取在十一名者多亦以次推其不能讀經及每課不能取在前十名者均聽其自備資斧住書院肄業一定獎賞生員每課獎賞三名第一名獎賞錢五百文第

二三名獎賞錢俱二百文童生每課獎賞三名第一名獎賞錢三百文二三名俱二百文既有獎賞又隨課定膏火有志上進者自必益加鼓勵而錄舊及倩人代筆等弊亦不可不防應爲酌定章程以便遵守凡錄舊及倩人代筆者除將應得膏火獎賞扣除外生員罰錢六百文童生罰錢四百文扣除膏火發給是課取在十一名者多則以次遞推其所罰錢經山長及本縣查出卽以所罰之錢充公經書院肄業生童查出卽以所罰之錢給賞其倩書院中人代筆者本人與代筆人並罰其錄寫成文在五句以內

者扣除獎賞膏火止扣一半五句以外者膏火獎賞全扣其錄寫或係同類題全節全章非原題者十句以內扣除獎賞膏火止扣一半十句以外膏火獎賞全扣扣除膏火獎賞俱發給本課取在十一名者其附課之罰與書院肄業生童等

一山長脩金火食錢一百六十千上館解館路費錢各四千關聘銀四兩四季請山長酒席費用三共約錢二千文齋長二名每名月給膏火錢一千二百文院夫一名月給工食錢六百文院書一名月給工食錢八百文惟生

童除正臘兩月止給十個月膏火此三項則全給不除院夫經管大門閒雜人不准擅入每日黎明將大門開鎖鎖鑰交齋長處講堂及山長住房各學舍打掃潔淨定更後卽將大門關鎖院書專司簿稽某日某生某童在書院某日某生某童不在書院逐日登記於官課時將簿稽同生童文卷一併送署以憑查考院書錯誤或挾嫌故爲誑記者嚴懲院書不貸齋長經管書院一切事宜凡山長支使脩金及各生童膏火獎賞院夫院書工食俱經齋長發給每月底將肄業生童應得讀經膏火若干不讀經膏火若

干某某獎賞若干某某應扣除若干均著院書登簿送署  
過硃然後發給膏火於月底發給獎賞隨課發給年終著  
院書另造總冊并每月硃簿送署核對存房備案至肄業  
生童無論在書院內外有不守學規滋生事端者齋長稟  
明懲治

一書院肄業生童有事均要告假聽山長酌給日數大約  
每月不得過三日三日以內者不扣膏火三日以外按日  
扣除各生童親友有事進城均不得藉探望爲名在書院  
逗遛其有羣聚閒談不肯用功者齋長稟請山長戒飭若

酗酒滋事不守學規齋長稟請本縣驅逐若經本縣查出而齋長容忍隱匿者並將齋長申飭

一書院義學經費出自地租及各集場斗租除每年書院義學支銷錢壹千千零貳拾叁千外尚餘錢壹百肆拾餘千文三年約餘錢肆百叁拾餘千畧邑距省一千餘里各生寒士居多鄉試路費爲艱今酌定章程每名給路費錢伍千文共鄉試若干每科於七月初一日齋長開單送署稟請給發其有已領路費有事不能赴省者仍追還歸欸至於書院佃戶所納租課較之佃種民地者雖輕然荒歉

亦宜體恤夏租於五月初十日起徵秋租於九月初一日起徵畧邑秋收爲重且地畝坐落高山平壩不等如遇實屬荒歉齋長於八月內逐一查明某佃戶應減租若干某佃戶不應減租於尚未徵收秋租以前稟請出示豁免徵收春租亦然庶使窮苦者亦得霑感實惠也其餘亦不得藉口頑抗

書院所收城鄉集場斗租

本城集場壹處每年納租錢壹百肆拾千文

東鄉集場柒處每年納租錢共玖拾肆千文



南鄉集場貳處每年納租錢共叁拾伍千文

西鄉集場壹處每年納租錢拾肆千文

北鄉集場叁處每年納租錢共伍拾貳千文

以上城鄉共拾肆處每年共收租錢叁百叁拾伍千文

書院所收四鄉膏火地租

東鄉共地肆拾肆段每年共納租錢貳百貳拾肆千肆百

文

南鄉共地叁拾壹段每年共納租錢肆拾捌千陸百文

西鄉共地拾叁段每年共納租錢陸拾叁千捌百文

北鄉共地壹百伍拾段每年共納租錢肆百玖拾柒千肆百文

以上四鄉計地貳百叁拾捌段每年共納租錢捌百叁拾肆千貳百文

義學設立處所

城關四處

舊城南街

新城東關

西關南壩

北關菜子壩

東鄉八處

蹇家壩

接官亭

何家巖

峽口驛

蘇柳舖

大鐵壩

魚洞子

大黃院

南鄉四處

蒿壩

龐家院

花廠溝

郭家壩

西鄉八處

橫現河

冑口

魚池子

木瓜園

明水

相公山

一名崩土坎

堰溝門

西淮壩

一云賢村

北鄉三處

白水江

乾水磨

九股樹

以上城鄉共二十七處

以上城鄉斗租地租每年共應入錢壹千壹百陸拾玖千貳百文除山長束脩火食錢壹百陸拾千文山長節季席棹并迎送夫馬共貳拾貳千文膏火伍拾分用錢肆百肆拾千文齋長膏火貳拾捌千捌百文院夫院書工食拾陸千捌百文官課獎賞叁拾貳千文義學脩金錢叁百貳拾肆千文以前共用錢壹千千零貳拾叁千零每年尚餘錢壹百肆拾陸千零以爲各士子鄉試路費及偶遇荒歉減租添補之積瑪思前賢設法靡不盡

善而文風振作且暮難期畧邑人士多屬寒素每於大  
比之年赴省鄉試者每人倍給盤川錢拾千每月官課  
之日添設各生童席棹繼恐書吏承辦或致侵漁易以  
每人給錢伍拾文以便午餐復爲山長晨午送席二棹  
計錢約費貳千文庶幾哉教化行而風俗美師道立則  
善人多瑀當拭目俟之

按前賢之立法善矣譚君添設月課時席棹餐錢倍  
給鄉試盤川意至美也然予到官後鈎考近年簿籍  
計徵租所入歲僅八百餘千詢諸司出納之齋長與

掌案之吏乃知頻遭水患地多沖失歲用不敷之百餘千官爲捐廉添補業經數年然則應給之鄉試盤川尚無所出也官斯土者爲造士計固不惜隨時捐給以維前賢之緒然亦思今之地租何自來乎非昔之紳衿士庶所陸續捐入者乎人心好義今猶古也或有繼起者捐足原額使垂久遠是亦予所厚望也夫

周嘉會附記

兵防

衙署

新城及東北路共九座俱見前衙署類

兵房

新城一百一十六間

東路何家巖六十間

北路白水江四十間

馬棚馬神廟一座

在新城計房一十八間

演武廳一座

在新城計房一十五間

額設馬兵陸拾捌名

步戰兵貳百壹拾柒名

守兵貳百叁拾柒名

共額設馬戰守兵五百貳拾貳名

本城防守兵丁叁百玖拾玖名

東路何家巖分防汛兵伍拾玖名

北路白水江分防汛兵叁拾玖名

東路塘房八處每處塘兵貳名共兵丁壹拾陸名

西路塘房七處每處塘兵壹名共兵丁柒名



南路截堽子僻塘兵丁壹名

北路干水磨僻塘兵丁壹名

畧陽營分防汛塘遠近里數

本營專城汛

距府城二百八十里

底塘

畧陽縣新城東關外

閣老嶺塘

東二十里

橫現河塘

西十五里

冒口塘

西三十里

鄧子園塘

西七十里

大水溝塘

西八十里

七里塹塘

西九十里

窰坪塘

西一百里

大南峪塘

西二百二十里  
交甘肅階州界

以上屬專城汛

何家巖汎

距本營六十里

何家巖塘

東三里許

茅壩塘

東十里

煎茶舖塘

東二里

峽口驛塘

東四十里

沮水塘

東六里

陳家嘴塘

東七十里

接官亭塘

西二里

閣老嶺塘

西四十里城本汎二十里

至專

以上屬何家巖汎

白水江汎

距本營一百二十里舊未設塘

畧陽按舊制設有水師畧陽二營未經改設之先卷宗缺失無從查考止遺有康熙二十二年因造報缺曠錢糧冊

內查得畧陽城守營原設兵丁四百八十八名水師營原設兵丁一千名自康熙二十二年裁改營制將城守營兵丁全數裁革止畱水師營改爲畧陽營原額馬戰兵一百四十八名步戰兵七十名守兵七百八十二名改設之時守兵內有缺曠糧四百八十二名當時奉文停止募補是康熙二十二年現在兵數五百一十八名因其與畧陽營原設兵制不符又裁去守兵三十名實在經制馬戰兵一百四十八名步戰兵七十名守兵二百七十名共存營兵丁四百八十八名康熙三十年在於敬陳微臣一得之愚

等事一案添設肅州鎮裁去本營馬戰兵四十八名步戰兵二十名止畱馬戰兵一百名步戰兵五十名守兵二百七十名共兵四百二十名雍正二年在於欽奉 上諭事一案照依川省兵制馬二步八之例裁改馬戰兵一十六名增入步戰兵數內則是當時馬戰兵實係八十四名步戰兵六十六名守兵二百七十名共兵丁四百二十名然考之嚴志云畧陽營遊擊一員守備一員千總一員把總二員經制外委二員額外外委二員馬戰兵七十七名步戰兵二百一十八名守兵二百三十六名共兵五百三十

一名內分派吐魯番屯防千總一員把總一員馬兵五名  
步兵四名守兵二十六名分防白水江外委一員馬步守  
兵四十名何家巖把總一員馬步守兵六十名共存營內  
馬步守兵丁實計三百九十六名額外外委馬步守兵歲  
共支餉米銀一萬一千二百一十兩四錢

戰馬七十九匹歲支草乾銀八百五十三兩二錢

歲額公費銀三百五十五兩一分八釐

教場在舊城北門外二里許八渡水之旁演武廳三間後  
房二間耳房二間旗臺一座照牆一座嘉慶十五六年連

遭水冲現在移修於縣城北五里許凡演武廳後房耳房  
旗臺照牆圍垣較前更增壯麗

軍裝庫房在守備署側

火藥局在新城東門上原

營倉房在守備署側

營義學在新城千總衙署之左每年延師束脩制錢肆拾

千文

東路塘房十二

閣老嶺塘

距城二十里

接官亭塘

距城四十里

何家巖塘

距城六里

煎茶嶺塘

距城七里

煎茶舖塘

距城八里

峽口驛塘

距城一百里

陳家嘴塘

距城一百三十里

臭草溝塘

距城五十里

銅光營塘

距城六十里

蘇柳舖塘

距城七十里

廟壩塘

距城九十里

沮水舖塘

距城一百二十里

南路塘房二

截埡子塘

距城二十里

白雀寺塘

距城四十里

西路塘房十一

橫現河塘

距城十五里

三岔子塘

距城九十里

荷園子塘

距城六十里

石牌坊塘

距城七十里

琵琶寺塘

距城一百里

宜口塘

距城三十里

鄧子園塘

距城七十里

大水溝塘

距城八十里

七里塢塘

距城九十里

窰坪塘

距城一百一十里

大南峪塘

距城一百二十里

北路塘房十

乾水磨塘

距城二十里

紅花寺塘

距城二十里

荷林驛塘

距城四十里

黑樓房塘

距城五十里

鐵廠子塘

距城六十里

八渡山塘

距城八十里



大黃渠塘

距城八十里

蔴柳塘

距城一百里

白水江塘

距城一百二十里

大石碑塘

距城一百三十里

壇壝

社稷壇

昔在舊城西郊外今在舊城內文廟故址

風雲雷雨山川壇

昔在舊城南關外今在新城東關外一里許

文廟

昔在舊城縣治西今移建新城縣治東

啟聖祠

昔在舊城文廟後今移建新城文廟左側

名宦祠

昔在舊城文廟靈星門東今移建新城文廟洋池東

鄉賢祠

昔在舊城文廟靈星門右今移建新城文廟洋池西

忠孝祠

昔在舊城縣治北學宮之左

節義祠

昔在舊城縣治前高臺之上

忠烈祠

昔在舊城縣治東一里許

魁星閣

昔在舊城縣治北象山之前雍正五年縣令范昉遷建於高臺道光二十二年文昌宮培修既成

乃遷建於鐘鼓樓之左

文昌宮

昔在舊城縣治前高臺上今仍舊址增脩詳藝文部碑記

五瘟祠

昔在舊城縣治前高臺上今仍舊址改建於文昌宮鐘鼓樓之右

先農壇

昔在舊城東郊外今在新城東關

厲壇

昔在舊城西郊今在舊城文廟故址

建置部

關帝廟 在舊城西關內 又一廟在獅山上

昭忠祠 昔在舊城縣 治西今廢

城隍廟 昔在舊城縣治 南今仍舊址

土地祠 在縣治儀 門外東邊

東嶽廟 在舊城北 一里許

豐都廟 一在獅山 一在舊城 縣東八十里之廟壩

玉皇廟 在獅山

馬王廟 昔在舊城西關內 關帝廟 之右今移建於新城西街

火神廟 在舊城西關內 關帝廟之右

三官廟 昔在舊城北關外

武都王廟 在靈峻山

正覺寺 昔在舊城東關外一里許今屬新城西關外一里許在嘉陵書院之右宋淳熙三年建明洪武三年

脩重

迴龍寺 在縣治南五十里

靈巖寺 在縣治南七里許詳見山川部

水神廟 一在舊城南關外西南隅一在舊城內西街

西溪寺 在縣治東七十里煎茶舖

石牛寺 在縣治西十五里橫現河道光二十一年重脩

易縣志

卷之二 建置部

十一

香水寺

在縣治西一百里藥木院

仙臺寺

在縣治北一百里仙臺壩

琵琶寺

在縣治北一百里石門壩

治平寺

在縣治北一百二十里金池院

觀音寺

在縣治東一百四十里黑河縣丞分防處所

宏化寺

在縣治北三十里

釋迦寺

在縣治南六十里

報恩寺

在縣治西六十里

勝水寺

在縣治西六十里相公山

彌陀寺

在縣治西  
七十里

禪覺寺

在縣治西  
八十里

藥師寺

在舊城  
北關外

鐵佛寺

在縣治西北  
一百五十里

元帝寺

在舊城  
北關外

三清觀

一在獅山一在縣治西  
一百二十里西淮壩

寫臺寺

在縣治西四  
十五里茅壩

化成寺

在縣治北  
一百二十里

白衣菴

在縣治北  
九十里

白衣閣

在舊城內中街

觀音閣

在舊城縣治南高臺上

聖母殿

在舊城縣治南高臺上

磨針殿

在舊城東關外獅山係古蹟

萬壽宮

在舊城縣治南高臺上前邑宰范助創建

文廟舊無官廳

瑪

於道光二十年就鄉賢祠之南捐建官

廳三間非以壯觀瞻實為

朝廷肅體統云爾

紀事

南齊高帝建元四年秋八月氏帥楊靈珍等來降

魏以氏帥楊靈珍爲南梁州刺史靈珍舉州降齊襲武

興王楊集始

按明一統志云武興故址在今漢中府畧陽縣南

集始窘急亦降

於齊魏遣李崇討之

綱目按集始於東昏侯永元二年復叛齊入魏

九月魏克武興楊靈珍奔漢中

李崇槎山分進出其不意表裏以襲羣氏皆棄靈珍散

歸靈珍衆減大半崇進據赤土靈珍遣從弟楊建率五

千人屯龍門躬率精銳一萬據鷲硤龍門之北數十里

伐樹塞路鷲硤之口積大木聚礮石臨崖下之以拒官

軍崇命統軍慕容拒率衆五千從他路夜襲龍門破之



崇乃自攻靈珍靈珍連戰敗走俘其妻子崇多設疑兵  
襲克武興靈珍走奔漢中

梁武帝大同元年秋七月東益州叛魏來降

梁鄱陽王範刺史樊文熾合兵圍晉壽魏東益州刺史

傅敬和降敬和豎眼之子也

通鑑 按魏置東益州即今之畧陽

北朝魏太和四年秋八月齊遣兵攻武興不克

蕭道成梁州刺史崔慧景遣長史裴叔保率眾攻武興

關城氏帥楊鼠擊破之叔保還南鄭

魏書孝文帝紀

宣武帝景明元年武興氏楊集始降

楊椿爲寧朔將軍梁州刺史初武興王楊集始爲楊靈  
珍所破降於蕭鸞至是率賊萬餘自漢中而北規復舊  
土椿領步騎五千出頓下辯貽書集始開以利害集始  
執書對使者曰楊使君此書除我心腹之疾遂領其部

曲千餘人來降

魏書楊  
椿傳

正始二年冬十月武興氏楊紹先反遣兵討之

集義見梁益既定恐武興不得久爲外藩遂煽動諸氏  
推紹先僭稱大號集起集義并稱王外引蕭衍爲援

魏書

氏傳

三年正月邢巒討武興氏滅之

楊集義攻圍魏關城

鑑註即陽平關城也

邢巒遣豎眼討之集義

眾逆戰頻破走之乘勢追北克武興

魏書傳豎眼傳

邢巒遣建

武將軍傅豎眼攻武興克之執紹先送於京師遂滅其

國以為武興鎮復改鎮為東益州其後紹先奔還武興

復自立為王

氏傳

延昌四年夏四月破氏於沮水

孝明帝熙平元年夏四月梁圍武興將軍傅豎眼擊敗之

梁張齊圍武興法僧嬰城自守境內皆叛遣使告急於

魏魏以傅豎眼爲益州刺史赴之豎眼入境轉戰三日  
行二百里九遇皆捷民獠皆喜迎拜於路者相繼綱目

唐景福元年夏六月李茂貞取鳳興洋州

六月己巳李茂貞陷鳳州感義軍節度使滿存奔於興

元遂陷興州洋州

唐書昭宗本紀

天復二年冬十月王建取興州

武定節度使李思敬以洋州降王建冬十月建攻拔興

州以軍使王宗浩爲興州刺史

通鑑

五代梁太祖開平四年秋八月岐劉知俊擊蜀兵戰於青

泥嶺敗之圍安遠軍

岐王使劉知俊李繼崇將兵擊蜀王宗侃王宗賀唐道襲王宗紹與之戰於青泥嶺蜀兵大敗王宗浩奔興州溺死於江唐道襲奔興元先是王宗綰城西縣號安遠軍宗侃等收散兵走保之知俊繼崇追圍之

通鑑

末帝貞明元年冬十一月蜀遣兵攻岐劉知俊奔蜀蜀取鳳州興州

劉知俊攻霍彥威於邠州半歲不克聞秦州降蜀妻子皆遷成都解圍還鳳翔懼及禍夜率親軍斬關奔蜀軍

王宗縮自河池進兵會王宗瑤攻鳳州克之

綱目

初汴將

劉知俊奔鳳翔李茂貞以爲大將稍侵建之興鳳皆沒焉及知俊自岐奔蜀建厚禮之任爲上將令擊茂貞乃

復鳳興二州

冊府元龜

唐莊宗同光三年秋九月命魏王繼岌郭崇韜伐蜀取鳳興州

後唐魏王繼岌同光三年九月爲征西都統伐蜀繼岌至鳳州僞武興軍節度使王承捷以鳳興文扶四州降大軍食其芻粟得糧四十萬兵士八千魏王給牒令攝

武興軍節度使

冊府元龜

郭崇韜入散關指其山曰吾輩進

無成功不得復還此矣當盡力一決今餽運將竭宜先

取鳳州因其糧乃倍道而進王承捷以鳳興文扶四州

印節迎降得兵士八千糧四十萬斛

通鑑

閔帝應順元年夏五月興州刺史劉遂清棄鎮歸詔宥之

唐主之起鳳翔也召興州刺史劉遂清遲疑不至聞唐

主入洛乃悉集三泉西縣戍兵以歸自散關以南城鎮

悉棄之皆為蜀人所有唐主以其能自歸乃赦之

通鑑

冬十月蜀遣兵屯興州

九月唐詔鳳翔益兵守東安鎮以備蜀十月蜀李延厚將果州兵屯興州興州刺史馮暉自乾渠引戍兵歸鳳翔

後漢高祖天福十二年蜀李繼勳與興州刺史劉景攻固鎮拔之

何重建請出蜀兵與階成兵共振散關以取鳳州蜀主發山南兵三千七百赴之重建遣宮苑使崔延琛將兵

攻鳳州不克退保固鎮

通鑑

宋太祖乾德二年冬十二月王全斌克興州



乾德二年冬下詔伐蜀全斌為行營前軍都部署率禁  
 軍步騎二萬諸州兵萬人由鳳州路進討召示川陝地  
 圖授以方畧十二月率兵拔乾渠渡萬仞燕子二砦遂  
 下興州蜀刺史藍思綰退保西縣敗蜀兵七千人獲軍  
 糧四十餘萬斛進拔石圖二十餘砦先鋒史延德進軍  
 三泉敗沒蜀軍數萬擒招討使韓保正副使李進獲糧  
 三十萬斛宋史王全斌傳

高宗紹興元年三月金兵偪興州

金人破福津蹂同谷以迫興州浚遂退保閬川而以王

庶爲制置使節制陝西諸路知興元府

寧宗開禧三年春正月吳曦僭王位於興州權大安軍楊震仲死之

曦遣將利吉引金兵入鳳州以四郡付之表鐵山爲界曦乘黃屋左纛僭王位於興州卽治所爲行宮楊震仲權大安軍吳曦叛素聞震仲名馳檄召之震仲辭疾不行曦遣郭鵬飛趣其行益急震仲飲毒死闔郡爲流涕

楊震仲傳

三月興州將李好義等復秦鳳等州及大散關

明洪武三年夏四月大將軍徐達徇畧陽沔州下之遣別將克興元

傅友德從大將軍擣定西太保王保保友德領前鋒出

秦州奪畧陽關虜其平章蔡琳遂入沔分兵繇鳳翔合

攻漢中克之

世法錄

崇禎元年冬十一月陝西盜起

是歲延安饑府谷民王嘉引作亂延安人張獻忠從之

獻忠陰謀多智賊中號八大王其部最強旁掠延安諸

郡邑

紀事本末

崇禎戊辰府谷民王嘉引倡亂又有不沾泥

楊六郎白水盜王二等掠蒲城韓城劫宜君嶽北合嘉

引五六千人

二申野錄

漢南賊四百餘人自汧陽兩當薄畧

陽引土賊三千餘人入畧偃漢中等處白水賊合山西

逃兵掠蒲城韓城之孝童淄川鎮時承平久猝被兵人

無固志陝西巡撫胡廷宴惡聞盜警杖報者曰此饑民

也掠至明春後自定耳後各縣不以聞盜偵知之益恣

明史畧崇禎元年延安大饑其十一月王嘉引起府谷王

二起白水相聚於黃龍山爲盜不沾泥一座城五虎黑

煞神等起洛川王和尚混天王起延川苗美左掛子起

綏德苗登鷺起安定各有衆三四千漢南盜又大起畧

陽清水涇陽富平耀州之間囂然矣

延綏鎮志

國朝康熙十四年五月十三日偽將軍吳之茂據畧陽攻劫各堡砦及潛匿深林密澗者搜掠四十日始罷五載塗炭郡邑一空十八年奮威將軍王進寶勇畧將軍趙良棟分道殺入偽逆大潰郡邑始平

重修畧陽縣志卷之三

人才部上

封爵

北魏

畧陽王羯兒

魏書河間王修傳泰常元年河間王薨無子世祖繼絕世詔河南王曜之子羯兒襲修爵

改封畧陽按歷代紀事年表羯兒改封畧陽王二年討秃髮保周於番和坐貪暴降爵為公五年統河西諸軍

襲柔然至漠南仍復王爵至正平元年坐罪爵除

武都王楊鼠

北史氏傳孝文時鼠奉表謝罪貢其方物遣子狗奴入侍孝文納之拜鼠武都王鼠死從

子後起繼位孝文以鼠爵授之後起死以鼠子集始為武都王集始朝京師拜漢中郡侯武興王後楊靈珍襲

身... 卷之八十三

破武興集始入齊景明初集始來降還授爵位歸守武  
興死子紹先立拜漢中郡公武興王紹先年幼委事二  
叔集起集義集義煽動諸氏推紹先僭稱大號傅豎眼  
攻武興克之執紹先送於京師遂滅其國以為武興鎮  
畧陽公符承祖魏書關宦傳畧陽氏人賜爵畧陽侯晉爵畧陽公

隋

順政郡公董純隋書本傳隴西成紀人周武帝時爵大興縣侯高祖受禪晉爵漢曲縣公開皇末以

舊勞封順政縣公漢王諒作亂從楊素擊平之晉爵郡公大業十年為彭城畱守有人譖純怯懦不能平賊伏誅

唐

順政郡王劉神藻册府元龜大歷九年九月封

秩官

自古迄今畧陽之守官失傳者不知凡幾世遠年湮文獻  
不足故也茲特就其可據者著之按省志載晉畧陽郡  
太守九千三百二十戶隸秦州刺史郡守三人嚴舒馮  
翊人毛瑾滎陽武人司馬瓘宗室考建置表魏晉仍  
漢爲沮縣屬武都郡並無畧陽之名至永嘉末爲氐人  
所據郡縣荒廢此云畧陽郡隸秦州疑卽今秦安境之  
畧陽也存考

六朝宋



### 畧陽郡太守

楊文度

宋書順帝本紀昇明元年以楊文度爲畧陽太守鎮武興

六朝北魏

### 東益州刺史

杜纂

常山九門人肅宗時任

魏子建

詳見宦績

傅敬和

大統元年任餘詳紀事

梁禦

武川人大統時任

元法僧

### 武興郡畧陽郡太守

宋僚

燉煌人任武興郡太守

韋千雄

京兆杜陵人

張獻

皇甫徽朝那人以上俱任畧陽太守

六朝北周

順政郡修城郡太守

趙壽

張掖酒泉人任順政郡太守

杜杲

字子暉京兆杜陵人周明帝初為修城郡太守

仇周貢等作亂攻逼修城杲信洽於人部內遂無叛者尋率部兵與開府趙杲合兵破之

六朝隋舊志隋薛大鼎蒲州人仁壽間為興州刺史按薛

大鼎唐時山南西道節度使豈大鼎在隋刺史興州在

唐而為節度使乎然隋無興州之名焉得有刺史此亦

紀載之失實者

唐

興州刺史

嚴礪

詳見宦績

郭宗元

王宗浩

天復二年武定節度使李思敬以洋州降王建冬十月建攻拔興州以軍吏王宗浩為興州刺史

順政郡太守

房渙

天寶八載任按舊志唐房武天寶間為興州刺史文能著作武能戡亂著有翠峯亭記滕天綬府志遂將

房記並宋王震銘合刻一篇擬其目曰翠峯亭記俱未考據詳明瑀曾作翠峯亭辨以正之

五代後唐

興州刺史

劉遂清

閔帝應順元年任

馮暉 應順元年任

### 五代後蜀

#### 興州刺史

劉景

後漢高祖天福十二年蜀李繼勳與興州刺史劉景攻固鎮拔之

藍思綰

宋乾德二年王全斌克興州刺史藍思綰退保西縣

宋舊志宋楊粹中會昌間刺史興州政平訟理有詩集行

於世按會昌唐武宗年號以粹中為宋人誤矣姑存之

以俟考

利州西路經畧安撫使

吳璘  
詳見  
宦績

吳挺  
璘子字仲烈淳熙四年  
除知興州利州西路安

撫使

吳曦  
挺子慶元元年任  
開禧三年以叛誅

羅大義  
鎮江  
人

張詔  
光宗  
時任

郭杲

興州都統制

吳曦  
泰嘉元  
年任

王大節  
泰嘉元  
年副都統

母思  
開禧二  
年任

沔州都統制

李好義  
詳見  
宦績

張林  
嘉定二  
年任

張威

嘉定十二年任

石宣

紹定四年任

李顯忠

端平三年任

興州刺史

楊繪

四川綿竹人天禧間任後知興元府

陳敏

石城人高宗時任

知興州

薛奎

絳州正平人知興州政崇大體不事苛察

李虞卿

至和元年權知興州事三年開白水路

劉拱

至和三年開白水路拱總役應用時知興安軍見雷簡夫記省志至和二年知興州舊府縣志總理興州

糧儲今備載存參

王震

字叔仁河南人嘉祐王寅建翠峯亭作銘碑鐫

大石崖舊志載於南北朝宋無嘉祐年號按南北朝宋無嘉祐年號

吳璘

紹興十七年  
兼知興州

安丙

字子文廣安人開禧三年為轉運使與李好義

楊巨源誅吳曦加端明殿學士中大夫知興州安撫使兼四川宣撫副使

高稼

詳見  
宦績

曹友聞

詳見  
宦績

興州提刑

邵伯温

洛陽人為興州提刑時大寇入蜀伯温遣兵扼劍關賊乃遁去州賴以安

興州通判

周渭

詳見  
宦績

興州判官

李良祐

至和三年簽署興州判官廳公事修自水路良祐與焉

順政縣令

商應以順政令權知長舉事至和三年與修白水路舊志作商應程非

杜俊明徽宗大觀元年任見翠屏山石壁

主簿

王啟強徽宗大觀元年任見翠屏山石壁

興州巡

喬達至和三年與開白水路

元

縣令



李舜臣 何景明遷建廟學記至正十年縣令李舜臣  
建學於縣治北舊志作至正中知沔州誤

明

知縣

常輔 四川閬中監生洪武間  
任廉恕儉約邑人思之  
李鑑 浙江上虞舉人成化四  
年任時大水壞學宮鑑

修之

王鏜 山東泰安監  
生勤政愛民

曹溥 應州舉人剛直有為  
以上俱成化間任

李顯貴 金堂舉人  
寬明仁恕

陳茂 山西  
舉人

馮淳 山西河  
津舉人

蔣洪 遼東舉人剛正勤敏  
以上俱宏治間任

嚴順 山東  
監生

馬翱 四川忠州  
監生有傳

任秉忠 灌縣  
監生

杜介 石州舉人賦性剛直莅政嚴明

周祐 四川潼川舉人正德間任有守有為民咸德之

李逢春 湖廣鄖西舉人純篤廉明

陳瑤 江西吉水監生

高山 彭水監生

阮清 直隸涿州監生

胡邦彥 直隸易州監生純心愛民

王麟 安人居舉人訟平政舉

尚廷書 直隸涿州舉人政不苛察

朱子裔 湖廣監生利監生

白桂 貴陽舉人嘉靖二十四年任公平民服

李旦春 江西安福舉人賦性廉靜政通學優

李遇春 山西襄垣舉人修建多績百廢具興

龐楊 彰明監生

裴朝剛 湖廣鄖西監生以上俱嘉靖間任

李茂 四川什邡監生

平衡 湖廣監生

苗經 山東監生以上俱隆慶間任

傅爾正 直隸滄州監生 淡泊出於自然 誠慤本乎天性 在官多厚澤 去後有遐思

李朝言 南州監生 修城有功 王之臣 廣元人 竣修城之績 優幹事之才 萬歷九年

年重修文廟次年告成 龔懋賢為文記事 劉一鵬 河南祥符監生

吳九易 湖廣鄖陽舉人 楊峻 山東東阿舉人

王璽 四川梓潼監生 冉宗孔 貴州監生

楊崇儒 山西臨汾舉人 敢抗催稅之官 全無畏縮之態

李德性 直隸永年舉人 畧人塑像於靈巖之羅漢洞 有碑云 漳川李子尹 茲畧陽迂儒 拙吏踴踴涼涼 憂民

慮國竭盡衷腸 公好公惡 寄此一方 未書了葛子李德性 碑陰鐫徑窄不妨 來鳳舞碑陰畱與後人 傳十四

字萬歷三十年遷城隍廟於城南之舊府館 畧加修葺 不再月而告成 自為文以記事

李培 山東樂陵監生革排年之擾黜副差之害發奸剔蠹盜息民安

申如墳 號奏廷延津舉人以兵部司務出為令政教休明惠風述暢棠陰已覆乎赤子菁莪尤著於青衿畧

人稱曰鐵耳申公萬歷四十一年改創廟學於鳳山之麓毛芬為文以褒美之

周鴻圖 山東卽墨貢生政僅期月惠及四里旋以難去後官至參政以上俱萬歷間任

周延申 湖廣蘄水貢生莅任六載閭閻富藏何士遇 四川眉州舉人

王秉公 山東文登貢生以陳所職 山東茌平貢生忠厚正直賞罰惟信

牛問仁 山東定陶貢生躬石白鉉 山西榆次貢生

周愷 遼東貢生朱貴 河南祥符宗學貢生慈祥渾厚不事煩苛

周灝 河南夏邑舉人持已無私為政有體以上俱崇禎間任

縣丞

葉禮 洪武四年禮徙學於縣治  
東北舊志稱其修建多績

教諭

譚志學 北直人正統十三年大  
水學宮壞志學修之

李鑑之 湖廣人

周吉 四川人

徐瑞 鳳翔人

王瓊 河南人

田鼈 四川人

王珏 灌州人

李崇實 秦州人

陳九疇 河南人

鄭自然 江南人

丁汝翼 華陽人

訓導

張秀

廣安人

房謙

費縣人

杜采鳳

眉州人

王崇智

儀隴人

趙世秀

犍爲人

錢雲

巴縣人

曹鑾

四川人

趙承章

清水人

向一夔

四川人

鄭恂

保寧人

吳璿

新津人

曹真

華州人

屈應聘

葭州人

任忠

永壽人

李友楠

岳池人

魏懋學

咸寧人

熊緯 興安人 崇禎間裁

主簿

王鎬 龍陽監生

高公庭 河南人

張崇儒 湖廣人

侯經 臨汾人

陳信

嚴志學 襄陽人

喬木 臨縣人

楊光國 陽城人

王磐石 壽陽人

任忠 直隸人

王幾 山東人

劉崑 浙江人

解冕 真定人

王永傳 廣安人

蔣大義  
雲南人

馬似龍  
四川人

冀明誠  
河南人

楊文元  
順天人  
崇禎間任

典史

李瑤  
上蔡人

余經  
江西人

周之台  
巴縣人

李文亨  
四川人

江中立  
徽州人

余維城  
江西人

李光遠  
沔池州人

蘭裔  
絳州人

魯汝唯  
江西人

歐志顯  
湖廣人

于惟精  
江西人

惠敷遠  
河南人

卷之三

人才部

十



李如松 浙江人

沈良珩 福建人

賈維城 北直人

嘉陵驛驛丞

李倫 宏治間任見城隍廟碑

國朝

知縣

王業泰 直隸遵化貢生

盛交 江南太倉進士有題石室二字鑄大石崖

諸保宥 江南崑山人乙丑與其弟豫同榜進士政簡刑清愛人造士菁莪召杜載在豐碑以保舉優陞荊州

知府

馬如龍 山西澤州進士別弊釐奸如懸秦鏡

甯心祖遼東進士鐵面冰心安民  
息事以上俱順治間任

湯樂江南無錫舉人

葛荒山東日照舉人

李嗣膺山西澤州貢監

吳樹聲江南江寧進士寓撫字於催科蘊精明於

渾厚以一身而應百萬芻糧以一邑而當四面衝要  
瀝誠報國勤事殞身士民哀慕之公請崇祀名宦

王錫禹遼東旗蔭

李扈重修文廟見省志學校部

施有光江南山陽貢生康熙間重修文昌廟

高子媚河南寧陵進士

江樹德江西會溪貢生

張會直隸邯鄲舉人

范昉字式亭江南會稽監生雍正未任有傳

熊延漢軍人任漢中府通判因范昉運馬西疆攝縣

事以德化良修理城隍文昌各祠禱雨祈晴捷於  
影響邑人感其德為塑像祀於城隍廟土地祠中

柳廷機 江南銅山拔貢初畧人不知向學應試人寥寥廷機至設立義學親加訓課讀書子弟免其雜徭邑

人始重讀書

葉馨 福建晉江監生有傳

吳祖正 貴州舉人修理象山書院今圯

徐尚正 湖北雲夢進士乾隆十九年任

周棟隆 湖北黃岡進士愛土重文乾隆二十五年任

羅秉學 廣西蒼梧舉人乾隆二十八年任 郭愈博 山西解州貢生乾隆三十一年任有傳

黃四岳 漢軍正紅旗舉工書畫乾隆三十四年任有廉聲上官巡行畧陽典衣供給後復巡行四岳迎界上

請入縣上官曰再不忍貴縣典衣也遂去後陞廣西柳州知府

萬廷樹 江西南昌舉人乾隆三十八年署理重土愛民為眾感戴

郝元英 山西興縣舉人乾隆四十年任決訟如神人莫能蔽

侯長燾 山東郟城人 乾隆四十年任 革除陋規 捐俸補修文廟 後令高理為樹碑 以紀其績 與共役諸生

秦 失名 乾隆四十二年任

劉 失名 乾隆四十二年任

王天成 山西潞安貢生 乾隆四十二年任

黃秉哲 福建監生 乾隆四十四年任

高理 號瑞湖 雲南石屏舉人 有傳

徐洪懿 江西龍南舉人 乾隆五十一年任 時秋水

漲泛 宜口路圯 阻斷行旅 洪懿捐廉屬生員 閻俊游正義 修理至今 賴之

何樹滋 湖北鍾祥人 任畧三次 補修城垣 躬建奎閣 義正法嚴 民甚憚敬

趙希璜 乾隆五十年任

吳克元 山西襄陵進士 乾隆五十三年任 振興學

校以廉能稱 次年卒於官

張援 乾隆五十年任

張心中 雲南大理舉人 乾隆五十五年任

張約 乾隆五十六年任

胡蔚雲 河南光州舉人 乾隆五十七年任

王廷璧 乾隆五十九年任

李如梓 乾隆六十年任

崔五峯 山西代州舉人 嘉慶二年任 時教匪寇畧

五峯守城捕賊 屢著勞績

周湖本 湖南衡州拔貢 嘉慶五年任 有傳

陳肇鼇 嘉慶七年任

劉大祺 山西洪洞貢生 嘉慶八年任 九年卒 於官

馮麟趾 嘉慶九年署清廉 正直歌聲載道

鄭緒章 嘉慶十二年署嘗書 於壁曰清慎勤三字

為居官切要之箴 不凜清操 百事俱廢 雖勤慎何益 第清則易近於刻 有一點好名之心 刻之漸也 行所無事

不求人知 庶幾近諸

潘彭年 順天宛平監生 嘉慶十二年任

楊元泗 嘉慶十三年任

周書 號韻泉 河南安陽舉人 嘉慶十三年任 勤民重

學十七八年連歲饑饉 書請賑卹全活甚眾

李廷佶 江西南南城舉人 嘉慶十八年署時 廂匪吳

抓抓犯順廷信防禦得宜城賴以全

王森文

號莪軒山東諸城進士嘉慶十九年署嚴

明果斷勤慎清廉莅任年餘減糧薄稅設教立學囑匪遠竄訟棍潛蹤

毛光孚

山東濮州舉人嘉慶二十年任重教輕賦邑人戴德次年卒於官

楊名颺

號富峯雲南雲龍舉人嘉慶二十一年代理教士力學勸民務農清儉廉明歡聲載道歷官至陝西

撫巡

謝濟經

廣東德慶舉人嘉慶二十一年任

徐通久

直隸天津舉人嘉慶二十四年署

苗臨澧

奉天海寧拔貢嘉慶二十五年署道光元

年調任重修文昌廟續纂邑乘未卒業而去尚存遺稿

應先斌

江西宜黃監生道光四年代理

董用威

河南河內舉人道光四年署崇文重土救

荒郵民

金在紳

湖北天門監生道光五年任愛士重文七

年水發城垣傾圯在紳詳請移  
建今城未起工以調署澄城去

郭熊飛 字次虎山東濰縣進士道光七年由石泉調任勤  
政愛民遷建今城尤殫心淬力十一年調涇陽官

至直隸  
布政使

葉淮 浙江石門監生任黑河  
縣丞道光十一年代理

賈芳林 號蘭圃河南原武進士道光十一年任興重文  
增修講舍四鄉並建義學為酌定規條十六年調

臨潼

何丙勳 號保如浙江山陰進  
士道光十六年署

譚瑀 號石甫廣東南海舉  
人道光十七年任

陳炳琳 號蓮友廣西馬平拔  
貢道光十九年代理

趙繼芬 號蘭坡安徽優貢  
道光二十四年署

蔣召南 號蔭棠貴州貴筑舉  
人道光二十五年調

任

周嘉會 號禮齋江蘇監生  
道光二十七年署

縣丞 道光元年四川總督蔣以川陝楚三省無業之  
民僑寓老林宜設官彈壓奏改磚坪縣丞為黑

河縣丞駐劄縣治東北一百四十里之觀音寺

陳明申 浙江海寧監生道光元年由漢中府照磨陞任

陸銓 號楷山江蘇婁縣監生道光三年任官至潼關廳同知

湯崇禮 江蘇無錫監生道光四年代理 徐顯智 貴州開泰監生道光七年署

葉淮 浙江石門監生道光九年任 陳玉章 安徽石埭監生道光十一年代理

李玉林 道光十二年代理 王棫 山西平陸附監生道光十三年署

邱文煥 甘肅臯蘭人道 王融 道光十六年署

俞文榮 江蘇丹徒監生道光二十二年署 高世瑄 安徽貴池人道光二十三年由候補州同

署 李春霞 號曉亭河南監生道光二十六年署



教諭

趙霖 雒南人

白自修 鄆縣人 談經不媿宿儒 能事可稱才吏

楊芳 白水人 以上俱順治間任

楊明彥 膚施人 康熙元年任

訓導 康熙二十年改教諭為訓導

楊儒允 寧夏人

王高登 漳縣人

劉九疑 高陵人

張良案 鳳翔人

楊詵 寧夏人

黎雍 長武人

李推 環縣拔貢 雍正三年任

張嗣越 耀州歲貢 十年任

葛攀桂 淳化歲貢 乾隆元年任

蒲雍 會寧歲貢 九年任

郭瀚 膚施歲貢 十年任

楊藻 渭南歲貢 十五年任

潘中吉 鎮番舉人 二十一年任

陳偉烈 秦州歲貢 二十六年任

朱文燦 長安舉人 三十二年任

張陶郿 河州歲貢 四十四年任

周朝 寧朔歲貢 五十二年任

張恒清 整屋拔貢 五十六年任

胡德明 河州歲貢 五十八年任

任利 定邊歲貢 嘉慶五年任

楊朝銓 岐山人廩貢 補造文廟祭器 十一年五

王鐸 平涼歲貢 以上二員不見府志 據採訪添載 王詔 延川歲貢 十二年任

賈超 平涼歲貢 十八年任 李莊 三原優貢 二十四年任

孫念祖 蒲城舉人 二十五年任 牛應泰 咸寧優貢 道光十一年署

張士鯤 咸陽廩貢 十二年署

金瑞 盤屋歲貢 十三年任

高遇龍 綏德廩貢 十九年署

王家 號西甫鞏昌拔貢二十 年任分纂邑乘未竟而

卒

劉元濟 蒲城廩貢 十二年署

陳良翼 白河歲貢 二十三年任

鄢淳孝 安康舉人 二十五年任

吳耀彩 高陵歲貢 二十六年任

典史

韓元道 浙江新 縣人

陳章 福建 人

徐之章 江南海 門人

牛際雲 山西汾 西人

王睿 山西壺 關人

李鼎 直隸宛 平人

葉鼎 江南會稽人

楊振龍 山西平陽人

魏修德 山東齊東人

孫若綺 直隸順天人

莊緯 江蘇華亭人

韓大本 浙江山陰吏員

黃家祐 江西豐城吏員

楊文英 山東朝城吏員 雍正十二年任

潘孝思 順天順義吏員 乾隆元年任

呂夢熊 江南旌德供事三年任

孟佳運 直隸東明吏員 二十五年任

石之紀 河南桐柏監生 二十六年任

郭銳 山西汾陽監生 十二年任

武璉 山西文水監生 三十七年任

孫文朝 安徽貴池監生 四十三年任

王芝銜 江蘇吳縣監生 四十五年任

王瓚 河南葉縣供事 五十二年任

李繩武 順天大興供事 六十年任

繆綸宣

順天大興供事  
嘉慶七年任

周德煜

湖北江夏吏員  
道光五年署

胡觀瀾

順天宛平供事  
六年任

朱士俊

十二年署

王聘賢

十七年署

顧德懋

江蘇元和  
人十七年署

伍紹諮

號伯葵江西新建  
供事十七年任

署陽營遊擊

康熙十四年改為水師營設副  
將二十二年裁水師仍設遊擊

梁加琦

安塞人順治六年任捐修廟學  
禮斯文歷官至八營團練總兵

楊守奇

岷州人十五年任

李高

直隸人十八年任

趙光才

延安人

張思達

延安人

鄭羆

福建人

劉用亮

湖廣人康熙十九年任

譚綸 山海關人 二十二年任 治兵有法 待士以禮

楊朝柱 江南徐州人 三十三年任

陳聘 福建人 三十九年任

趙殫穀 直隸宣化人 四十四年任

張進纂 直隸宣化人 五十八年任

馬進鳳 固原人 五十九年任

李印昌 涼州人 雍正七年任

徐祥龍 乾隆七年署

王棟 十八年護

陳堯德 三十三年署

福明 滿洲鑲黃旗人 三十五年任

斤樑 滿洲正紅旗人 三十八年任

楊長楸 三十八年護

馬魁 四十四年護

閻御璋 四十四年署

鄭子龍 四十四年任

朱浩 四十八年任

鄧漢文 四十八年署

系三 人才部

七

福德保

五十一  
年署

雲呈彩

五十一  
年任

賀國寶

五十二  
年護

鎖明德

五十三  
年任

鍾和

五十三  
年任

馬伯良

五十六  
年署

朱學仁

江西贛縣人  
五十六年任

韓鳳翔

五十八  
年護

朱士奉

雲南南寧人  
六十年任

王永年

山西平陽人  
嘉慶元年任

劉邦直

二年  
任

關騰

滿洲正黃旗  
侍衛七年任

吳璉

四川成都人  
八年護

米章

武威人  
行伍一年署

德忠

滿洲正白旗人  
侍衛十一年任

楊連仲

湖南綏寧人  
行伍十二年任十八年河南道

口殉節襲  
雲騎尉

馬良

四川雷波人  
行伍十八年以千總護有傳

周貴 湖北鄭陽軍功十九年任德惠及民邑人畫像祀於鎮江王廟

周炳南 四川成都行伍 道光三年署

詹玉彬 三年署

李章 四川成都行伍 四年署

王卓 安康行伍五年任七年縣大水壞城垣卓救渡

難民移建今城創修衙署兵房九年卒於官

萬彪 四川巴縣行伍九年以候補參將署

王萬得 湖北建始軍功十二年任整理戎行施恩黎庶

陶昇 四川璧山行伍 十四年署

蘇芳阿 滿洲正白旗侍衛十八年署

張喜 甘肅臯蘭行伍二十一年護是年卒於官

胡萬方 四川成都武生二十一年署

楊成義 四川大寧行伍 二十一年護

王光茂 湖南保靖行伍 二十二年護

馬瑤琨 長安雲騎尉 二十三年署

田大武 平利行伍 二十五年任



熊翥飛

四川南江武舉  
二十七年署

守備

乾隆間裁嘉慶  
十四年復設

楊尚功

廣東人

尹欽

湖廣進士

路良輔

西安人嚴慈並  
施軍民感戴

葉自昌

臨洮人

劉復初

亳州人

繆朝品

順天進士

朱學聖

河南人

楊通

山西大同行伍

武爾敦

正白旗滿洲進士

李世雄

乾隆三年任

趙進忠

二十四年署

嚴敬

三十年任

孫法虔

三十四年署

楊長楨

三十八年任

馬魁 四十一  
年署

李沛 四十一  
年護

楊文 四十二  
年署

丁圖南 四十三  
年署

鄭子鳳 四十六  
年署

復設守備

吳亨祐 固原行伍嘉慶十四年  
任創始協宜全軍永賴

馬良 十八年任詳  
前及後宦績

魯福山 湖北江夏軍功  
二十二年任

王大才 定遠武生道  
光四年署

尚政潤 滿洲鑲藍旗  
舉人五年署

楊復榮 四川溫江行  
伍六年署

廖世光 廣西鬱林行伍七年  
任適大水捐貲救渡

難民

李倫 四川簡州軍功八年署  
監修衙署武庫葯局不

勞憚煩

蒲明 四川彰明行伍九年署  
辦公勤慎幹事精明

陳占魁 四川渠縣軍  
功十一年署

李貴 西鄉行伍  
十一年署

胡萬方 十三年任  
餘見前

李尚鳳 四川營山行  
伍十五年署

任鵬齡 順天文安進  
士十七年署

徐應奎 四川崇慶行  
伍十八年署

竹秉元 四川崇慶行  
伍十九年署

馬如麟 良子雲騎尉  
二十一年署

羅兆元 貴州進士二  
十三年任

范汝英 甘肅臯蘭武舉  
二十七年署

按遊擊自梁加琦至李印昌十四人守備自楊尚功至

武爾敦九人俱據府志編載其由營開送者遊擊始於

乾隆八年守備始於乾隆三年而類多存姓闕名茲將

名姓可稽者備列於前其餘彙為編記以俟後之攷證

遊擊郝乾隆八年任黎十四年任熊十八年任額二十三年署李二十五年護四

二十八年任董二十八年署劉二十九年署尉三十三年護杜三十三年護焦三十三年

三年護馬四十二年署蔡四十二年護明四十四年任槐四十八年署趙五十三年

護德五十八年署

守備楊乾隆八年署李九年署張十三年署何十四年署馬十四年署王十七年任

李二十年任郭二十年署李二十八年任黃二十九年署

千總

趙進忠鎮番行伍

李孛西安行伍

沈友德 臨洮行伍

詹琮 蘭州行伍

江文華 榆林行伍

蔡馮祿 固原行伍

毛鍾秀 寧夏行伍

任政 榆林行伍

楊文隆 寧夏行伍 乾隆十八年任

嚴敬 武威武舉 三十八年任

李紹武 寧夏行伍 五十年任

屈良玉 定遠行伍 六十年任

周永清 定遠武生 嘉慶十三年任

竹秉元 道光十年任

陳聯德 寧羌武舉 二十一年任

楊林 四川崇慶行伍 二十六年任

把總

姚錫華 同官行伍

譚可晉 山海關行伍

王昌 臨洮  
行伍

李福雲 甘肅  
行伍

王三德 甘肅  
行伍

蒙玉柱 靖遠衛  
行伍

劉名高 榆林  
行伍

馬自生 安肅  
行伍 乾隆三十八年任

王學信 紫陽  
行伍 四十年任

王世昌 孝義  
行伍 五十年任

張從周 安肅  
行伍 嘉慶三年任

陳占魁 十五  
年任

甯由臣 四川  
安岳 行伍 二十年任

沈占雄 南鄭  
行伍 道光十三年任

何家崖把總 設於嘉慶十年

吳可義 長安人  
嘉慶十年任

趙富 四川合州  
軍功 二十四年任

白玉喜 寧羌  
行伍 二十五年任

唐如意 四川東鄉  
行伍 道光三年任

劉元龍 四川江津軍功 十三年任

張魁 漢陰行伍 二十三年任

竹清元 秉元弟 二十四年任

經制 舊志未載國初亦無卷可查記其採訪之僅有者

馬自嗑 邑行伍 乾隆三十二年補

祁三綱 安康行伍 二十四年補

馬玉珍 安康行伍 五

敖鳳 湖北襄陽軍功 嘉慶七年補

申貴 四川巴州行伍 十三年補

梁占鼇 西鄉行伍 道光七年補

王其昌 南鄭武生 十九年補

何占魁 南鄭行伍 十九年補

周殿元 南鄭行伍 二十六年補

白水江經制 設於嘉慶十年

王興 甘肅通渭行伍 嘉慶十年補

陳占魁 十二年補

張俸 湖北襄陽軍 功十三年補

宋蒼珍 臯蘭行伍道 光六年補

高進祿 階州行伍 十九年補

### 宦績

### 北魏

魏子建字敬忠曲陽人初世祖時平氐遂於武興立鎮尋  
改爲東益州其後鎮將刺史乖失人和羣氐作梗遂爲  
邊患乃除子建東益州刺史布以恩信風化大行正光  
中子建屢求歸京師遣刺史唐永代焉子建將還羣氐



慕戀相率斷道主簿楊僧覆先行曉諭諸氏忿曰我畱  
刺史爾送出也子建徐加諭譬旬日方得行吏人贈遺  
一無所受

唐

嚴礪元和初刺史興州後爲山南西道節度使興州自長  
舉北至青泥嶺西抵成州崖谷峻隘十里百折秋潦冬  
雪泥淖爲害運饋者顛踣騰藉血流棧道糗糧芻藁委  
填溝壑礪乃出軍府之幣以備器用卽山就工自長舉  
而西疏嘉陵江三百里通漕以餽萬夫懽忻至今賴之

宋

吳玠字晉卿隴千人建炎四年爲秦鳳副總管紹興元年大敗金人於和尚原又擊退於箭筈關三年掩擊金將撒離喝於武休關四年敵大至入攻仙人關玠又敗之九年卒於仙人關贈少師諡武安邑東舊有忠烈祠祀玠及其弟璘今圯

吳璘字唐卿玠弟紹興元年箭筈關之戰璘功居多超遷統制和尚原軍馬及兀朮深入陣分合三十餘璘隨機而應金人大敗兀朮中流矢遁十年撒離喝入長安趨

鳳翔璘隨胡世將在河池遣姚仲拒於石壁砦敗之詔同節制陝西諸路軍馬璘以書遺金將約戰金鶻眼郎居以三千騎衝璘軍璘擊走之鶻眼入扶風復攻拔之撒離喝怒甚自戰百通坊列陣二十里璘遣姚仲力戰破之授鎮西軍節度使十四年朝議析利州路爲東西路以璘爲西路安撫使時和議方堅而璘治軍經武常如敵至二十一年以守邊安靜拜少保三十一年兼陝西河東招討使孝宗受禪命兼陝西河東路宣撫招討使乾道元年詔仍領宣撫使改判興元府璘至漢中修

復褻城古堰灌田數千頃民甚德之

盧法原紹興中爲宣撫使叛將史斌陷興州旁邑響應法原與經制使王燮興元統制韋知幾同謀討斌大破之遂復興州

李好義開禧二年任興州中軍正將時副都統制吳曦僭王位於興州權大安軍楊震仲死之監興州合江倉楊巨源謀討吳曦乃陰與曦將張林朱邦寧及忠義士朱福等深相結眉州人程夢錫知之以告轉運使安丙丙稱疾未視事乃屬夢錫以書致巨源延之臥所巨源曰

先生而爲逆賊丞相長史耶丙號哭曰目前兵將我所  
知不能奮起必得豪傑乃滅此賊巨源曰非先生不足  
以主此事非巨源不足以了此事會好義亦結軍士李  
貴進士楊君玉李坤辰李彪等數十人謀誅曦好義曰  
此事誓死報國但曦死後無威望者鎮撫恐一變未已  
一變復生欲奉安丙主事使坤辰邀巨源與會巨源往  
與約還報丙丙出視事君玉與白子申共草密詔乙亥  
未明好義率其徒七十四人入僞宮時僞宮門洞開好  
義大呼而入曰奉朝廷密詔以安長史爲宣撫令我誅

反賊敢抗者夷其族曦衛兵千餘聞有詔皆棄挺而走  
巨源持詔乘馬自稱奉使入內戶曦啟戶欲逸李貴卽  
前執之刃中曦頰曦反撲貴貴仆於地好義急呼王換  
斧其腰曦始縱貴貴遂斫其首持告丙宣詔軍民拜舞  
聲動天地持曦首撫定城中市不易肆收曦黨殺之巨  
源好義謂丙曰關外四州爲蜀要害盍乘勢復取之不  
然必爲後患丙從之於是分遣好義等復西和階成鳳  
州孫忠銳復大散關

高稼字南叔邛州蒲江人嘉定七年進士桂如淵鎮蜀辟

通判沔州尋知洋州日夜爲守禦計以洋居平地無一卒以守議移金州帥司軍千人駐洋州李心傳爲言諸朝不報及鳳州破制置司始從稼請調金州兵赴之而兵不時至漢中陷梁洋之民數十萬盡趨安康稼乃移屯黃金渡收散卒招忠義以制置司之命致故將陳昱於安康委以收復之任而自假節制軍馬督諸軍繼進北兵迫大安稼亟命趨沔自至西鄉援之如淵遲疑不決俄報砦窠七方之師皆潰稼率遺民集保甲分布間道以保巴山未幾制置使趙彥呐以參議官辟之制置

司近漢中稼言漢中蕩無藩籬宜經理仙人原以爲緩  
急視師之地彥呐以委稼稼至原繕營壘峙芻糧庀器  
甲開泉源守禦之規罔不備具會召還彥呐奏畱稼知  
沔州利州提點刑獄兼參議官乃葺理創殘招集流散  
民皆襁負來歸北兵自鳳州入遂擣河池至西池谷自  
白水關入六股株距沔六十里沔無城依山爲阻北兵  
大至衆皆潰遂下沔州旣陷衆擁稼出戶稼叱之不能  
止兵騎四集圍之遂死焉詔進稼七官爲正議大夫龍  
圖閣直學士謚曰忠



曹友聞字允叔同慶粟亭人登寶慶二年進士授利州駐劄御前諸軍統制北兵破沔州擣大安友聞遣摧鋒統制王資右軍統制白再興趨雞關隘左軍統制王進據陽平友聞登溪嶺指揮甫畢兵突至遂遣進及遊奕部將王剛出戰又親率帳兵及背嵬軍突出左右馳射兵退友聞謂忠義總管陳庚及當可曰敵必旋兵攻雞關隘宜急援之旣而果以步騎萬餘攻隘庚以騎兵五百直前決戰當可將步兵左右翼並進王資白再興又自隘出戰蹀血十餘里兵乃解去特授友聞兼沔州駐劄

兼管關外四州安撫權知沔州節制本府屯戍軍馬明年友聞引兵扼仙人關謀聞北兵大至友聞語弟萬曰國家安危在此一舉衆寡不敵豈容浪戰惟當乘高據險出奇匿伏以待之北兵入興元制置使趙彥呐檄友聞控制大安以保蜀口友聞議爲以寡擊衆非乘夜出奇內外夾擊不可乃遣萬友諒引兵上雞關隘多張旗幟示敵堅守友聞選精銳萬人夜渡江密往流溪設伏約曰敵至內以鳴鼓舉火爲應外呼殺聲北兵果至萬出逆戰身被數創令諸軍舉烽友聞親率精兵三千人

疾馳至隘下先遣保捷軍統領劉虎率敢死士五百人衝前軍前軍不動北兵伏三百騎道旁虎衆銜枚突戰會大風雨淖淖深沒足內外兩軍皆殊死戰血流二十里黎明北兵益增友聞血戰愈厲與萬俱死軍盡沒贈龍圖閣學士賜廟褻忠謚曰節

周渭字得臣昭州恭城人乾德中通判興州州領冝口砦多戍兵監軍敖狠縱其下爲暴居民苦之渭馳往諭以禍福斬其軍校衆皆懾服詔書嘉獎令兼本砦鈐轄開寶元年鳳州七房冶主吏盜隱官銀渭往代周歲羨餘

數倍賜緋魚

明

原傑山西陽城進士成化中以都御史撫治荆襄秦豫等地便宜行事正德六年流賊麻六兒寇畧殺扶風令孫璽屠戮百姓傑檄諸路官軍會剿逾年而平當焚掠之後安置流民不止億萬優詔褒之遷大司馬卒於南陽士民聞訃號泣累日

孫璽字廷信代州人舉於鄉令扶風賊至都御史藍章欲城畧陽謂畧陽知縣嚴順懦檄璽往城之璽至順恥之

甚邑人賂璽金求無城璽不聽始城三面賊卒至順曰  
城不可守矣曷亡璽又不聽順故令也城中人聞之議  
欲亡璽抽佩刀砍坐杙曰敢言亡者如杙乃率城中人  
守之閱三日會賊執告急人殺之發公移知城中窘悉  
衆環攻自辰至脯順奔城陷執璽璽罵賊賊怒鬻殺之  
大掠三日去順還報曰與璽同奔而溺水蕩璽尸都御  
史怒求尸順大窘與主簿張崇儒謀取江濱一屍棺還  
其鄉其家人啟視之多髯而碩體非璽也乃走京師投  
匭辨事下御史王廷相乃得實制贈光祿寺卿蔭子國

學生名山藏按此正德六年事同時禦賊被執則有老人

何友智遇害則有致仕劉進監生何文煥李欽吏王莊  
劉廣劉朝用盧廷章康大良老人喬祿扶風皂隸呂不  
收常景方諸人督御史彭澤勒碑記事邑人修節義祠  
祀璽後附祀巡撫原傑吳道宏遂名三公祠今圯

馬翺四川忠州監生由鴻臚寺序班任畧陽令莅政明敏  
處事精詳邑經流寇焚掠戶口蕭條翺莅任補修城垣  
建樓於城四隅環城爲屋可通巡警經始於正德八年  
春落成於十年秋去危置安興利除害

國朝

崔澄遼東人任布政司參議分守潼商道康熙十三年滇  
逆寇蜀進兵征討澄駐畧陽督運糧船合徽畧三百餘  
隻絡繹轉運時知縣吳樹聲任官月餘席不暇暖日不  
再食一切供給無不備具昕夕焦勞遂以勤卒邑人請  
祀名宦

王進寶奮威將軍趙良棟勇畧將軍康熙十四年五月僞  
將軍吳之茂據畧陽攻劫各堡砦及潛匿林澗者搜掠  
四十日始罷五戰塗炭郡邑一空十八年十月進寶良

棟分道進征僞逆大潰郡邑始平

趙良璧奉天開元人西安清軍同知康熙十九年正月王  
進寶趙良棟追擊滇逆恢復滇蜀督撫委璧駐畧監造  
糧船轉運兵餉與撫治西寧簽事趙振整飭甘山副使  
胡悉寧相助爲理軍需賴以不匱

范昉字式亭江南會稽監生雍正未任畧陽纂修邑乘惠  
政及人時用兵西域準噶爾昉運馬至營畱辦軍糧六  
年積功加布政使銜沒葬於邑之文家坪後遷葬於嘉  
陵書院後詳見邱墓



葉馨福建晉江監生工詩尤精青囊術雍正初畧陽城垣  
傾圮虎夜入城至暮人卽鍵戶不相通問盜賊乘之行  
竊馨到任周視語衆曰宜斯土民窮而官不遷因修各  
城門門上建房爲守望街口徧樹柵檻嚴禁夜行虎患  
除而盜亦息復建奎閣彰善坊以勵士風署後象山下  
曩斷山麓運土補築不三年以卓異陞常德知府

郭愈博山西解州貢生乾隆三十二年修理城垣五年始  
竣一椽一索不以累民嘉慶初賊寇畧陽數集城下知  
不可攻乃去其子登賢書第一人以爲清官之報

高瑄號瑞湖雲南石屏舉人乾隆庚子莅任畧陽時銅廠  
爲邑巨害詳請罷之剏建嘉陵書院爲立訓士規條厯  
修壇廟平治道塗設養濟以惠困窮掩露屍而澤枯骨  
邑人感其德爲樹頌聲碑於靈巖

松筠號湘浦蒙古生員任陝甘總督嘉慶四年教匪猖獗  
蹂躪南山筠駐節畧陽詢民疾苦請帑賑卹民賴以安  
額 滿洲人經畧將軍嘉慶四年教匪潛匿於邑之深  
林屢出爲害公進兵征剿除莠安良民懷其德

札 滿洲人嘉慶五年征剿教匪公爲領兵官殉難於

邑之瞭馬臺

長齡滿洲人嘉慶五年敗賊於邑之烟洞溝撫恤閭閻令各安業

周湖本湖南衡州拔貢莅畧之始適當軍興在任四年辦理兵精民不知擾其守護城池也修望房集捍禦城賴以全積勤致死蔭子官縣丞

楊遇春號時齋四川崇慶武舉人嘉慶六年征勦教匪屢戰有功至邑之四鄉諭民種芋以代穀民咸德之十八年廂匪吳抓抓聚黨謀叛復進兵討平歷官至陝甘總

督爵一等昭勇侯謚忠武

嚴如煜號樂園湖南澁浦優貢舉孝廉方正嘉慶十三年  
守漢中漢中經兵燹之餘煜加意農桑整修學校十六  
七年歲大饑來畧撫恤黎庶安全歷官至陝西按察使  
崇祀名宦

馬良四川雷波行伍嘉慶十八年以千總署守備兼護遊  
擊值廂匪吳抓抓犯境焚掠東關或議掘斷象山以絕  
賊入城之路良不可謂憑高扼險制敵之策若斷路拒  
賊反爲賊笑乃置兵數十人於象山之頂賊至以鳥鎗

擊之城賴以全以功歷陞都司駐防葉爾羌道光六年  
張逆犯順良殉難防所蔭雲騎尉子如麟承襲

僑寓

漢

蔡邕洛陽人建寧間入蜀經此作郝閣銘隸於白崖

唐

李白隴西人常往還隴蜀間經青泥嶺作蜀道難

杜甫襄陽人由鳳州入蜀經此遊靈巖寺有題詠

柳宗元解人嘗寓興州作江運記

宋

蘇軾眉州人熙寧間寓興州與鮮于侁遊靈巖寺有題詠



人才部下

賢達

舊志載漢錫光郭荷晉楊盛南北朝垣遵垣閔垣護之垣  
詢之垣曇深垣崇祖垣榮祖李遷哲呂婆樓權翼隋李  
襲志何妥唐權倕倕之子皐皐之子德輿德輿之子璩  
諸人按錫光漢中人無沮縣明文郭荷天水郡畧陽人  
且荷六世祖整爲漢人荷乃晉人耳楊盛本仇池氏後  
世爲武興王非畧陽產南北朝之諸垣呂婆樓權翼俱  
天水郡畧陽人李遷哲安康人李襲志漢陰人何妥西



城人權倕權臯權德輿權璩亦天水郡畧陽人考舊唐書權德輿字載之天水郡畧陽人據省志建置表畧陽漢晉為沮縣唐為興州順政郡領縣二順政長舉並無畧陽之名何得以天水郡之畧陽人為漢中之畧陽人雖舊志縣西六十里相公山有德輿別墅亦後人附會之詞未知何據又俗傳德輿後世易姓為錢今畧陽之錢氏即權子孫尤屬荒誕無稽茲誌其名並著其籍以證舊志之非

沮縣在沮水河側仇池在徽成之間天水郡畧陽即今秦州秦安縣之隴城西城今

興安府

唐

黃文舊志邑人少英敏嗜古學元和初舉進士官至侍郎  
正言侃侃中外畏其清直

宋

周道舊志邑人不阿時好累官侍郎清慎足爲楷模

王大才舊志邑人乾道中進士官至招撫使能發奸摘伏  
元

林東舊志邑人至正中舉進士不樂仕進或勸之仕輒曰  
遲之所以養吾器也或又促曰大器晚成窮約自甘遂

終其身

明

卜歲舊志邑人潛心理學事親孝洪武丁丑進士官至兵  
科給事中敢言爲人憚服

封庫實舊志邑人永樂辛丑進士官戶部主事廉明著績  
湯浴舊志邑人宣德壬子舉人正定府別駕剛正不阿廉  
潔自守致仕歸足跡不入城市

劉明彥邑人性至孝天啟元年以恩選授平谷縣令兩次  
丁艱補營陽撫寧李賊陷明彥間關歸里隱山中時

國朝肅藩徵逸才胡兵憲以明彥薦繕啟固卻有白雲  
畱住佳處不比終南紅日許眠清夢已遊汶上之句胡  
薦益力復以詩謝曰十畝伴雲鉏閑閑桑者車此心浮  
海去重上疊山書遂憐之不奪其志年六十有四卒前  
邑令諸保肴銘其墓

國朝

梁寓鳳邑廩生閉戶潛修學行爲士類所稱

曹大訓廩生盡心訓迪邑士多出其門子淑庠生以孝見  
稱於鄉里

李茂先正直無私能以義方教子長子佳乾隆癸酉拔貢  
性恬靜篤孝友知縣黃四岳爲題式好堂次子備乾隆  
丁酉拔貢立品敦行博學強識主講嘉陵書院文風始  
振後銓寧夏教諭以目疾未赴

王璠貢生司訓洵陽出家產置學田以供士之資斧不繼  
者

劉思聖字堯美潛心讀書敦品飭行以歲貢授甘州府學  
訓導上憲重其學行委署山丹縣令有清廉聲空囊而  
歸年八十餘終爲士林所最重

高文歲貢生嚴氣正性品端學優鄉里有不善者莫不憚之

蘇璘歲貢生敦行孝友可勵士風

張信臣謹言慎行惟喜讀書嘉慶初教匪滋擾挾籍避賊雖在難中猶手不釋卷

孝義

唐

李孝儒原名儒性至孝每讀書觀及孝行輒流涕掩卷高宗知其名召見卽辭歸養親人因稱之曰孝儒

國朝

封爾燕貢生賦性純篤樂善好施康熙六十年其父患病侍奉湯藥衣不解帶乾隆二年旌表

楊文庠生貢生大謨子母任氏寡而病文日侍其側二十一年如一日母年八十餘終文廬墓期年

馬輔國候銓正九品母柴氏壽至百有五歲輔國亦八十餘猶孺慕不衰人比爲老萊子知縣葉馨題其門曰純孝可風

吳琮貢生善事父母值父冬月患病思食魚琮祝江得鯉

父食之卽痊

劉廷鉞庠生少孤事母最孝母姜氏青年守節廷鉞申請  
旌表母歿廬墓三年知縣高瑄嘉其孝行選爲鄉飲  
介賓

常健庠生有武畧嘉慶二年從遊擊朱世奉征勦湖北教  
匪屢戰有功至四年上憲欲官之辭歸養親愛敬兼至  
二十四年母歿未葬時遭大水健捍水護柩左右鄰屋  
漂泊殆盡惟健宅依然

任孝處士性至孝母喪明晨昏定省舉動扶持數十年無



懈容里人呼爲孝子因以爲名

劉思賢居中川持已接物不違禮法知縣高瑛題其門曰  
公正式俗嘉慶三年教匪擾中川思賢抱祖宗神主避  
賊賊遇之令捨去思賢曰死亦不捨賊義之不害

芮馨武生父歿停柩三年之中不出戶不飲酒不茹葷恂  
恂焉以古禮自守

陳孝孩提知愛父與人訟理屈當杖時孝未及十歲俯父  
背聲淚俱下願以身代知縣高瑛矜釋之卽命名以孝  
並題其門曰孝行可風

蹇魁斗武生幼失怙事母孝年六十餘母怒輒跪怒甚卽  
俛首受責不敢稍違色笑宗族皆稱之

蹇王臣生員父天賜八庠早逝嘉慶二年教匪突至王臣  
不顧妻子家產負母急走一夜始抵寨堡卽嘔血斗餘  
母子兩全越數年以吐血病卒

楊春魁武生居白水江灘子里雍正間大石碑一帶密林  
深谷盜聚百餘人兵至則藏兵去則出屢爲民害春魁  
率族間子弟數十人身冒矢石直擣其穴擒勦殆盡以  
功授徽畧千總再遷都司居民立石記功道光七年碑

墮江中矣

淡和紫陽訓導金籛之父嘉慶二年與母張氏同罵賊死  
馬正歡居魚洞子嘉慶二年臘月教匪擾境正歡被執不  
屈死之

王殿元生員嘉慶二年川賊入畧殿元同生員劉思謙黨  
北海苟潛修童生張塚均被執罵賊不屈死之

姬全德武生居茶店子教匪欲渡沮水全德持長矛連斃  
二賊衆賊齊至遂被執罵賊不屈賊斷其舌死

王輔仁廩生有才畧嘉慶三年教匪攻城輔仁率闔邑士

民晝夜防守又請開倉以濟難民城中安堵如常經畧  
嘉其捍衛之功獎以六品軍功後三子一心一德一敬  
俱次第登庠食廩

王選庠生居白水江性好義家頗饒嘉慶三年賊至蹂躪  
甚慘選捐貲築堡設法守衛又散粟以濟荒歉上憲褒  
嘉賞以六品軍功

劉愷中川人庠生有膽畧嘉慶三年賊擾中川愷遇諸途  
托言前谷有馬引賊取之及至乃奪賊刀連揮二賊賊  
大至愷陟險墜石賊不敢進里人壯之

閻福成庠生性篤厚有武畧事繼母以孝聞厥弟四人皆入泮福成之教也嘉慶三年率義勇防守東路隘要賊不敢過知縣崔五峯嘉其才堪禦侮

薛福正直有才能嘉慶三年首倡義勇居則率役供給糧臺行則率勇防禦隘要知縣崔五峯以勤勞奉公褒之鄭鳳彩麻柳舖人嘉慶六年團集義勇五月值賊過境鳳彩攻其尾擒獲梅姓等五名知縣崔五峯申請賞給六品軍功越數日突遇數賊於途賊曰我官軍也爾當候見大人及隊至始知爲賊遂抽刀力戰一不勝衆身中

七傷而死

田德彰有勇力嘉慶八年團結義勇多人營修堡寨防禦有方得八品軍功年八十一卒

顏永貴居張家壩嘉慶十九年廂匪吳抓抓攻石山寨永貴偕寨民拒賊死之妻楊氏年二十九爲賊所掠罵賊不屈遇害漢中守嚴如煜旌之曰雙烈

李猗生員嘉慶十九年吳抓抓股匪由黑河來攻縣城不克縱火焚關猗爲賊掠罵賊不屈死之

翟玉龍畧陽營兵嘉慶十九年廂匪圍攻縣城玉龍在南

門外開炮數門斃賊甚衆旣而失火自焚其面血流及  
屨未嘗少怯賊畏不敢攻城掠東關而去

鍾文明居棧壩老林中壬申歲大飢文明出蕎麥百數十  
石散給極貧者二百二十一戶

張必旦增生居水芋溝篤志孝友力行仁讓值歲歉常出  
粟濟人其弟恐累已遂析居必旦擇其田產之上者予  
之後家漸蕭條雖自奉儉約而好義之志終不少怠及  
卒里人爲樹豐碑以志懿德

王世印王家梁人精岐黃術常醫人效不受謝扶危濟困

力行有日白蓮教擾其地相戒曰王善人家勿犯也

趙喜五郎坪人父早逝事母孝尤好濟人嘉慶十七年歲大飢喜捐糧八十石以濟鄉里之貧乏者郡守嚴如煜題其門曰好善樂施

朱暉武舉殿元次子道光七年大水水及屋暉親負其父母出復入室負神主適牆倒而水大至遂墮水死次日尸出神主猶在背焉

齒德

國朝



陳虞奕生員一堂四代享壽八十餘舉介賓

王廷柱行堪式衆鄉里以齒德推之舉耆賓

蘇煥斗歲貢生道光二十一年闔邑公舉鄉飲大賓

閻榮廷武生道光二十二年介賓

左占元武生道光二十二年耆賓

蘇煥箕道光二十二年耆賓

梁發道光二十二年耆賓

張廷相一名佐清住何家巖道光二十六年耆賓樂善好

施憐貧恤乏衆謀建佛宇於紫竹山爲一方禦患廷相

任其事半取足於已貲人咸稱其長厚焉

科名

進士

唐宋元明之有可考者僅五人如元和初之黃文紹興十八年之王大才至正中之林東洪武丁丑之卜歲永樂辛丑之封實庫是也

國朝

梁舟省志作安塞人順治十五年戊戌科官中書舍人

舉人附武舉

洪武丙子科則有卜歲永樂庚子科則有封實庫癸卯科  
則有周恭禮宣德壬子科則有湯浴景泰癸酉科則有  
楊明此明之有可考者也

國朝

劉羽繩

官蓋平令

梁舟

俱順治八年辛卯科

武舉

高文運

順治十一年甲午科

劉景亮

康熙五年丙午科官守備

安仁

乾隆二十四年巳卯科

封安南

二十七年壬午科

朱殿元

四十八年癸卯科

左中川

道光二十三年癸卯科

貢生

舊志載明貢士百二十三人何器通判王斌主簿梁額主簿羅獻

知縣陳本縣丞侯祐縣丞梁增縣丞景芳吏目傅禮吏目劉安校檢李徵

奉祀裴儀吏目羅顥縣丞侯庸吏目謝文魁吏目侯本縣丞周成縣丞侯璽

知縣封鑑縣丞劉廷舉吏目高九思典簿成貫之縣知羅嵩縣知劉廣縣知劉進

縣丞李崧州知何文煥州知趙友仁州知陳世隆州知羅九疇縣知賀友學

張養正張嶼王銘王用吳哲李欽劉世安縣丞羅九臧教諭蹇

主簿何徑都事張經縣丞庸鸞照磨張傑縣丞羅華訓導賈文琮訓導周

文訓導楊宏訓導劉芳州知趙綬州知羅江縣知李九臯楊文學張顯

祿訓劉儀主簿何洋縣丞王仲傑主簿趙近臣縣丞何紀賈言主簿李

東甲知事牛鉞通判楊世孝主簿杜顯文何德清縣丞吳鍊葉鳳儀

馮元吉丁崇德羅大宗知縣郭洲蘇泰知縣楊樸張九經教諭郭

洙趙孟縣丞楊芳何化主簿刑瑄劉佶縣丞黃裳通判康守洛楊之

奇訓導晏相訓導李培植同知羅一夔知縣王世業劉啟元劉啟敬

通判羅士慧陳濂縣丞蔚可喬正學楊時科劉豸正學黃訓訓導劉繼

先通判程英士訓導李光先教諭段行可訓導劉起豐訓導鄭蘭芳通判

劉纘先侯于周知縣張學顏何天賜黃平知州舊城南街有五馬坊趙玠知縣

張星輝知縣劉明卿孫佶之劉明彥繼先子知縣劉明相繼先子參議後以子

景臯誥封趙寶鄭珍鄭環張星耀知府高泰雲字伯濟明水人明季文林  
郎四川隣水縣知縣舊遺地號今補程紹孔參議蔚達李芳白訓導李作棟吳道  
 立縣丞陳之策通判其中有官者悉著之有事績可見者如劉  
 廣劉進何文煥李欽死於麻六兒之難但彭澤碑記文煥  
 欽皆監生廣乃吏耳錄以備考外此劉明彥屢徵不起亦  
 士之有節者嗚呼濟濟多士而其事沒而不彰惜哉

國朝

李先白

兵馬指揮

淡綵

教授

黃恩大

學正

程繼孔

梁煒

李恒芳

張時升

程世典

康兆民

劉景臯

知縣

侯鼎新

黃正中

訓導

王用才

李芳桂

任名世

字顯西武威訓導

馬登先

陳宗器

訓導

康一麒

馮君宋

劉必鼇

劉長虹

龐騰鳳

訓導

張鳳翼

王謨

劉堯

侯晉侯

鼎新子

焦自若

金縣訓導

馬嵩

咸寧訓導

劉康猷

必鼇子

陳伊訓

宗器子

劉齡長

高倬漢

劉士熊

潼關訓導

何瀛祥 文縣訓導

任良案 隴州訓導

任朗 字月殿渭源訓導

衡廷麒 高臺訓導

高琰 秦雲子乾隆初安寨訓導

劉士燕

高琳 與弟琬皆泰雲姪

侯代工 永壽訓導

寇琦 白河訓導

劉居仁 甘州府訓導

侯熙工

侯正工 晉侯子

楊大謨

劉士巖

龐虞卿

馬健

高卓

余慎修

周遇礮

周迎渭 字洛盤乾隆拔貢廣德州判

蹇畫麟

李佳 號西園乾隆癸酉拔貢

任作相 字君望興平訓導

任爾玢 字彩璧

封爾燕

任作霖 字民望咸陽訓導



李芝秀 字蔚然

周瑗

周瑗

李俯 號菊莊佳弟乾隆丁酉拔貢寧夏教諭

趙任賢

高傑 咸陽訓導

趙懷普 訓導

任爾賓

余士奎 訓導

王璠 教諭

劉思聖 字堯羹山丹訓導

馬同龍

周瓊 字燦如鄉飲大賓

高增

高世熙

高珞

湯潛

侯樽

侯琦

馬濬哲

高元善

劉鳳岡

高思鏞

張廷桂

任天爵 興平訓導

任穀

李如梅

蹇化鯤

劉緒賢

蹇維賜

梁懋材

長武訓導

侯疆

乾隆四十五年

湯澤

四十九年

高洛

五十年

劉思邁

五十年

周延紘

五十年

王國璉

五十年

萬珩

五十六年

蹇克猷

五十九年

劉繼賢

嘉慶三年

楊曰恭

三年

高康

三年

高文

四年

趙南星

五年

蘇璘

五年

梁廷棟

七年

傅作仁

九年

侯秉衡

十一年疆子

劉繕續

十五年

吳琮

十七年

周厚業

十九年

景萬

二十年

湯曰俊

二十三年

閻福海 二十年

辛啟文 二十年

淡金籟 二十五年  
紫陽訓導

劉懋 道光元年

趙啟泰 元年

何鏡 二年

馬登科 四年

張有新 七年

侯謙 十年  
秉衡子

周文明 十年

周國年 十二年

蘇煥斗 十五年

萬中芝 十五年

周作則 十五年

楊篤生 十八年

李蔚然 二十年

裴殿卿 二十年

封登元 二十年

王一德 二十年

朱衣 二十年

劉炳 二十年

湯應祿 二十年

趙豐泰 二十年

仕宦 附武

明

高漢章

懷遠將軍

高操

明季光祿寺少卿  
水人登第子

高登第

鴻臚寺序班太常寺胡  
欽贈有兩宴瓊林匾額

塞熙

洪洞縣知縣

李魚

廣寧府經歷

國朝

王訓

知府省分年  
歷俱無考

蘇文茵

典史在福  
建餘無考

梁元杰

銓山西忻州靜樂  
縣巡檢未赴任

王進才

以武功累官四  
川建昌總兵

馬耀

五品軍功  
興安把總

李攀龍

以金川軍功  
官興安把總

李芝

以金川軍功  
官襄城把總

李榮

軍功奇  
台把總

易縣志

卷之三 人才部

翼

傅三貴 邑武生官漢中左營把總

趙大德 邑行伍署本營把總

封蔭

明

程英士 訓導以子紹孔贈朝議大夫

劉繼先 通判以子明彥贈承德郎又以子明相贈

朝議大夫布政司參議

國朝

劉明相 參議以子景臯贈中憲大夫

梁賓 千總以子林材贈修職郎

程世章 承父紹孔蔭官知縣

掾吏

國朝

趙興

兵科典吏乾隆四十六年考授從九品

趙介福

戶科典吏乾隆五十八年考授未入流

景居巽

從九

趙天賜

從九

張登高

道光二十九年從九

貞節

明

卜氏夫名姓失傳夔之姑也洪武初芳年守節奉旨建坊

表墓墓在縣西三十里張家灣今坊圯

楊氏諸生劉恢妻讀書明大義勸恢力學本圖鵲起不意

分飛二十三歲柏舟自矢奉文旌表歲加給卹

烈婦王氏徐士選妻崇禎甲戌遇寇欲污之不從脅以刀不能奪賊剖其腹

烈婦王氏王康啗妻崇禎丁丑流賊獲氏欲污不從連殺二幼子以脅氏罵不絕口賊怒磔殺之 國朝漢中守滕天綬旌其門曰精金映日

國朝

劉氏王世業之繼妻也十九夫沒撫遺腹子又殤志亦堅年九十餘卒奉文旌表

芮氏楚別駕劉啟敬之妻青年矢節遺子羽繩爲孝廉令  
蓋平有聲母之教也

羅氏梁貢妻二十一夫死有遺腹子姑病祝天願以身代  
及翁姑繼逝斂葬如禮俄而子又天泣曰梁氏一脈絕  
矣我何生爲遂不食死滕天綬旌其門曰松貞雪映

烈婦潘氏李應登妻順治間避寇熊樹砦砦將破氏以衣  
蒙面投崖死滕天綬旌其門曰蒼烟含玉

烈婦王氏王丹所妻順治時借居崖砦賊攻砦氏束衣投  
崖滕天綬旌其門曰抱璞藏貞



李氏高映璧妻孀居有豪右欲強娶之氏翦髮毀面誓死以拒滕天綬旌其門曰節捍風霾

張氏梁天培妻二十三寡甘貧守節癸丑之變僞將逼之引刃毀容賊駭而走撫二孤成立莫不高其冰守滕天綬表其門曰毀容立節

烈婦羅氏梁五十子妻年十六居山莊左右無鄰強暴乘其孤夜往欲污之氏不從脅以刃志愈堅不能奪遂磔殺之後旌表

高氏貢生陳伊訓妻生子三俱幼年三十夫亡堅志守節

家道蕭條衣食不給氏晝夜紡績以撫遺孤嘗囑其子  
曰我苦爲汝汝當勤讀以承先志子俱有聲庠序雍正  
六年 旌表坊建冝口

劉氏譚可久妻敬戒無違夫歿苦節立志乾隆四年 旌  
表

周氏唐宗璉妻早寡善事孀姑教子成立乾隆四年 旌  
表

高氏何澤祥妻善事舅姑克盡婦道夫死矢志柏舟乾隆  
十三年 旌表

趙氏郭維屏繼室夫逝事老撫幼勤苦自甘守節三十五  
載乾隆十四年 旌表

鄧氏湯興妻年十八夫亡事姑毀容守節勤績葬親乾隆  
十五年 旌表門懸苦節凌霜四字

姜氏劉瑁妻年三十矢節承先立後紡績成家乾隆十五  
年 旌表

何氏兵丁郭洪妻年二十三夫陣亡勤儉撫孤守節數十  
載乾隆三十年 旌表

劉氏生員芮纘先妻夫歿氏年二十餘冰心持節撫子成

立寡居三十四載乾隆四十年 旌表知縣侯長燧有

敕表節婦芮劉氏傳

周氏馬貞元妻年二十三寡翦髮矢志以養翁姑苦節四十四載乾隆五十八年 旌表

烈婦饒氏夏元禮妻尚漉凌污不遂受傷殞命嘉慶十年 旌表

任氏周卜妻年二十二寡甘貧守節紡織度日事姑終老撫子成立孀居四十餘年

高氏周老三妻年二十持節撫孤教育諸孫有以文章名

者

烈婦李氏生員張皞妻年三十餘皞爲翁養子曖所殺曖  
逸氏痛姑孀二子俱幼夫寃莫伸哭泣數月抱石投江  
死邑令擬獲犯再行申請題匾云克對所天對云慷慨  
殺身堪與梟姬齊烈從容就義不難曹娥並芳後令獲  
曖正法而旌事未行

以上  
府志

烈婦楊氏顏永貴妻居張家寨流賊破寨永貴拒敵死氏  
被虜掠哭罵不從身受八鎗殞命時年二十九嘉慶十

九年

旌表

知縣苗臨  
澧遺稿

鎖氏生員張文濬妻文濬死氏年二十八堅貞自矢訓子  
信臣補廩餼守節五十一年知縣高瑄旌書苦節可風  
四字

封氏童生焦濬妻年二十六夫亡子幼氏守苦節謹事舅  
姑孀居三十六載嘉慶十八年伸舉知縣王森文額書  
節孝可風以旌

烈婦張氏淡和之母貢生金籟之大母也年七十五嘉慶  
四年教匪擾樂素河焚掠甚慘張罵賊遇害和力救不  
得亦馬賊死十九年知縣王森文旌其門曰母子捐軀

侯氏萬瑜妻年三十夫亡立志完貞事姑敬謹無出以猶  
子爲子年七十五卒知縣王森文書節孝可風四字以

旌

湯氏萬中蘭妻中蘭卒氏年二十五遺腹子四月氏矢志  
堅貞舅姑俱老氏養生送死俱不違禮嘉慶初值流賊  
之亂家貧甚里人不堪其憂氏安之如故壽七十而卒  
知縣王森文旌曰節孝可風

梁氏馬乾德妻二十七寡守節不移事親撫子躬任耕織  
親歿以禮殮葬訓二子服田力穡晚年家亦小康年七

十五卒知縣王森文以節孝可風四字旌其門

楊氏常克信妻少寡貞順自矢撫子安成立孀居多年乾隆四十八年知縣高瑛題其門曰久節彌芳越四年氏

卒以上採訪

周氏十六適張所信生九思越三年所信歿孤寡無依織紡教子守節三十九年九思入泮知縣高瑛題其門曰

幽人貞吉

張氏劉學妻年二十舉一子學卒子亦殤撫姪必昌爲子苦節三十六載必昌入泮氏年五十有六卒知縣王森



文題其門曰節孝可風

雒氏乾隆六十年適武生楊春和生子成越七年春和卒  
氏年二十五心如井水育子成立守義二十七載得年  
五十二

王氏嘉慶二年夫武生蘇煥文歿於營氏年十九無子繼  
胞弟廩生煥斗之子聯桂爲嗣懷清高行仰事俯育守  
三十年終知縣崔五峯題其門曰節孝堪風今聯桂有  
聲膠庠氏之教也

田氏王學易妻年二十四生子恒夫死守義事親撫孤歷

三十一年終壽五十有五

劉氏乾隆二十八年適薛璉又四年璉卒氏年二十七撫子可忠柏舟自誓苦節五十二載嘉慶二十三年終

孟氏年二十適王普越八年普死氏年二十九堅貞自守事孀姑撫三子鄰里憐其苦節

王氏薛可魁妻二十八喪夫勤績紡以事翁姑又六年翁姑繼逝殯葬盡禮守貞四十六載

高氏吳巖妻乾隆三十年巖卒氏年二十二無子繼姪金樑爲嗣顧復成立守節五十四載享年七十有六知縣

李如梓題其門曰共姜風範

董氏適劉輔乾隆五十八年輔逝氏年二十四節凜松操  
撫子成立守貞三十五載

右十氏道光八年知縣郭熊飛詳請十二年五月奉文

旌表二十一年瑪合建坊於今城安江門外

閻氏夫生員黨伯海遇賊不屈死氏投崖墜谷幾於殞命  
遂矢志立節三十餘年

趙氏增生唐棟凌之母年二十五孀親老子幼氏績紡不  
倦仰事俯育艱苦備嘗守節四十餘年

李氏性淑貞年十八適任作情越四年夫卒日讀女經不出門戶守節三十餘年終

李氏周世興妻年二十三寡子魁甫七歲家貧氏守節撫  
嚙歷有年所魁成立事母孝氏年九十四卒今魁亦年  
八十餘尚健

楊烈女彩之女年十六嘉慶三年五月十三被白蓮教擄  
去女罵不絕賊慰之曰而從我不殺女罵如故賊戀其  
色強之女死拒碎賊衣賊怒刺之罵益厲賊剖其腹

李氏大石峽任作良妻年十九寡撫孤子事二人守節五

十四年終

高氏貢生任爾坊繼室年二十八守節鄰婦勸氏改適氏  
拒之移居山莊寡居五十四年終

宋氏童生何俊妻年二十八寡泣曰姑老子幼吾忍他適  
守節五十六年而卒

周氏生員唐應運妻年二十七喪夫姑年古稀子在襁褓  
氏孝慈兼盡貞操不移寡居四十餘載得年八十子入  
庠

何氏黃大謨妻年二十九孀居教育三子嚴慈曲盡守節

四十載道光十九年卒

劉氏適白克勤年二十四克勤喪舅姑俱衰子未及歲氏  
矢志靡他舅姑繼歿喪葬以禮今子成立氏守節已三  
十六年矣

馮氏田世榮妻世榮卒氏年二十六或勸之嫁氏曰姑瞽  
子穉吾不忍也貞守多年姑歿葬以禮二子福祥俱成  
立

唐氏武生蹇承先妻年二十四夫歿誓不再醮撫子興成  
立守節五十餘年

湯氏侯烈妻年二十一烈卒氏堅守節日夜織紡不憚煩  
勞卒年六十有四

周氏廩生侯仁邦妻年二十六孀居事親克盡婦道教子  
倍於師嚴守節五十二年終

鐔氏史賢妻年二十三賢歿親老子幼氏安貧立志苦節  
三十五載從無怨咨之聲得年五十八

李氏適白玉成生子無玷玉成卒氏年三十孤苦無依日  
耕夜績無玷長娶楊氏生一子甫歲餘無玷卒楊繼姑  
之志亦不他適姑媳辛勤已有年矣

王氏廩生高主一妻夫早逝堅矢柏舟孝養舅姑義方教  
子享年七十有八

任氏周博妻夫亡無子氏撫姪爲子苦節多年孫三人長  
連三早遊泮氏之教也壽七十四終

韓氏適營兵徐光祖生輔唐弼唐雍正八年光祖隨征巴  
里坤歿於陣氏年二十七持節撫子輔唐長入伍以行  
營外委出征金川戰死氏撫孫亦成立焦勞辛苦整五  
十載年七十七終

王氏高克芳妻二十八夫死氏撫孤慈嚴兼盡織紡維勤



年六十餘終

景氏年二十五其夫陳天升卒氏撫遺腹子玉瑚立節姑  
病躬侍湯藥數年無情容得壽五十二

梁氏十九適趙祥無出越一年祥卒氏泣血誓不生出趙  
門撫姪孟成爲嗣太姑疾氏事侍甚謹衣不解帶者幾  
二年守節三十四年而歿

宋氏武生田魁之妻年二十七夫亡氏無出卽繼週歲失  
恃由氏撫養之胞姪開源爲嗣事翁姑始終以孝聞開  
源入庠食餼人以爲節孝之報

譚氏劉恬妾生子一而恬逝氏年二十有四志不改適事  
嫡室未嘗少怠後嫡亡喪葬盡禮今守節已三十二年  
矣

劉氏年二十一夫庠生王洪春入蜀無歸氏撫穉子堅守  
三十二年而卒得壽五十三

卷之三十一



三十一

三十一

重修畧陽縣志卷之四

藝文部

目錄

郝閣頌

漢

蔡邕

棧道銘

唐

歐陽詹

宴遊記

房渙

故相國權公碑

韓愈

江運記

柳宗元

白水路記

宋

雷簡夫

仇池碑記

失名

遊靈巖詩亭記

鮮于侁

靈巖敘別記

李耆壽

翠峯亭銘

王震

遷建廟學記

明

何景明

重脩廟學記

龔懋賢

改創廟學記 毛芬 改創廟學記 荀進璠

重脩縣治碑記 南鏜 重脩城隍廟碑記 李德性

白水石路記 郭元桂 遊靈巖記 李仰

遊靈巖記 張良知 畧陽縣志序 本朝 范昉

創建嘉陵書院碑記 高瑔 嘉陵書院碑記 李備

新開城內雙井記 高瑔 創建養濟院碑記 高瑔

恢復土生山祠常住碑記 高瑔 靈巖寺記 高瑔

重修社稷壇碑記 高瑔 移建文廟碑記 郭熊飛

重修嘉陵書院碑記 賈芳林 重脩武廟碑記 張其翮

重建文昌廟碑記譚 瑀 重修江神廟碑記 譚 瑀

重修木瓜橋碑記譚 瑀 重修紫竹橋碑記 譚 瑀

翠峯亭辨 譚 瑀 東西漢水考 淡金簾

樂素河辨 淡金簾 寒篷山記 淡金簾

蜀道難 唐 李白 飛仙閣 杜甫

聽嘉陵江水 杜甫 仇池 杜甫

題嘉陵驛 武元衡 興州江 李商隱

詠嘉陵江 薛 逢 靈巖述 歐陽詹

遊靈巖 張 俞 過青泥嶺 宋 余 靖

仇池石

蘇軾

遊靈巖

五言古

鮮于侁

前題

五言律

鮮于侁

前題

文紳儀

前題

張昌祖

前題

富言

前題

李茂先

題藥水洞

吳玠

南沮水道中

陸游

遊靈巖

劉異

靈巖寺

伍福

同友遊靈巖

周夢暘

嘉陵風景

劉瓚

仇池

魯百能

仇池山

任彥棻

孤貞歌

明

白桂

遊靈巖

白桂

按臨畧陽觀畧民艱苦作

王文翰

節義祠弔孫璽

陳昌言

前題步韻

李遇春

畧陽道中四首

劉崙

遊靈巖

錢泮

前題

李仰

前題

甘茹

觀吳公璘玠

保蜀城

劉璜

觀吳公璘玠保蜀故址

宋山濤

嘉陵秋漲

本朝

諸保宥

蔡中郎郝閣銘碑

施有光

節婦行

施有光

弔節義孫光祿

施有光

白水江泛舟

郝守業

飛仙嶺

李念茲

再遊靈巖

范昉

嘉陵晚渡

范昉

撫綏至娘娘壩感  
懷時甫旱得雨

嚴如煜

棧壩金池院

嚴如煜



樂園太守喜雨  
有作依韻和之

鄭炳然

嘉陵渡口卽景

周書

木瓜園道上

周書

赴何家崖

周書

春日偕諸友  
外遊郭

周書

九日赴金池院道上

周書

晉郡值微雨  
道上感懷

周書

老林搜捕道上

周書

冬日赴樂素河  
舟中

周書

遊白水江

周書

再過樂素河贈  
淡生

王森文

讀白水路記

高應夔

靈巖晚照

李甫

白巖樵唱

李甫

勘災將次魚洞子肩  
輿倒踏易騎而行

譚瑀

暮宿五郎坪河  
漲不得前往

譚瑀

過翠峯亭故址  
二首

譚瑀

清明日黎竹軒諸公  
游靈巖以事不克赴

譚瑀

疊前韻呈竹軒

譜笙兩先生

譚 瑀

靈巖寺次鮮于子駿韻

譚 瑀

出郭門留別  
邑人士二首

譚 瑀

陪婁少府遊靈巖寺王 案

遊靈巖寺二首

黎成德

清明日重遊靈巖寺許良詠

前題

倒用前韻

許良詠

前題

張其藻

前題

白啟華

兩讀石甫先生作

白啟華

讀黎竹軒諸先生靈巖題壁詩和韻

譚 芳

清明日重遊靈巖寺二首

譚 沅

恭送譚石甫堂臺調任吳堡

高世瑄

次韻送譚父臺

蘇煥斗

前題

辛啟文

次韻送譚父師

王一德

前題

張 卓

前題

蘇聯桂

前題

張 犖

前題

梁培德

前題

田開源

郟閣頌

漢蔡邕  
洛陽人

惟斯析里處漢之右谿源漂疾橫注於道涉秋霖漉盆溢  
滔涌濤波滂沛激揚絕道漢水逆瀼稽滯商旅路當二州  
經用衿沮沮縣士民或給州府休謁往還恒失日晷行旅  
咨嗟郡縣所苦斯谿旣然郟閣尤甚憑崖鑿石處隱定柱  
臨深長淵三百餘丈接木相連號爲萬柱過者愕啼載乘  
爲下常事迎布遭遇隕納人物俱墮沉沒洪淵酷烈爲禍  
自古迄今莫不創楚於是太守漢陽河陽李君諱翕字伯  
都以建寧三年二月辛巳到官思惟惠利有以綏濟聞此

爲難其日久矣嘉念高帝之開石門元功不朽乃俾官掾  
下翔讐審改解危殆卽便求隱析里大橋於爾乃造校致  
故堅故巧雖昔魯班亦其擬象又醴散關之漸潔從朝陽  
之平爇減西閣就安寧之石道禹導江河以靖四海經紀  
厥績艾康萬里勒石示後乃作頌曰降此翕君克明峻德  
允武允文恭儉尚約化流若神教民如均精通皓穹三納  
符銀所歷垂勳香風有鄰仍致瑞應豐稔以樂行人怡欣  
慕君靡已乃詠新詩曰川兌之間高山崔嵬兮水流蕩蕩  
地旣磽确兮與禹爲鄰析分告緒業兮至於困貧危危累

卯兮聖朝憫憐救傾兮全育子遺邵勞曰稷兮惟惠勤勤  
充庶兮百姓歡欣僉曰太平兮文翁復存

瑀按郝閣銘范志字多舛漏不成文義謹就白崖殘缺  
舊刻取證靈巖寺申如墳重刻碑參訂成篇並爲註釋  
其字有模糊者仍從口缺疑以俟參考其辭曰

惟斯析里處漢之右溪源漂疾橫柱乎道涉秋霖漉盆  
溢滔涌濤波滂沛激揚絕道漢水逆讓稽滯商旅路當  
二州經用矜沮沮縣士民或給州府休謁往還恒失日  
晷行理咨嗟郡縣所苦斯谿旣然郝閣尤甚緣崖鑿石

處隱定柱臨深長淵三百餘丈接木相連號爲萬柱過者慄慄載乘爲下常車迎布歲數千兩遭遇隕納人物俱隋沈沒洪淵酷烈爲禍自古迄今莫不創楚於是太守漢陽阿陽李君諱翕字伯都以建寧三年二月辛巳到官思惟惠利有以綏濟聞此爲難其日久矣嘉念高帝之開石門元功不朽乃俾衡官掾下辨仇審改解危殆卽便求隱析里大橋於今乃造拔致攻堅結構工巧雖昔魯斑亦其儼象又驛散關之嶮深徙高陽之平燧減西口之高閣就安寧之石道禹導江河以靖四海經

記厥績艾康萬里臣□□勒石示後乃作頌曰上帝  
綏□降此惠君克明俊德允武允文躬儉尚約化流若  
神愛氓如子遐邇平均精逼皓穹三納苻銀所歷垂勲  
香風有隣仍致瑞應豐稔年登屬□以樂行人夷欣慕  
君靡已乃咏新詩曰析里□□川兌之間高山崔嵬兮  
水流蕩蕩地旣墉确兮與寇爲隣西隴鼎峙兮東□析  
分或失緒業兮至於困貧危危累卵兮聖朝閔憐兮□  
析壤兮乃命是君扶危救傾兮全育子遺劬勞日稷兮  
惟惠勤勤拯溺亨屯兮瘡痍始起閭閻充羸兮百姓歡



欣僉曰太平兮文翁復存

溪源漂疾

莊子外物篇室無空虛則婦姑勃溪谿谿亦作溪

橫柱乎道

顧南原隸辨集韻挂

通作柱穿也隸釋

云以柱為注非是

益溢 □ 涌

通雅益溢滿起也後漢陳忠傳徐岱之濱海水益溢

隸釋云以盆溢為溢溢非是

經用苻沮

顧南原隸辨玉篇苻儻衣也碑蓋借苻為苻儻

休謁

往還

謁與謁同曹全碑孝廉謁者謁亦作謁

行理咨嗟

理與李通左傳昭十三年行理之命

無日不至億十三年行李之往來理李互用又周語行

理以節逆之漢書天文志騎官左角日理史記天官書

作李管子大理皆作李理李二字古通用

人物俱隋 隋隋也隋又作墮陳君閣道碑隋隕顛隋亦

作隋與又 醴散關之嶮潔徙朝陽之平燧 □ 醴 索隱醴此碑同

書大禹謨釋茲在茲古文尚書作醴史記管蔡世家鄭降楚楚復醴之又魏世家與其以秦醴衛不如以魏醴

衛又張儀傳共執張儀掠笞數百不服醜之  
 北海相景君銘農夫醜未隸釋云以醜為釋  
 辨省糸為糸高頤碑  
 關外關亦作關  
 絕山峻貌邱遲漁浦潭詩  
 軒望嶰隸釋云嶰歐誤作嶰予藏此碑刻畫甚完  
 不知歐公何以致誤詳其文義散關嶰巖而濕朝陽平  
 坦而燥故徙閣於此也楊用脩承歐公之誤  
 以為嶰即潮字金石文字記乃取其說非是  
 辨廣川書跋云潔當作濕是也說文濕从灑灑从日从  
 絲累即灑之省而訛曰為田耳如顯亦从灑綏民校尉  
 熊君碑顯皆為顯與濕之為潔正同漢書功臣表有濕  
 陰定侯地理志霍去病傳王莽傳皆作潔陰則濕潔本  
 是一字故前碑以濕為溼此碑亦以潔為溼經典相承  
 專以潔為濕水之濕此歐公集古錄跋於此碑潔字不  
 能無疑而謂  
 燥俗作瘞楊子方  
 經記厥續隸釋以  
 莫詳其義也  
 瘞言註瘞則乾瘞  
 厥續書堯典九載績用弗成古文尚書作績穀梁傳成  
 五年伯尊其無績乎註績或作績可知績與績古本通

用香風有隣

顧南原隸辨按九經字樣云鄰作隣者訛集韻云鄰或从冒作隣二說皆非也移

於左是謂隸行如服為朗獨為獸之類非訛从冒也

行人夷欣

爾雅釋言夷悅也詩召南我心則夷

又鄭風云胡不夷

高山崔嵬兮

集韻嵬或作嵬又正字通嵬與嵬通有平上二聲

水流

蕩蕩

漢書地理志河內郡蕩陰師古曰蕩音湯史記魯仲連傳止於蕩陰不進張遷碑蕩陰令

遺

顧南原隸辨五經文字全作仝从亼下工與說文異此碑亦然未詳何據

劬勞日稷兮

周易豐卦日中則昃釋文云昃孟作稷穀梁傳定十五年戊午日下稷乃克葬注稷昃也下稷謂晡時又太元經君子應以大稷注大稷日將暮也隸釋堯母碑日不稷費鳳別碑乾乾日稷均稷作昃

棧道銘

唐歐陽詹

秦之坤蜀之艮連高夾深九州之險也陰谿窮谷萬仞直

下犇崖峭壁千里無土亘隔呀絕巉巖冥冥麋鹿無谿猿  
獠相望三代而往蹄足莫之能越秦雖有心蜀雖有情五  
萬年間夔不相接且秦之與蜀也人一其性物同所宜嗜  
欲無餘門教化無餘源可貿遷可親昵擘坼地脈睽離物  
理豈造化之意乎天實凝清而成地實凝濁而形當其凝  
也如鎔金下鑄騰雲上浮空隙有所不周迴翔有所不合  
澄結既定竅缺生乎其中西南有漏天天之竅缺也於斯  
有茲地地之竅缺也天地也者將以上覆下幬含畜萬靈  
可通必使而通者也苟有可通而未通聖賢代其工而通

之固有爲舟以濟川爲梯以踰山惟斯地有川不可以舟  
涉有山不可以梯及粵有知慮以全元造立巨衡而舉追  
氏絕懸纜以下梓人猿垂絕冥鳥傍危岑鑿積石以全立  
梁半空於未用斜根玉疊旁綴青泥截斷岸以虹矯繞翠  
屏而龍蹠堅勁膠固雲橫砥平總庸蜀之通途繞岐雍之  
康莊都邑之能步山川之蕪徑若水決防如鴻嚮陽南之  
北之踵武湯湯躋峩峩以自若臨蒼蒼而不懼繇是贊幣  
以遙達人神以會同稽禮樂之短長量威力之污隆可王  
者王可公者公而相吹以風或曰受琢之石長存可構之

材無窮易剋代蠹斯道也未始有終嗚呼爲上懷來在乎  
德爲下昭德在乎義德義之如今日則或人言之有乎其  
鋟之則石雖存恐不爲琢材雖多恐不爲構想夫往昔有  
時而有有時而無是用惕惕天下蚩蚩知聖賢創物之意  
之人寡明德義固物之道之人稀敢陳兩端之要銘諸斯  
道之左庶主德義者存今之所履踵武湯者荷

古人之攸作爲銘曰

天覆地燾本以同設大象難全或漏或缺損多益寡聖賢  
代工彼雖有缺與無缺同維北曰秦維南則蜀地缺其間

坤維不續斗起斷岸屹爲兩區秦人路絕蜀火煙孤天寶  
不通賢斯有造鑽堅剡勁無蹊以通若川匪舟若陸匪車  
緣危轉虛步驟交如構雖在功存亦由德項拂劉怒旋見  
以踏墮落我營自顛而植地非革勢財不易林培植以致  
惠怨之心勿謂斯道不恒勿謂斯道不久禮不以禮可有  
而無恭不以恭可無而有創之之意如彼固之之理若茲  
彼知不易茲而易知勒銘道左其同我思

宴遊記

唐房 渙

我皇帝道高前聖德邁三皇天下晏然四方無事朝廷清

謚常思蹈舞之儀宮苑歡娛每賜春遊之賞天恩廣備錫  
賚見霑旬日飛觴求諸勝地武興泉石觸目驚人况卜良  
遊自須奇絕順政遊勝郡南十里山嶂重複石壁干雲淥  
水澄灣清冷見底岡巒隱映蒼翠難名雖王羲之蘭亭未  
足云比石季倫金谷豈可同年渙叨忝專城常霑宴賞同  
諸英佐得盡歡遊天寶八載三月廿日太守房渙自書

故相國權公碑

唐  
韓愈

上之元和六年其相曰權公諱德輿字載之其本出自殷  
帝武丁武丁之子降封於權權江漢間國也周衰入楚爲



權氏楚滅徙秦而居天水畧陽符秦之王中國其臣有安  
邱公翼者有大臣之言後六世至平涼公文誕爲唐士庸  
太守荊州大都督長史焯有聲烈平涼曾孫諱倕贈尚書  
禮部郎中以藝學與蘇源明相善卒官羽林軍錄事參軍  
於公爲王父郎中生贈太子太保諱臯以忠孝致大名去  
官累以官徵不起追諡貞孝是實生公公在相位三年其  
後以吏部尚書授節鎮山南年六十以薨贈尚書左僕射  
諡文公公生三歲知變四聲四歲能爲詩七歲而貞孝公  
卒來弔哭者見其顏色聲容皆相謂權氏世有其人及長

好學孝敬祥順貞元八年以前江西府監察御史徵拜博士朝士以得人相慶改左補闕章奏不絕譏排姦倖與陽城爲助轉起居舍人遂知制誥凡撰命詞九年以類集爲五十卷天下稱其能十八年以中書舍人典貢士拜尚書禮部侍郎薦士於公者其言可信不以其人布衣不用卽不可信雖大官勢人交言一不以綴意奏廣歲所取進士明經在得人不以員拘轉戶兵吏三曹侍郎太子賓客復爲兵部遷太常卿天下愈推爲鉅人長德時天子以爲宰相宜參用道德人因拜禮部尚書同中書門下平章事公

身陽具示  
卷之六  
既謝辭不許其所設張舉措必本於寬大以幾教化多所  
助與維匡調劑不失其正中於和節不爲聲章因善與賢  
不矜主己以吏部尚書畱守東都東方諸帥有利病不能  
自請者公常與疏陳不以露布復拜太常轉刑部尚書考  
定新舊令式爲三十編舉可長用其在山南河南勤於選  
付治以和簡人以寧便以疾求還十三年某月甲子道薨  
於洋之白草奏至天子痾傷爲之不御朝郎官致贈錫官  
居野處上下弔哭皆曰善人死矣其年某月日葬河南北  
山在貞孝東五里公由陪屬升列年除歲遷以至公宰人

皆喜聞若已與有無忌嫉者于頔坐子殺人失位自囚親戚莫敢過門省顧朝莫敢言者公將畱守東都爲上言曰頔之罪旣貫不竟宜因賜寬詔上曰然公爲吾行諭之頔以不憂死前後考第進士及庭所策試士踵相躡爲宰相達官與公相先後其餘布處臺閣外府凡百餘人自始學至疾未病未嘗一日去書不觀公旣以能爲文辭擅聲於朝多名卿大夫功德然其爲家不視簿書未嘗問有亡費不侍餘公娶清河崔氏女其父造嘗相德宗號爲名臣旣葬其子監察御史璩纍然服喪來有請乃作銘文曰

權在商周世無不存滅楚徙秦嬴劉之間甘泉始侯以及  
安邱詆訶浮屠皇極之扶貞孝之生鳳鳥不至爵位豈多  
半途以稅壽考豈多四十而逝惟其不有以惠厥後是生  
相君爲朝德首行世祖之文世師之流連六官出八屏毘  
無黨無讐舉世莫疵人所憚爲公勇爲之其所競馳公絕  
不窺孰克知之德將在斯刻詩墓碑以永厥垂按天水畧  
陽隸秦州  
非今之畧陽也然考之碑文俱以德輿  
爲今畧陽人訛以傳訛姑存此以備攷

江運記

唐柳宗元

御史大夫嚴公牧於梁五年嗣天子用周漢進律增秩之

典以親諸侯謂公有功德理行就加禮部尚書是年四月使中謁者來錫公命賓僚吏屬將校卒士鰲老童孺填溢公門舞蹈歡呼願建碑紀德垂億萬祀公固不許而相與怨咨遑遑如不飲食於是西鄙之人密以刊山導江之事願刻巖石曰維梁之西其蔽曰某山其守曰興州興州之西爲戎居歲備亭障實以精卒以道之險隘兵困於食守用不固公患之曰吾嘗爲興州凡其土地之故吾能知之自長舉北至於青泥山又西抵成州過栗亭川踰寶井堡崖谷峻隘十里百折負重而上若蹈利刃盛秋水潦窮冬

雨雪深泥積水相輔爲害顛踣騰藉血流棧道糗糧芻藁  
填谷委山牛馬羣畜相藉物故餽夫畢力守卒延頸嗷嗷  
之聲其可哀也若是者縣三百里而餘自長舉而西可以  
導江而下二百里而至昔之人莫得知也吾受命於君而  
育斯人其可已乎乃出軍府之幣以備器用卽山僦工由  
是轉巨石仆大木焚以炎火沃以食醯摧其堅剛化爲灰  
燼畚鍤之下易甚朽壤乃闢乃墾乃宣乃理隨山之曲直  
以休人力順地之高下以殺湍悍厥功旣成咸如其素於  
是決去壅土疏導江濤萬夫呼林莫不如志雷騰雲奔百

里一瞬既會既遠澹爲安流烝徒謳歌枕臥而至戍人無  
虞專力待寇唯我公之功疇可侔也而無以酬德致其大  
願又不可得命矧公之始來屬當惡歲府庾甚虛器備甚  
殫饑饉昏札死徙充路賴公節用愛人克安而生老窮有  
養幼乳以遂不問不使咸得其志公命鼓鑄庫有利兵公  
命屯田師有餘糧選徒練旅有衆孔武平刑議獄有衆不  
黷增石爲防膏我稻梁歲無凶災家有積倉傳館是飾旅  
忘其歸杠梁以成人不履危若是者皆以戎隙帥士而爲  
之不出四民之力而百役以就且我西鄙之職官故不能



具舉惟公和恒直方廉毅信讓敦尚儒學抑損貴倖率忠與仁以厚其誠有可以安利於人者行之堅勇不俟終日其興功濟物宜如此其大也昔之爲國者惟水事爲重故有障大澤勤其官而受封國者矣西門遺利史起興嘆白圭壑鄰孟子不與公能夷險休勞以惠萬代其功烈尤章章焉不可蓋也是用假辭謁工勒石存之用永憲於後祀

白水路記

宋  
雷簡夫

至和三年冬利州路轉運使主客郎中李虞卿以蜀道青泥嶺舊路高峻請開白水路自鳳州河池驛至長舉驛五

十一里有半以便公私之行具上未報卽預畫材費以待其可明年春選興州巡轄馬遞鋪殿直喬達領橋閣並郵兵五十餘人因山伐木積於路處遂藉其人用訖是役又請知興安軍事虞部員外郎劉拱總護督作一切仰給悉令爲具命僉署興安判官太子中舍李良佑權知長舉縣事順政縣令商應程度遠近按視險易同督斯衆知鳳州河池縣事中丞王令圖首建路議卽移文令圖通幹其事至秋七月始可其奏秋八月行者已走新路矣十二月諸工告畢作閣道三千三百九間郵亭營屋綱院三百八十

三間減舊三十三里廢青泥一驛除郵兵驛馬一百五十  
六人騎歲省驛廩舖糧五十石畜草一萬圍放執事役夫  
三十餘人路未成會李遷東川路今轉運使工部郎中田  
諒至審其績狀可成故喜猶已出事益不懈於是斯役肇  
於李而遂成於田也嘉祐二年二月日以狀上且曰虞卿  
以至和二年仲春興是役仲夏移去其經營建樹之狀本  
與令圖同臣雖承乏在臣何力願朝廷旌虞卿令圖之勞  
用勸來者又拱之總役應用良佑之按視脩創達之採造  
監領皆有著效亦乞陞擢至於軍士十長而下並望賜與

以慰遠心朝廷議依其請初景德元年嘗通此路蓋青泥  
土豪輩唧唧巧語以疑行路且驛廢則客邸酒壚爲棄物  
矣浮食遊手安所仰耶小人居常爭半分之利或睚眦相  
抵遲行人一切之急射一日十倍之貴顧肯默默 造作  
百端理固然耳嚮使愚者不怖其誕說賢者不惑於風聞  
則斯路初亦不廢也大抵蜀道之難自昔以青泥嶺稱首  
一旦避險卽安寬民省費斯利害斷然易曉烏用聽其悠  
悠之談耶而後之人見已成之易不念始成之難苟念其  
難則斯路永期不廢矣嘉祐一年二月六日記

仇池碑記

宋失名

自兩儀肇判混氣既分融而爲川瀆結而爲山岡禹別九州奠高山大川積石龍門彭蠡震澤砥柱析城太華衡山之名著故名山大川載於記籍班班可考仇池福地本名圍山開山爲山仇夷上有池古號仇池當戰國時爲白馬氏所居晉係胡羌唐籍成州逮我大宋隸同谷背蜀面秦以其峭絕險固襟武都帶西康相結茅儲粟以爲形勢鎮戍之地觀其上土下石屹然特起界於蒼洛二谷之間有首有尾其形如鼉丹巖四面壁立萬仞天然樓櫓二十四

隘路若羊腸三十六盤周圍九千四十步高七里有奇東  
西二門泉九十九地百頃農夫野老耕耘其間雲舒霧慘  
常震山腰朝暉夕陰氣象萬千當其上羣谷環翠流泉交  
灌集而成池廣蔭數畝此世傳仇池之盛且神魚聞於上  
古麒麟瑞於近世有長江窮谷以爲襟帶有羣峯翠麓以  
爲黼藻雖無瓊臺珠閣流水桃花其雄峻之狀壯麗之觀  
卽四明天台青城崆峒亦未過此非輕世傲物餐霞茹芝  
者似莫能宅之宜少陵詠送老之詩坡仙懷請註之夢由  
是此山增重小有天一點空明始聞天下名公巨卿冠蓋

相望爭訪古人陳迹然一山之中古廟獨存榜曰晉楊將  
軍惜無碑碣莫可稽考咸以爲闕典紹興五禩曹公居賢  
官於此廟宇圯壞公爲鼎新復起白雲亭重構招提繪杜  
蘇二大老像刻詩於石昭示將來遂成好事翹楚者屬予  
以紀之予嘗探討往牒觀通鑑於漢晉南北諸史參考仇  
池厯代事跡見公始末乃知公姓楊諱難敵稱氏王名茂  
搜者乃公之考右賢王名堅頭者乃公之弟晉元帝永昌  
元年趙主劉耀親征仇池公拒之弗勝退保仇池會軍痢  
疫耀亦寢疾懼公躡其後乃遣使說公封公持節侍中假

黃鉞都督秦梁二州隴上諸軍武都王大寧咸和間執白  
崧擒李稚抗衡前越控制後蜀鼎峙三國雄霸一隅一時  
英傑也至咸和九年卒其嗣立厥後穆帝永和三年楊初  
拜仇池公曰國曰安曰世曰盛皆繼爲仇池公南北之際  
如立如難當如保熾文德以降家世其地不可縷舉然楊  
氏之業惟難敵始大則此廟字其爲難敵建無疑也予跼  
伏於下身歷日擊親見其詳數其實以紀之並取唐宋二  
公詩以爲仇池光華冀千百年後考信於今者亦猶今之  
考信於古也與宋紹興甲寅上巳日忠訓郎曹居賢立石



遊靈巖詩序記

宋鮮于侁

熙寧三年秋中澣于侁行部偶公暇與太守虞曹郎李茂先晉弼僉謀殿省丞文紳儀公遊藥巖精舍舟南下數里乃並岸登山又數百步有一巖環覆可拾畝佛宮構其下崖壁颺呀石色乳竇怪不可名當像殿之前有一軒瞰臨谿山俯仰可愛又東行迤邐行間見石脈出泉玉色如乳云飲之可蠲疾又數十步抵小崖崖修數丈廣盈尋中有一石柱承載巖崖殆非耳目所聞見也其後有洞穴云昔人常誤入其中行數里見川源花木之異或憶其家遂恍

然欲行迷失處所予愛其境物之異徘徊久之因爲文以記

靈巖敘別記

刻於靈巖寺

宋

李耆壽

嘉定丁丑十二月二十有三日金人入寇關表明年正月  
四川置制使寶謨閣學士臨川董公居誼進益昌督師利  
州路安撫節制馬軍直徽閣古汴楊公九鼎進屯河池以  
三月十七日斬敵元帥一統軍七 獲甚衆後十

兵自天水犯西和董公復進沔陽敵不戰而遁尋狩大  
散關舊岷州皆以敗去由是關表安堵如故楊公還駐沔

董公復駐益昌以六月十有五日敘別靈巖寺幕下眉山  
任起厚楊師復祥符李耆壽臨川過春年李劉宴大正從  
行會稽虞剛簡眉山成申之寶城楊恢同谷李榮仲俱不  
及舉酒而別耆壽承乏郡寄謹書刻之巖石云

翠峯亭銘

宋王震

銘曰太原王姓河南人名震字叔仁宋嘉祐歲壬寅尚書  
中郎守武興郡四境山鄰珣構新亭迓佳賓曰翠峯景實  
真唐天寶房使君上錫宴刊堅珉亭之石名不泯

遷建廟學記

明何景明

正德己卯春余董學事由徽州入峽浮白水江下畧陽視其城中卑江水西來衝之多激流迅湍欹折崩坼而學宮正居其卑夏縣書報江溢大水城陷學宮悉沒副使寧波呂君克中時按治闕南乃行縣躬詣其地視之則堂壇墊爲沮洳殿廡蕩於沙石矣遂集衆謀曰茲地卑甚不可復卽復終能免患耶於是使同知何子奇率學官張繡諸生羅江劉儀等改卜相其地宜圖爲久遠獲地於縣治之北抗敞可宮考兆曰吉僉謨畢諧君乃擇委漢中衛知事金坡治其工又發贖金三百餘付之坡程諸匠作鑿石伐材

拓荒闢穢經始於庚辰夏五月又五越月而卒其役凡爲  
宮室殿五楹廡東西各八楹戟門三楹櫺星門三楹鄉賢  
名宦祠各一楹堂三楹齋東西各三楹儀門三楹學門三  
楹東西號舍各十一楹其餘牲所神廚廩庫咸備右高爲  
廟左下爲學崇卑就列嚮背因形棖題約制輪奐飭觀聖  
靈旣妥賢才斯萃惟君思創樂成猷厥終始乃令教諭李  
崇實狀列其事請紀諸石按志云畧陽地自漢歷唐宋爲  
沔州隸興元府元始徙州治於鐸水改畧陽爲縣隸之至  
正十年縣令李舜臣建學於縣治北國朝改沔州爲縣與

畧陽俱隸漢中府洪武四年縣丞葉禮徙學於縣治東北  
正統十三年大水學宮壞教諭譚志學修之成化四年又  
大水學宮又壞知縣李鑑修之坡之開此地也掘土得古  
碑視其記實李舜臣徙學故地也蓋自葉禮改徙之後迄  
今凡三遭大水而後徙地仍復其故云豈非得數哉夫畧  
陽爲古羌氐之域至文王行江漢之化其風氣已開文命  
漸被矣矧由數代以及我明立學崇教之盛則習俗移易  
其何已乎然百餘年來人物聲名尚未底於融顯豈以僻  
處梁雍之間乎亦由屢兵薦沴役繁生鮮而士不得以隆

其業也呂君之莅關南拊循其民簡練其卒厚農薄斂芟  
寇清刑然後興廢舉墜修學敦教獎官師勵人士以行其  
政教焉孔子曰足食足兵民信之矣余於關南庶其見之  
昔文翁興教相如爲師蜀之有學蓋肇於此今茲之建是  
宅阜隆以降湍悍構造惟新地復其舊天相人協理臻勢  
會肆寧厥居實惟永觀俾俎豆之事表於東南絃誦之音  
流於漢沔文翁豈專美耶後世必有考畧陽之學究其文  
物所從來者則呂君功德何可以弗著哉何可以弗著哉

重修廟學記

明  
龔懋賢

漢在秦封遠畧陽又漢遠邑按地志畧陽壤接嘉陵星分  
鶉首蓋稱奧區舊矣邑有學自元至正建今更置非一今  
址則仍元故地歷年多殿廡半就圯至啟聖名宦鄉賢諸  
祠敬一亭諸制得具備者固闕如也皇帝九年辛巳知縣  
王子之臣慨然以修廢爲己任先是請於撫憲蕭公余偕  
茶院赫君俱可其議旣治其圯又增其闕者越明年壬午  
遣邑博王子鴻漸告成事於余因以記請余惟我國家以  
學士經世而育士則於學校故上自二千石下至今長皆  
有學誠重之也畧陽雖褊小豈直十室已乎高文二廟間



中第代不乏人昭廟而後歲有升之司徒者亦斌斌文獻  
故都矣迺今廟廡鞠荒祠亭不備曷以貞教而育士偉哉  
王子之此一舉也士教其興矣雖然余反覆國家建學之  
意猶有進於是者以告王子夫秦故伏羲神農黃帝堯舜  
禹湯文武周公之所治開闢以來神聖繼作十常九人秦  
產也厥後雖以祖龍計首功鏖六國而儒風灰燼赤帝跨  
馬上收三秦而詩書闕遺然自惠文醞釀以逮唐宋千餘  
年間其鴻儒俊彥緯武經文若孟堅伏波汾陽橫渠權載  
之之徒猶種種不愧前喆而德輿者卽畧陽人也夫洪河

清漢白馬金牛秀吐二華靈闢太乙今山川非伏羲以來  
之山川耶矧今皇帝銳意興文列聖功令其在學宮如敬  
一箴諸訓正伏羲以來相傳心法夫以如是山川具如是  
教法而以今觀秦人士反落落遠不逮古至於支城巖邑  
並制科鄉舉百年不一二睹此何故歟王子來令畧陽他  
務未遑首以增治學舍爲務毋乃謂其故在此矣固也然  
亦不盡然何者育才在學興學在教生才在山川成才則  
存乎其人夫自科舉之途辟而利祿之習營心學之教湮  
而道德之風熄今之所謂學古之所謂藝耳今之所謂才

古之所謂技耳嗟嗟山川有靈豈第爲國家產科舉之輩以應利祿之求已耶國家建學豈僅欲山川生此利祿之人以實科舉之設已耶斷不然矣畧陽近在古聖喆山川之內其人才之生必有可觀者願王子之有以教之也教當如何導之以學不以藝達之以才不以技望先師而教以願學孔子也步兩廡而教以思齊羣賢也守當代之名言則教以敬以治其心也應科第之旁求則教以道德有於身也教之以義軒以下諸聖爲必可師而繩武也教之以橫渠載之以上諸賢爲必可友而比肩也必如是教而

後可以爲學必如是學而後可以爲教必如是教如是學而後於國家建置學宮之意斯爲稱情若曰畧陽下邑姑爲二三子科第計也非所以望於王子余於博士之來語之若此博士曰公言誠進於學政矣不獨告王子可以告全秦可以告天下遂書之作修學記

改創廟學記

明  
毛 芬

漢之畧邑在萬山中鳳山象山峙如屏嘉陵八渡環如帶靈巖古洞形如月峯綺錯而水淵澄洄蘊靈而材儲異以故民俗駟茂才雋鬱起自唐宋以迨國朝代毓英傑唐則

權公臯權公德輿以宰相柱史蜚聲宋則周公道王公大才以八座招撫豎節國朝則卜公齋封公庫實以給事主政開先彬彬濟濟日漸燁赫惟廟學舊在鳳山之麓宣德後改學北關旋改城北而文脈遂斬畧士子鬱思復舊址久矣邑侯申公來令茲土政教休明惠風逖邕然猶以興學崇文爲第一務謂山脈來自象山於是斷路以聯其脈也建樓以豎其牙也開道以通其氣也立倉以儲其糧也士民已大喜耳目改觀已及奉大府王公之命舉修邑誌見永樂前科第蟬聯舊學在鳳山下因承士民之請率諸

弟子員往觀之果萃山水之奇爲武興最秀形勝遂益體  
大府之意而推廣其事卽改文廟爲朝天宮改儒學爲文  
昌祠改訓導宅爲社學存其舊也於鳳山舊址創建廟學  
蠲俸百金鳩工庀材以恢往圖又時蠲贖錢佐之大成殿  
啟聖祠兩廡名宦鄉賢祠並儒學齋號犁然具備縱橫曲  
檻倔侷而雲起軒翥而輦飛匪華樸而文質適中今奕奕  
然觀成矣諸士謂有崇聖迪文育賢敷化之功請記於石  
以示不朽余惟古帝以建學造士領之有司故有司於邑  
事莫妙於因而今昔大異盛衰分轍尤妙於創謂創卽因

也亦可今以百餘年久鬱之氣已值否極顧不鬱則不發鬱不極則發不大侯於鳳麓之學不難恢復激勸之猷不難振舉舉諸所措置已自井井有條誰謂古昔廟貌不失尺寸而猶不地靈人傑與古唐宋先賢輩較隆比列也耶聚學爲海淬詞爲鋒翩翩乎齊軌前鑣與海內比隆則此有啟必發之時哉予故謂公之創卽善於因也亦可是役也財取諸俸工取諸傭士不知費民不知勞肇於癸丑之夏落成於甲寅之春則侯之所以加惠畧士子鴻且遠也侯諱如埴別號奉廷由舉人天中之延津人以兵部司務

出爲令清廉正直善政居多惠民之德自有觀風者采之以獻非廟學之記所能□若夫僚吏及耆民之與有勞者附名碑陰

改創廟學記

明 喬進璠

漢以南之有畧也嘉陵如帶靈峻列屏秀色靈氣之所苞孕自唐宋迨國初人文熙洽科第繩繩然起惟學舊在東關鳳山之麓而英傑蔚興景泰後遷改北關未幾河伯爲崇復改城中而文脈不絕矣今百七十餘年正大開之會邑令申如墳酌士子改創之義力恢遘圖蠲俸百餘金出



穀百餘石擇日祭告庀材鳩工先大成殿宏麗高敞焜燿  
澤宮至東西廡戟門櫺星儒學明倫堂次第而圖之工出  
於募不徵夫家財出於俸不費公帑經始於癸丑之春暨  
甲寅之秋工卽告竣至於改文廟爲朝天宮改儒學爲文  
昌祠存其舊也邑庠生劉紹先等走丐余言以勒貞珉余  
惟先王御世化民埏埴萬宇罔不興建學宮育成材雋故  
誦其法言仰其德容以聖賢爲師勿變於流俗言學則本  
於經術言政則純於王道使天下稱淵源有自庶幾登斯  
堂也人人有猛進之念焉余分憲漢疆匪止激濁揚清亦

以興起斯文爲務今邑學改創伊始諸生幸地靈人傑余  
以爲從人傑副地靈而人自傑爾諸生趨向欲端操持欲  
定識見欲達以平日涵養淵深以厚研幾於聰明正直之  
表而發情於澹泊甯靜之間衆譁之有不聞衆覩之有不  
見衆羶慕而冶悅縮心鞠躬而有不爲蓋孔孟家法祖宗  
憲章爲律爲度不激不隨猶菽粟布帛之切於身其何以  
旦夕之海饑越緹而易吾素也此之謂行不越貞其行始  
懿才不拂世其才始適今日惜寸惜分他日鵬飛豹變又  
何地靈之不人傑哉先正如唐之權柱史宋之周八座明

身臨其地  
卷之六  
三  
之下瑣闥芳規懿行照耀簡編斯以鴈行而頡頏之濟濟  
多士符今日循良改創之意矣余是以不辭固陋遂捉管  
而著於石

重修縣治碑記

明南鏜

畧陽爲川陝之限窮谷崕巖素稱不易治正德戊辰盜起  
通巴明年蔓延至是破城郭焚廬舍民罹禍危殆什之六  
七其奔潰流離者又顧戀鄉土號泣道路聲振原隰盜旣  
平人無所於歸訛言累興上下危之未幾四川馬君來令  
茲土始至與民約曰若苦盜賊乎曰然日出汝力保汝生

何如曰以逸役我敢不奉命遂掇拾煨燼曲方規措之凡土石磚甃之屬不兩閱月而川委雲集度可舉事乃庀匠氏傭庶工脩城以磚衣木以鐵建樓於城四隅環城爲屋可通巡警與廟學壇壝藩臬行署縣治舖舍次第告成咸歸於度視舊有加焉經始於正德八年正月十五日落成於正德十年八月初一日邑之縉紳徵余爲記余惟士君子之爲政處全盛之時易爲力處凋敝之時難爲功顧盛衰有期通變有數斯固天也君當兵燹之餘乃能芟其蕪去其穢逸其人因其地而復其天人之所難而爲之甚易

非有剗煩理劇之才孰克致此見君之作知君之志君之  
去危以置安除害以興利則茲舉也匪尋常土木之工可  
比是宜書也君以鴻臚序班陞今職未二年自巡撫而下  
俱有論薦畧之人恒恐其遷擢而去也余備員分署時與  
君同朝夕且有斯文之誼故不辭而爲之書

重修城隍廟記

明 李德性

萬曆壬寅冬余承乏尹漢南之畧陽初入境地辟民稀林  
深山峻峒怏怏有鬱志已而思曰忠臣不擇地而安奈何以  
山辟自嫌居歲餘凡廳宇賓館極其朴野而不敢言陋葢

以彈丸之地困窮之民不敢更張煩擾也惟是城隍廟在  
城隅雜於民舍每瞻拜之下不稱神明棲止乃卜諸城南  
得舊府館一所地勢敞廓兩山傍峙遂謀土庶而遷之凡  
木石磚甃之類第於館之已頽敗者增其一二庶民欣然  
趨事不再月而告成爰立石以紀其事夫兩儀旣判幽明  
各別明則有人建立官師以長之邑有宰郡有守省有監  
司各引其職各業其官昭布森列事權不亂而後人道理  
明旣如此幽亦宜然蓋陰陽表裏交相爲用凡人有隱惡  
之所未宣刑政之所不及皆賴夫神明洞察陰降之罰以

夏陽縣志 卷之二  
佐夫彰瘡之權者也而或謂幽明之中事若幻杳若有若無則闇於神明之大較而拘於耳目心志之不廣况有官則必有城是倚有城則必有隍是藉有城隍則必有神是主與諸神之不邇於人民而遼闊於官司者又自不同則是舉惡可已也夫神宜嚴肅不宜雜亂神好正直不好邪媚神享誠敬不享靡文鑿積久不鑿倉卒則今日之備廟與異日之所以事神者不又有不待余言而自滌潔其心澡雪其行以求無愧於神明者耶是爲記

白水石路記

明 郭元桂

畧陽徽階之界地名大石碑一曰小石碑壁立百仞長可  
十數里許其上則鐵石巉巖不可鑿其下則浚流湍急不  
可渡其路則適當孔道不可斷唐宋時架木爲橋久而傾  
圯旅人甚苦之強渡而溺者更僕未易數里民謀開路以  
通往來垂久遠而艱於貲費卽有司猶或難之戊子夏直  
指鍾公按部至彼惻然在念爰捐金二百鳩工作路於石  
壁間里民感公之德爭先赴役不期月而告成輿馬僕卒  
履若坦途自下望之恍然雲霄之上蓋奇績也行旅父老  
自置豐碑請有司記其事公檄止之其畧曰古人爲其事



隱其名顧予之所恥者名也幸無以名歸我弗獲已乃就石壁勒三大字其名曰鍾公路今年春不佞行部歷其地行旅父老擁道而申前請予嘗以執事奉公左右知公最深義不可辭因索筆序大都於左以紀歲月公號文陸浙之仁和人立心操行以古聖賢爲標準初令閩之惠安再令江右樂平俱有異政天子拜侍御史欽取實授爲天下第一其巡行川陝也適值地方災祲多方賑恤飢者以銀病者以藥死者以塚而又慎激揚興學校議禁令一切不便者更爲寬大惠利之法與民宜之兩省軍民鼓舞德化

翕然號爲鍾佛子青衿多士則以鍾夫子稱之至縉紳評  
公者曰古之人古之人茲特其一事云

遊靈巖記

明李仰

余承郡伯公委至武興與周郡鍾南往遊靈巖蓋長江之  
隔也日高春見南山白雲矗起山腰坐眺以待周君須臾  
飛蓋傳呼周君至矣相與擊楫中流而下抵靈巖標  
奇挹秀游覽之勝槩也崎嶇堯聳千仞焉緇衣奉

香前導絕頂凌風側足而登俯瞰塵寰已足洗塵襟而消  
宦況矣及至靈巖石室突兀插青霄立仰紫金光聚前三

櫻高數十丈翠色青葱風泉涓涓潺湲藥水泉一泓澄澈  
飲之足療沈疴至羅漢洞天柱石梁根若虬龍盤曲蓋天  
然去雕飾也前石乳滴若懸珠雖晴空皜日當午浸漬之  
滴響千巖爽氣浸人肌骨溽暑炎熱宛如涼秋洗盞更酌  
侍立者歌聲震林木逸興遄飛得得來杯筯間拂石讀蔡  
中郎刻字跡千古有生動之色周君復致席靈巖有灑然  
塵外之想焉襟江閣有因而至前矣半空倚山巔高閣臨  
江渚巨觥交酬一觴一詠虛巖晴日波濤之斷者續者起  
者伏者山間之呼者應者響者答者盡檻外長江萬狀烟

霞之態須臾動歸興與周君別靈巖同舟共濟復共酌舟  
中雷聲忽送千峯來江山花鳥畱人與竊思倪雲林遊  
虎邱遇雨州遊泰和遊泰山遇雨余與司馬弟遊五  
老峯則凌雲之致其揆一也忽霽色開朗王事

慇懃之情郊外舉白抗手而別至長亭夜雨滴芭蕉  
宛若身在靈巖也醒而書記以誌歲月云爾

遊靈巖記

明張良知

嘉靖辛丑余佐天漢爰省志牒久懷靈巖名刹冀一登眺  
歲乙巳暮春朏日部臨畧陽公餘縣尹白子桂州倅張子

鎬請遊靈巖明發天雨已而大霽遂繫舟順流抵山麓登岸步履而升捫蘿攀蹬行一里許斷崖中以古木斜支爲徒杠乃手循山巔側足而過又盤轉一逕躋大陂入珠林巨巖空邃瑤宮構其腹金闕宏敞果爲奇絕南有元洞石梁中擎幽深叵測傳云路可通仙迤左巉巖削立膚曲中靈泉如乳髓點滴釋子卽石闢曲道引流遶洞達佛像之下出焉疾者飲之可愈故曰藥水巖昔人愛其峯之峻拔多畱題於土爰剔蘚認讀然時遠班剝半不可句白尹邀予少憩乃登臨於碧殿之前時午刻不見日蓋山高西障

此畧陽之得名飯旣復由藥水巖渡高礪抵羅漢洞洞之  
巔觀鄘閣漢銘字畫奇古宋太守田克仁慮其漫滅摹刻  
於茲存古之雅不可泯也僧人又請遊前軒軒瞰大江憑  
欄俯視波光澄練若一線兩峯對峙翠色欲流水山相映  
蒼玉交輝乃知山靈欲吐壯觀天之卽雨卽霽若或助其  
精爽矣余與二三子之遊信不偶也徘徊久之暮光倏合  
從人告旋仍泝 歸回首金岫雲封迷望不知處所矣  
司訓 鄧騰雲咸謂不可無言予乃得古詩一章並  
此以紀一時之勝云

畧陽縣誌敘

本朝  
邑令 范 昉

余向不敢言文自吏畧以來絕少筆札然記一邑之風俗而爲之志司土者之責也何敢忽諸奈舊無刻本難加增輯於是廣爲搜羅僅得手錄敗楮而又訛舛鄙俚究難卒讀余因少加更正鳩工鏤板庶成卷帙不敢問序於名公大人而自識其端曰方隅片土皆采風者所不廢况一邑之沿革興亡者乎畧陽之名考之書史稽之皇輿起於唐而定前明業已炳炳鱗鱗儼然一縣邑也迨興朝定鼎江山匯靈閭閻幅湊且南連巴蜀西接臨鞏竟成一都

會矣獨是逆藩變亂其前此之善政流風遺文逸事卽欲考之斷碣荒碑而兵燹畧盡於是不得不取手錄而訂脩之山川城社則仍其舊賦役風俗則因其時盡去其訛與誣而存其信與確者使一邑因革興亡毀譽得失有以表見也至於孤忠遺直孝子貞婦卓□□□者□爲登記其或□註傳訛□滅幽芳稍涉疑似□□敢悉錄以待後之博雅君子考訂而增入焉

創建嘉陵書院碑記

邑令高理

余以辛丑夏奉

命任茲甫下車卽詢此地學校僉謂



余曰此地褊陋學校缺如近代以前於學宮左側懸有象山書院空額其中並無一椽書屋虛名沿襲由來久矣予聞而疑之夫畧陽籍屬漢中爲古帝王之州菁莪棫樸王化猶新兼之召郇舊治其流風餘韻當亦猶有存者何遽云學校無之也逮政暇取邑志而按之前明以往人才蔚起登賢書題雁塔理學事功接踵彪炳者不一而足固知學校隆而人材盛自古有然何獨盛於昔而衰敝於今也况我 聖朝文命覃敷聲教四訖加之 巽命重申雖海隅日出之地莅以官師卽設以學校作人雅化亦孔

之厚矣詎以畧陽而遺之緣以人材出於學校而振新學校責在官師歷年以往任斯土者或以壤地褊小不堪作育或云作育亦未必能發籍所以代相因仍卒至百餘年來雖有膚敏之才亦艱於振拔是人文之疎落非鍾毓之艱實司土者未嘗畱心振作也予躊躇久之實不敢以國家隆重學校之實政爲有司者託諸有名無實爰以建設書院之舉謀諸紳士於時衆心欣然乃或以地瘠土貧捐輸無力爲辭余慨以身肩之而衆心歡騰焉隨卽擇地於城之東關外就古學宮舊址經之營之分爲三重以紳

士李輔劉廷鉞王壽閻俊游正義李文杰芮永蕃景居巽  
孟學紳等董其事興工於壬寅初冬落成於癸卯冬末大  
小書舍共二十餘間中外明備約計費七百餘金成之日  
名之曰嘉陵書院作人洵有地矣然而有書院必有生徒  
膏火膏火不設雖有書院之名焉知久而不廢予復籌畫  
再四除自捐並零星雜項共湊銀七百兩邑紳王璠及弟  
王壽捐銀一百兩共實銀八百兩似可粗安然計其生息  
尚不敷膏火支銷而通庠紳士李輔劉思聖高世熙周瑗  
侯疆等必求膏火贍足以利久遠復共捐銀二百餘金前

後通共積銀一千餘金隨飭令通學領袖陸續治買田地俾常年司其所入以給膏火則書院可與終古矣然爲國作人實前後司土者之責倘將來人材日盛或膏火尚歉更望後之名公任斯土者遞相等畫使其舉之莫或廢焉庶幾畧邑人文日盛於以仰副 聖天子作人之意而令其久道化成詎非厚幸歟用是綜其巔末泐石以告來茲至捐貲紳士膏火地土名目另碑刊記

嘉陵書院碑記

邑令 李 備

風俗視學校爲盛衰者也學校興則風俗美學校廢則風

俗偷學記曰君子如欲化民成俗其必由學乎又曰建國君民教學爲先殆卽此志也夫然國有學若家亦有塾黨亦有庠術亦有序者何蓋其學彌廣其教彌宏也以故我國朝崇儒重教不但首善國子監導進人材卽各省會亦發帑金營建書院聲教已四訖矣及 皇上御極之

初加意作人並令郡縣建書院式敷教化爾時守職奉法者實力舉行俱有成效獨吾畧以地僻民稀闕焉庚子夏邑侯高老父師來治吾邑觀風問俗之餘卽謀建立書院一日聚紳士商之僉以創築書室安置膏火非千餘金不

可各有難色邑侯曰臨民之道惟教與養此余責也諸君但能出力董役勿慮難成遂於次年壬寅冬初卜地鳳山之麓得學宮舊址擇日興工僅歲餘而建書院一所共計堂齋二十餘楹凡木植磚石一切匠役悉准常值以給並未擾及閭閻落成後又親捐銀兩置田生息以作永遠膏火諸經費邑侯雖抱遽伯玉獨爲君子之恥聽余等量力捐貲附名驥尾然亦微末不足齒今招致生徒肄業其中是絃誦有地矣廩餼有資矣覺向之所謂無難者真無難也夫飲芳泉者必溯其源托嘉蔭者必詢其本衆懼後之

學於斯者忘夫書院所自始與侯所以建立書院之意屬  
余敘其事之巔末並侯之姓氏里居勒石垂遠俾學於中  
者體侯之耕禮種義聚仁安樂庶風俗蒸蒸日上繼治斯  
土者襲侯之美補偏救弊振危扶衰庶書院永存勿替焉  
侯諱瑄字玉來號瑞湖雲南臨安府石屏州人中乾隆壬  
申科 恩舉至外翰桴罕張君陶郇典史姑蘇王君芝  
街亦與有力焉因並附記

新開城內水井碑記

邑令 高 瑄

大易井卦之彖云井養不窮爻云井冽寒泉食井之時義

大矣哉畧陽元古無井其舊治土堡左右兩腋巨河夾流  
居斯土者以水繞足下挹注甚便且城係土堡故土隙四  
出之區晝夜取攜無有禁忌不需掘井亦習而忘焉詎知  
在舊治時則可自建城以後則城門啟閉功令森然汲水  
可以自便乎知井之爲要矣予辛丑莅任於茲時與邑紳  
菊莊李君相晤詢以城內井泉幾區李君曰全無予甚駭  
異夫古者未建城先卜井誠以井泉爲民命所關且爲城  
池萬年無慮之策關繫尤重李君曰關繫大義時切隱願  
惜非當道不能治請賢侯爲畧陽造福予從其言爰卜日



與李君偕曉事衿士同相地勢所宜爰得於北門內城隈  
隙地一區勢可掘井遂刻日鳩工不數日而泉湧出水極  
清澗而甘飲者無不得之卽隨立龍王神祠春秋報祀領  
事者則邑紳李君衿士則閻俊劉秉鉞而井工適成余又  
思城內烟戶稠密一井難以普濟乾隆五十年冬復於南  
城內鑿井一區水源更旺闔城益大悅焉亦主龍王祠以  
時祭祀其時捐助督成者則王瑞游正義閻俊王新孟學  
紳趙興景居巽也嗟乎地方之缺陷者賴人補之地方關  
要而必不可無者有司宜爲經理之卽茲一經畫間俾畧

城內有南北兩井實可以利濟無疆萬世永賴矣生王瑞等囑予爲文以告來茲因卽事而爲之記

創建養濟院碑記

邑令 高 堉

大凡經制之所必有司土者不可聽其終無如孤老院與各祀壇皆典制所載不容或無者也余抵任後逐一清查先農壇南壇可以稍加補葺便稱完固卽北壇雖成荒郊尚有故地一段至養濟院則蕩然無存不可復考矣竊思收養孤老實 朝廷仁外之仁直省內外自大都以及小邑皆設有留養局所以加惠厄民推廣 皇仁恩至渥

也畧邑豈獨無之據志所載院在北門外乃再四追尋竟不可得卽邑老亦不能指而實之予心惻然急欲作成之苦乏隙地金正爲之籌畫適北門外象山之麓有園圃一區係張氏置買劉氏之業今張魁秀年老無倚欲質此地時回教老民李鳳輸銀五兩承買此地送八公家願爲建設孤老院之所予甚賞之卽就此地經營布置建造後房一層並兩側房房外空地以圍牆固之當中處啟一大門標題名目凡一切土木工料悉自捐金平值購備並不累及地方興工於本年八月落成於本年冬末而畧邑孤老

院於是始有矣尤望後之明達任茲土者遇有坍塌滲漏  
隨便舍金修補俾常存不壞不惟若輩啣激且足以廣  
聖朝矜全熒獨如天好生之德顧不美歟因約畧事由直  
書以記

恢復土主山祠常住碑記

邑令 高 璉

畧陽城西二里許南山之陽有神祠焉俗名土主山實忠  
順王祠遠眺形勝迴環坦夷如中阿然壬寅春初余挈紳  
士登臨焉徘徊四顧后枕危峯左環象山右抱鳳嶺前則  
寥天一望矚目千里洵爲天人勝地舊有利宇二級卑隘

局促前則萬舞台居之勢將傾圮叩及山僧虛無人焉詢  
及常住紳士爲予言曰茲寺由來已舊前明年間何氏開  
山建寺景氏施送常住今寺之前後左右悉是本山常住  
地土因世遠年湮盡爲何氏後裔霸據景氏子孫亦有隱  
佔之者所以到今有寺無僧也余曰斯言誠然乎哉僉曰  
然予遂有恢復常住之志苦無緒及閱月兩氏後裔景樹  
與何天貴互爭此地控於庭余曰此恢復常住者機也隨  
喚案研訊追其原據景樹執有明初印照并送常住地印  
契四至邊界註載分明何姓毫無柄據但執父輩私家分

關白紙再四追訊茫然不曉可知伊前輩侵隱常住歷年  
遠久無人訐告視爲己業分給兒孫其後人亦不知由來  
竟視爲己業堂訊屢次不易其詞其爲常住地土昭然矣  
隨卜日傳齊紳士鄉耆等待余同往踏驗照景姓原送印  
契所載四至各立清界石取具兩造遵結判給斷案泐石  
而忠順王祠於是乎復有常住矣夫有寺無僧則終無寺  
有僧無資則終無僧今以二三十年失迷之業一旦恢復  
毋亦忠順王之靈默驅而然耶况據社老云此地可播籽  
六七石則常住可謂不薄將來不患無傳僧維時衆紳士

急欲得善僧守之爰公舉本境西渠寺觀學余召驗之委  
有釋家子氣卽命之主此山隨以僧官職詳請大憲荷蒙  
允許給劄則有寺有僧佛燈自此常明更望當地紳士共  
相保護勿再爲地豪所侵則守茲山者衣鉢世傳直可以  
百世不易矣是爲記

靈巖寺記

邑高理

靈巖山名勝由來久矣辛丑夏六月余承乏於茲甫視事  
公冗蝟集治內名山佳水概未暇問迄少暇與邑紳士相  
晤偶詢及之僉稱巖寺爲最寺距城南七里居嘉陵江邊

懸巖空際綠樹週遮隱現若無天造勝境也勸余一遊余  
唯唯且以未暇謝之越明年夏初余攜鄉戚幕朋順風揚  
帆紆繞山麓循沙洲就隘道拊石扳登蜿蜒而上適抵山  
門少憩半响復摳衣前行羊腸鳥道一簾石壁昔人鐫刻  
墨跡差參纍落指不勝屈少頃又登頭極處石碕在焉碕  
之高不可以尋尺計闊則數畝深亦數十餘尋不可窺測  
洞分三台中則牟尼居之上則更有洞口如咽喉然杳冥  
無底遊人不敢窺但其天光透亮處則見有石龜石鼓石  
獅象石棋局石龍蛇虎豹千奇萬怪不可殫述此洞之中



固一絕也至下一台則光明闊大可容數百人中央處昔人鑿一方池就巖邊石縫際曲引仙液暗渡於池水極清澗而甘且並無別道洩水而汪汪淺深四序如常不盈不涸又一絕也洞口則憑空結石築一望江樓以供遊人眺覽之所臨下一望岌崩隤劣悚然神寒四圍則蒼顏古樹攢石盤結山琴野箏時聽鳥弄夔乎絕哉洞迤南相距數百步履雲棧經危巢別一石穴闊五六丈懸四五尋深亦無岸石榻上有臥佛像旁則供諸釋家子當中空處則天生石柱挺特獨撐上石鼎蓬幾有百萬鈞之勢歷來名以

玉柱余細按之果有玉狀是又一絕也至若兩洞四壁則自周秦漢唐以下名公巨卿題詠鐫刻者幾不畱餘石其中燦明者固多而朦糊不可讀者亦復不少悲夫皇古到今幾十傳矣名人迭起代相標題泐之於石以期永世詎意世遠年湮塵蝕風噓終不能以墨刻石書與造物爭不朽此又貞元運會衰旺有時天故欲使前人成舊以讓後人之標題山靈實不能以自主也然而石刻雖有廢興而茲山之靈奇自在鴻文鉅筆聽其品騭又奚必慷慨悲歌爲茲山一別其軒輊哉惟是後之視今亦猶今之視昔前

人題詠茲山生色矣近代以來韻事少疎毋亦茲山有時  
晦歟烏知名山不教俗人憐而遭際之奇有數存焉業已  
會逢其適則茲山之遭奇矣余不忍使前賢歌詠地音沈  
響寂也因一至再至備攬勝概而爲之記

重修社稷壇碑記

邑令高璉

國之有社稷壇崇祀典重民事也春祈秋報於是乎在典  
綦重焉謹按 例制其壇所當中必有方台週圍蔽以牆  
垣牆之正面建立柵門時爲封閉非祭不啟所以重其地  
也畧邑舊有社壇設於北原奈歷年久遠前後官斯地者

未及修理以致牆垣盡廢奠台亦傾落坍塌如平阜然壇  
內盡爲民間堆積穢糞之場幾不有此壇矣余莅任於茲  
目覩心惻不忍以典禮重地漸歸烏有爰捐貲修建方圍  
則捍以牆崇八尺牆下則磬以石其中央處則築以方台  
砌石面磚截然方正圍牆之西樹以柵門重以鎖鑰內外  
體制瞻如整齊典禮之場煥然復新尤虞典守無人易致  
踐踏當卽僉點看伺卽以壇外匝圍隙地給與佃種以資  
贍養而茲壇可以不弊矣方今 朝廷隆重祀典凡山川  
百神無不設立壇所歲以時祭况南北兩壇實相對待顧

星陽縣志卷之二 文廟  
可任其傾頽而不治歟今雖規制已成更望後之任斯土者但遇坍塌隨時遞修庶幾北壇終古如茲矣聊書其畧以紀其事時則乾隆五十年之仲冬月望日也

### 移建文廟碑記

邑令今陞直隸布政使 郭熊飛

大清道光七年嘉陵江溢毀城垣而文廟踞象山之麓亦毀焉蓋早頽也於是大吏請於朝移建城垣並移建文廟城移廟亦移也倡其議者漢中守滇南楊名颺董其事者畧陽令山左郭熊飛也經始於乙丑之冬落成於庚寅之夏一切殿廡台堦庭堂門戶按之舊制參之

闕里誌悉如典禮然余讀舊廟碑記不能無疑矣碑稱廟  
原建於鳳山之陽自勝朝正德年間爲水沖噬始移於舊  
城之象山余周覽近城地勢巉巖鉅壑無可建廟之地亦  
無所爲鳳山惟新城之北山蔚然鬱然父老僉稱爲鳳山  
矣果爾彼所謂爲水沖噬者又何以稱焉及新廟工動往  
往掘得柱礎敗瓦然後知舊碑所稱原建鳳山之陽非無  
據矣第被水沖噬一語是耶非耶抑傳聞之訛耶於是居  
其土者色然動矜相告也爲得地形也占瑞應也余曰不  
然畧陽自國朝以來登賢書者二捷南宮者僅一人然

而天經地紀未嘗缺也綱常倫理未稍紊也士重節氣人尚廉隅自若也斯卽甄陶於  
聖人之澤者至深也亦卽  
聖天子立廟學宮之本意也若夫詞章華藻彫蟲小技不過富貴利達之借徑耳烏足以語學哉是爲記

重建嘉陵書院碑記

邑令 賈芳林

有有用之學有無用之學學以聖人爲歸而其理散見於各經史周衰道微至聖出而刪詩書定禮樂翼周易作春秋以爲萬世法後人附樂於禮益之以周禮儀禮左氏公穀傳論語孟子孝經爾雅爲十三經學者因其言以求夫

道因夫道以制夫事二帝三王之學在於是二帝三王之治亦在於是而徵文考獻雖以至聖而無徵不能言禮則自秦漢以迄有明之典章文物與其所以興衰治亂舍史籍其孰從而稽哉辛卯冬余莅任斯邑聚諸生而課以文藝考其所以爲學者不禁廢然興嘆也國家以制藝取士科歲試先四書文次經藝鄉會試首場四書文次場經藝文三場策問四子書聖門傳授心法經則至聖所定策問則三代以下之典禮名物具載史籍又取諸書頒發學宮俾各士子肄習其如是而陶冶以造就之者蓋欲諸生潛



心聖學求諸達道爲通儒爲良吏也夫國家以此造士而士卽以此自勵其學問則學非無用之學也國家以此取士而士卽以此自課其治績則治非無本之治也學與治合而爲一而學術隆治術茂此我朝之造士取士所以衷諸至聖超乎前代而爲萬世不易之規也畧邑古多聞人竟百餘年尚無登賢書者以四子書課之而未嘗切究也以經藝課之而不盡誦讀也以策問試之而史籍未曾寓目也幸生盛世躬逢雅化造之於膠庠而不知所以造士者何爲取之於棘闈而不知所以取士者何用然則

畧邑之百餘年不發科者固屬自外生成而司牧者亦難辭其責也邑舊有嘉陵書院房間無多俱破爛不堪棲止且經費有限不敷山長脩金及各士子膏火之用因設法籌措建修房間增添經費四鄉並設義學均爲酌定功課條規鳩工於壬辰之夏落成於丙申之秋初襄事者貢生景萬廩生薛遇春始終其事者生員馬端也余孤陋未嘗學問所定書院義學功課亦惟是取國家所以造士取士者爲各士申明使各務爲有用之學不至以空疎無具者爲儒林羞也是爲記

重修武廟碑記

城固張其翮  
生員

畧陽舊治濱臨嘉陵江我 皇上御極之七年六月江  
水陡漲南城沖圯公署民房半就傾塌其祠廟之剝落者  
又比比也越明年改建新治鳳山之麓城小不及三里文  
武衙署而外祇建文廟馬神廟兩區餘仍其舊關帝廟供  
奉舊城北街改邑時雖少加修葺而規制未崇歲己亥舉  
行春祀遊府長白蘇君謀於邑侯南海譚君思所以式廓  
而鼎新之遂委其事於竹守府沈司廳兩君而一時之客  
商邑民亦莫不踴躍趨承鳩工庀材肇始於仲夏初吉不

數月而葳事噫何其神速而美善若斯也夫蘇譚二君矢一念之誠遂以拓宏規而邀神貺而竹沈二君竭數月之力並得展碩畫而奏膚功則諸君之大有造於畧邑爲之興大利除大弊事神治民奠安土宇者正自有在豈僅斯廟之焜耀一時已哉翮僑寓畧陽畧營于弟之翹秀者咸從吾遊目覩斯廟之神速而美善不可不有以識之其在闕宮之詩曰松栢有舄詠新廟也又曰路寢孔碩言廟之旣新也卽繼之曰奚斯所作則頌美乎作事謀始之賢也翮之爲是文其亦猶行古之道也夫

重修文昌廟碑記

邑令譚 瑀

易曰聖人以神道設教又曰王假有廟曰用大牲吉夫猶是教也以神道者何人莫不敬神畏神斯莫不服教率教也用大牲者何聚物也假於廟神斯享之矣易之時義大矣哉我 聖朝以武功定鼎卽以文治化民神道設教實寓於利用祭祀之中自王畿以遞省會郡邑莫不建立文廟武廟文昌廟春秋太牢之饗文廟而外惟武廟文昌廟有之典至鉅也考天官書斗魁戴匡六星曰文昌宮一曰上將二曰次將三曰貴相四曰司命五曰司中六曰司

祿又星經文昌六星其形如筐在北斗魁前天之六府也  
黃潤光明則吉是文昌星象燦陳於天上而精靈散布於  
人間世所傳化身錄大洞寶籙其麤迹也亦鄰於荒誕不  
經我畧文昌廟一區崇奉在高臺之上勝朝以來碑碣失  
傳不知幾歷年所其後一再修於邑令施有光苗臨灋二  
君風雨剝蝕亦旣漸形頽敝矣歲辛丑邑紳士匡維翰王  
一德等以重修請並慨然身任其勞予欣然曰先王以享  
於帝立廟是大易渙卦之義於棟梁柱石之廢壞者更之  
是革去故也於魁星閣桂香閣后殿鐘樓鼓樓官廳向所

無者增之是鼎取新也鳩工庀材不期月而歲事今而後  
孚乃利用禴可以占引吉於萃聚可以占元亨於允升矣  
夫推古人假廟用牲之意亦謂精氣爲物游魂爲變藉以  
展其通幽合漠之真誠後世惑於祈禳之術則謬矣推古  
人神道設教之意亦謂人謀鬼謀百姓與能藉以神其化  
民成俗之妙用後世溺於科名之說則陋矣首士王子一  
德張子卓蘇子聯桂等皆食餼英年有聲黌庠本其平日  
敬神服教之懷進求夫聖賢誠意正心修身齊家治國平  
天下之學以爲邑人倡將見士風日振文運日隆是則攝

官承乏者所昕夕頌禱者耳諸生勉乎哉予日望之矣

重修江神廟碑記

邑令譚瑀

邑境內嘉陵江其發源有三一自寶雞北大散關嘉峪谷名故道水西流歷鳳縣兩當至徽縣之魚關入境一自徽縣下店鎮合成縣之橫川栗亭諸水名濁水至大石碑入境合故道水爲白水江一自秦州嶓家山名西漢水經西和禮縣階州至大南峪入境又名犀牛江達兩河口合白水江爲嘉陵江唐明皇復辟思嘉陵山水之勝命畫士吳道元繪圖大同殿而嘉陵之名遂著是江也其通舟楫處



自白水江始其奔流澎湃則南達川湖吳越而入於海仕  
宦之梯航商賈之輻輳帆檣上下咸獲安恬胥於我江神  
是賴偉哉神功明德遠矣邑舊治南街有江神廟一區西  
蜀榜人之懋遷於畧者莫不昕夕敬禮特隆其號曰王爺  
廟歲己亥庚子間重加丹堊金碧輝煌工竣請序於予予  
惟老子之言曰海爲百谷之王故海神稱王南部新書所  
載天寶十年始封四海神爲王是也邑有江無海曷爲而  
以王稱攷之記三王之祭川也皆先河而後海畧雖無海  
然江水奔注迤邐而匯於海窮源竟委統於一尊禮亦宜

之茲廟之崇奉龍王以祈安瀾普慶也亦固其所

### 重修木瓜橋記

邑令譚瑀

縣治東五十二里爲木瓜嶺嶺之西麓居民迤邐結廬麥隴稻田高下鱗次中隔一河有橋存焉水暴發不常橋之廢興亦不一然是橋爲由階達蘭衝途不能聽其久廢也歲庚子七月靈雨連日河水陡漲橋受其害寸椽片瓦不存里胥奔告予怒然憂之當是時四鄉之田廬戶口報災者塗至沓投予方四出賑撫於橋工未暇顧也旣乃委其事於鄉約蔣成富並捐俸以爲好義者倡不半載而橋成

是役也計費工料制錢五千百有奇橋之東西廣六丈五尺袤八尺其下累石爲墩其上作捲蓬以蔽風雨厥功之成亦旣費且勞已竊惟古者山林川澤其名必有所取義吾畧物產不以木瓜著乃邑西九十里名木瓜園茲地亦以木瓜名其嶺而並名其橋則是曷故考毛詩傳疏木瓜美齊桓也齊桓能卹鄰詩人作木瓜以美之畧之人士其有望古遙集之思與今觀橋工之成素無銖黍經費以一鄉約而能身任勸捐集腋成裘費鉅而功速其亦無愧詩人木瓜之義矣後之覽者亦可以感發而興起矣

重修紫竹橋碑記

邑令譚瑀

縣東著名之橋有二一在木瓜嶺下一在何家巖街申相距僅八里許地當衝要行人無褻涉之憂功甚鉅也年來連毀於水何家巖之橋旣被水衝塌是年冬汛官陳寶珍適分防至此怒焉傷之爰與鄉約蔣成富武生李朝相耆民張廷相等謀爲重修計而質成於予予乃捐廉爲倡力贊其成是役也橋長二丈濶一丈四尺週建捲蓬鱗瓦覆其上兩旁增建舖房二間工堅而料實費鉅而役勞計開銷經費制錢三十五萬有奇均出自居民暨四方義士捐

輸之於繼曰今輿梁徒枉利有攸往一勞永逸不亦韙乎  
因憶辛丑秋木瓜嶺之橋蔣成富百計經營旋修旋廢竟  
不獲乞靈於河伯今觀斯橋之落成不能不重有望於木  
瓜橋之再修矣舊無橋名以橋在紫竹嶺下名曰紫竹橋  
亦猶木瓜橋之以木瓜嶺而定名也且紫竹嶺上供有觀  
世音大士廟卽以是作寶筏慈航指迷津而登覺岸也亦  
無不可

翠峯亭辨

邑令譚 瑀

翠峯亭按范式亭邑志載天寶興州刺史房武作翠峯亭

記宋嘉祐武興太守王震建翠峯亭豈有宋人建亭而唐人作記者乎嚴太守郡志載在高臺無從考證滕太守郡志不詳覈原委將房記王銘混作一篇擬其目曰翠峯亭記未免失實且記內蹈舞訛作鷺舞叨忝專城訛作叨署萬民同諸英哲得盡歡遊訛作同諸英鎮盡日歡遊舛錯尤多至若訛房渙爲房武尤屬可笑房武爲房瑄從兄弟德宗時官興元少尹天寶間無其人況今碑刻具在房渙之名不可誣也瑀因續修邑乘參考諸書暇又親詣茲地得讀房記王銘迺知房守當年宴集於此勒石以識一時

之勝遊其後有宋王守因而作亭以追美前賢之盛軌觀  
房記無翠峯亭三字王銘直云構新亭迓佳賓曰翠峯景  
實真則是亭創於宋唐無其名唐房守之記是記遊非記  
翠峯亭嗜古之士或不以余言為河漢

東西漢水考

邑人紫  
陽訓導淡金籬

按禹貢嶓冢導漾東流為漢水經云漾出隴西氏道縣嶓  
冢山今氏道廢  
縣無可考東至武都沮縣為漢而班志則云武都道  
東漢水受氏道水一名沔今考氏道水即漾水也東漢水  
即沮水也二水合乃有沔之名矣班志又云過江夏謂之

夏水入江而水經云夏水東至江夏雲杜縣入於沔明二水至江夏合爲一故沔水又蒙夏水之稱矣又劉澄之云夏水古文以爲滄浪水與禹貢又東爲滄浪之水亦合亦沮水卽東漢水一證也故漢志言沮水過郡五行四千里至江夏入江今以水經所過州郡考之五郡爲武都漢中南陽南郡江夏是也今湖北之漢陽府在漢時爲江夏郡故府北之漢口卽漢水入江之處因以爲名焉至於吾畧之嘉陵江卽古之西漢水也考徽縣之西南有濁水入畧陽縣界爲白水江鳳縣之故道水南逕兩當縣又西南逕



徽縣南與白水江合卽爲嘉陵江而西漢水之源實發於秦州之西南嶓冢山流逕鞏昌府西和縣至禮縣南又南逕階州之成縣東逕徽縣入畧陽界與嘉陵江合故班固云西漢水南入廣漢白水東南至江州入江過郡四行二千七百六十里合渠江涪江經重慶府城東入大江自合涪江以下俗統名涪江亦曰內江按班固言西漢水南入廣漢白水漢時廣漢郡卽今之寧羌州也白水乃階州文縣之白水自徽外流入又東南流入四川保寧府之昭化縣注西漢水是也但人知嶓冢導漾爲東漢水之源而不

知西漢水亦發源於嶓冢山知白水江以下爲嘉陵江而不知嘉陵江實爲西漢水也因錄之以備擇焉

樂素河辨

淡金籟

距畧邑之南六十餘里有樂素河者發源階地由縣壩入畧邑西南界東流一百六十餘里注嘉陵江而同入於蜀者也昔之人相土命名因俗誌美觀山清水秀之概察和樂樸素之風爰名之樂素河載在縣誌班班可考凡以表一時仁厚之俗定千載地里之名俾後之居是土者顧名而思義也嘻古人獎勵風俗昭示來許之心卽此可見矣

孰意世遠年湮人往風微去雅蹈俗棄美就惡竟至書寫  
傳呼一則曰落索再則曰落索村市鄉城衆口一辭無論  
婦人孺子之無識田夫野老所未察卽公庭頌文出示寫  
地名亦無不如此云云者噫以訛傳訛所謂差之毫釐失  
之千里者也但舛謬之弊亦不自今日始也考吾里中老  
官廟有神鐘一口乃大明萬厯年間古蹟也迄於今廟宇  
雖然傾圮而鐘猶存焉鐘上字跡柰已鑄成落索河矣父  
老相傳二百四十餘年誰則知樂素河之爲古乎誰復嘆  
落索河之爲誤乎則人物之凋殘與風俗之鄙俚可勝慨

哉吾想錯訛之由緣樂與落文雖殊而音則同也素與索字相近而聲相似也渾而言之若無可異晰而論之實有可駭其可駭何也蓋零落之謂落隕墜亦曰落蕭索之謂索貪婪亦曰索以和樂之樂變而爲零落之落以樸素之素變而爲蕭索之索何其紕繆若是也且漢南之城固舊號樂城改曰落城可乎鎬京之霸河賦稱素滄改曰索滄可乎吾知其不可也必矣試問吾鄉凡居士者果願快樂乎抑或願零落乎果願樸素乎抑或願蕭索乎大抵人雖至愚亦必喜快樂而厭落索也雖甚不肖必不惡快樂而

好落索也此理甚明人所易曉何竟迷而不返乎夫窮鄉僻壤之區非若通都康莊之地不見經傳不入輿圖固無所考其他說之得失可得而例矣如抱朴子所言魯魚帝虎之謬未之深信今以此事推之豈其然乎况三豕渡河倘非子夏正其失又孰從而知其爲己亥乎噫吾因之有感矣昔宋武帝問於范柏年曰卿鄉有貪泉否對曰臣鄉廉有廉泉讓有讓水文有文川武有武鄉無所謂貪也帝曰卿居何所對曰臣居在廉讓之間由此觀之則地名之美惡人情之好惡不誠彰明較著哉我用是不辭固陋伸

其鄙見爲之指其訛舛正其得失庶使居是鄉者顧名思義不致等於互鄉之難與言也則幸甚

寒蓬山記

淡金籟

寒蓬積雪乃畧邑八景中之一也嘉慶十七年歲壬申鄉人築學舍於此山之麓延予訓蒙二年於山之高下大小溝渠水道備知其詳每於三四月間土人入山採筍多遊此山或宿於山中次日方還備言山腰一泉清涼潔淨飲之甚甘無意中輒見之若有意求之竟杳然矣自山根至嶺大約三十餘里巔有三峯如石鼎之狀其中凹下坦平

之處卽寒蓬廟也代遠年湮廟宇塌毀而瓦石基址尚存焉山在縣西南隅距城九十里山嶺四望能盡數百里之地俯視文筆獅象諸山班班羅列如在眼底遇震電大作四面之地凭胸而起仰觀則陽烏赫奕俯視則陰霧晦闇頃刻之間炎涼異態明晦殊色雖不若終南積雪爲錦京之勝境而材木禽獸取之不盡用之不竭亦僻壤中之巨觀也山有四水其發源於正東者爲青白石水自山流九十餘里注嘉陵江其中人烟繁衍溉田百餘頃水磨百餘處發源於正西者爲平溝自山流三十餘里至楊家嶺注

樂素河其中山勢開展田園豐足故號平溝焉其在正南者爲寒蓬溝自山流三十餘里注樂素河在東南者爲瓦舍溝自山流四十餘里注樂素河兩溝之地多產楮材故其民三時務農而冬則造紙爲業焉聞諸父老曾言乾隆間此山林木茂盛虎豹麋鹿絡繹不絕惜乎土人喜招客民開墾取材以迄於今非復牛山之美矣



長門縣志

卷之二

--	--	--	--	--

蜀道難

唐李白

噫吁嚱危乎高哉蜀道之難難於上青天蠶叢及魚鳧開  
國何茫然爾來四萬八千歲不與秦塞通人烟西當太白  
有鳥道可以橫絕峨眉巔地崩山摧壯士死然後天梯石  
棧方鈎連上有六龍迴日之高標下有衝波逆折之迴川  
黃鶴之飛不得過猿猱欲度愁攀緣青泥何盤盤百步九  
折縈巖巒捫參厯井仰脅息以手撫膺坐長嘆問君西遊  
何時還畏途巖巖不可攀但見悲鳥號古木雄飛雌從繞  
林間又聞子規啼夜月愁空山蜀道之難難於上青天使

人聽此雕朱顏連峯去天不盈尺枯松倒挂倚絕壁飛湍  
瀑流爭喧虺砮崖轉石萬壑雷其嶮也若此嗟爾遠道之  
人胡爲乎來哉劍閣崢嶸而崔嵬一夫當關萬夫莫開所  
守或非親化爲狼與豺朝避猛虎夕避長蛇磨牙吮血殺  
人如麻錦城雖云樂不如早還家蜀道之難難於上青天  
側身西望長咨嗟

飛仙閣

杜甫

土門山行窄微徑緣秋豪棧雲欄干峻梯石結構牢萬壑  
欹疎林積陰帶奔濤寒日外澹泊長風中怒號歇鞍在地

底始覺所歷高往來雜坐臥人馬同疲勞浮生有定分飢飽豈可逃嘆息謂妻子我何隨汝曹

聽嘉陵江水

杜甫

鑿崖泄奔湍稱古神禹跡夜喧山門店獨宿不安席水性白云靜石中本無聲如何兩相激雲轉空山驚

仇池

杜甫

萬古仇池穴潛通小有天神魚人不見福地語真傳近接西南境常懷十九泉何時一茅屋送老白雲邊

題嘉陵驛

武元衡

寒陽集卷之四  
悠悠風旆繞山川山驛空蒙雨似煙路半嘉陵頭已白蜀  
門西上更青天

興州江館

李商隱

向蜀還秦計未成寒蛩一夜透窗鳴愁眠不穩孤燈盡坐  
聽嘉陵江水聲

詠嘉陵江

薛逢

借問嘉陵江水湄百川東去爾西之但教清淺源流在一  
路朝宗會有期

靈巖述舊

歐陽詹

不到靈巖又二年重來風景尚依然層巒迴出晴霄外倦  
鳥歸飛夕照邊坐愛雲林泉石好行尋煖谷野橋連同遊  
不覺天將晚暫借僧房一榻眠

遊靈巖

張俞

玉文山後靈巖寺四百年來選佛場滿地白雲關不住石  
泉流出落花香

過青泥嶺

宋余靖

老杜休誇蜀道難我聞天險不同山青泥嶺上青雲路二  
十年來七往還

仇池石

蘇軾

海石來珠宮秀色如蛾綠坡陀尺寸間宛轉陵巒足連娟  
二華頂空洞三茅腹初疑仇池化又恐瀛洲蹙慙慙嶠南  
使餽餉揚州牧得之喜無寐與汝交不瀆盛以高麗盆藉  
以文登玉幽光先五夜冷氣壓三伏老人生如寄茆舍久  
未卜一夫幸可致千里常相逐風流貴公子竄謫武當谷  
見山應已厭何事奪所欲欲畱嗟趙弱寧許負秦曲傳觀  
甚勿許間道歸更速

遊靈巖

鮮于侁

千峯環郡宇二水遶城堞每憐山水佳况復開巖穴川流  
數里近放棹攀截竄靈巖駭神化環陰數畝闊何人營佛  
祠棟宇殆天設前軒瞰溪山眺聽心耳豁徑穿巨水下碧  
玉聳高節涓流瀉石硤玉乳甘且潔其東乃小巖洞戶敞  
深徹嵌巖見石柱任重立精鐵昔人遇真仙相攜觀金闕  
川平聽雞犬始覺人世別屈曲沿清溪桃花正開發塵緣  
念鄉縣歸思若弦涉寤寐瞬息間巖扉已巖鐫時遷等陵  
谷事勝存圖牒獨有蒼江流青霄鑒明月予來秋之季氣  
象頗淒切草木自變衰山花常復活青暉沃賞適異境差



皇朝詩集卷之六  
多  
勝絕薄暮上歸艤依然望林越

前題

鮮于侁

古寺山炯遠躋攀一徑斜洞深畱碧靄溪急蕩晴沙殿接  
崑松影堂鄰野客家謁僧詢世事無語指燈花

前題

文紳儀

一入靈巖寺凭欄望眼遙山深雲障日江闊夜生潮古洞  
遺仙跡流泉傍石橋醉來搔首詠得句興偏饒

前題

張昌祖

深壑敞禪扉獨魁天下奇烟雲藏不盡花木秀無時誰謂

神仙去我疑蛟壘移沉吟玷佳景有句不成詩

前題

富言

聞說靈巖境最幽乘閒艤棹共追遊飛泉翠滴半空雨古  
樹陰連萬壑秋縹緲香烟籠梵榻嗟峨山勢枕江流登臨  
眺望關河遠惹起思鄉戀國愁

前題

靈巖偶得片時畱傾倒清罇興未休香積尋常分藥水禪  
林自昔枕江流羊腸盤轉層崖蔭山腹空懸古洞幽談笑  
相逢情更厚何當攜手約重遊

題藥水洞

吳玠

洞踞山嶺下漏泉老龍酣睡幾千年誰將石柱敲崑喚我  
是人間一散仙

南沮水道中

陸游

磴舍臨湍瀨曾船聚小潭山形寒漸瘦雪意暮方酣久客  
情懷惡頻來道路諳空山家悵望無夢到江南

遊靈巖

劉異

藥水標題不記年奇花深洞舊通僊山迴巨蔭常遮日境  
絕纖埃別是天碧照東西江浩渺綠迷高下竹嬋娟凭欄

周覽翛然靜金像香殘一炷煙

靈巖寺

伍福

駐節來尋郿閣銘捫蘿歷磴扣禪扃萬年古洞神蹤異一  
脈寒泉藥水靈性石亂垂龍爪黑奇峯秀矗佛頭青滿天  
涼籟塵心滌蕩漾歸舟日照汀

同友遊靈巖

周夢暘

巖開幽洞自何年獨倚江頭清可憐一水遠聯秦蜀路兩  
峯高峙井參邊穴中不見通仙路壁上空存覽勝篇酒興  
有餘聊更酌與君同醉芰荷花

嘉陵風景

劉瓚

翠壁嵐光雨後鮮  
嵯峨如畫碧連天  
漁翁坐釣江邊月  
販客舟浮水上仙  
官味一廉羹石芥  
民生三飯種山田  
雨暘時若天邊惠  
願聽人歌大有年

仇池

魯百能

山占仇池地  
江分白馬氏  
潭深龍自蟄  
亭迴鳳曾棲

仇池山

任彥棻

成邑西山最高者  
疑是周詩至芄野  
上有仇池百頃田  
白馬氏羌住其下  
斗絕四面不可陟  
飛龍峽水汨汨瀉  
羊腸

盤道苦難攀三十六迴遠石灣復有豐泉能廣利煮土成  
鹽濟民艱嗟彼山城真蕞爾乃有名山勢剡崦憶昔少陵  
曾品題洞天福地羨厥美我逐王事偶相過擾擾長途苦  
蹉跎倦遊不盡登臨意驅馬行行柰若何

孤貞歌

爲褒城馬天然妻作

明  
白桂

余節婦馬家母年方二十良人故一朝同死諒不難旬月  
孤兒仗誰撫門衰祚弱心皇皇孤兒日長性醇良教書和  
淚手新寫正字從頭心不忘子在膝邊夫在地千鈞一髮  
懸宗祀萬口誰能移所天三從自許成今志暮景侵尋鬢

已皤孤兒食祿將登科馬家舊住連城下高名直與同嗟  
峨子生未識嚴君面母教至今猶不倦百年肯負泉下人  
寸念長於手中線卓琴蔡笳何足數孟母共姜堪並賢孤  
兒今日廩祿養少酬節母素心堅

遊靈巖

白桂

一佛臥空天三椽佛殿前陵江浮北斗藥水引長年曲徑  
花容笑叢林鳥語喧蓬萊何處是身世倚雲天

按臨畧陽覩畧民艱苦作

王文翰

縣外高山四面圍嵐光蔚蔚掩朝暉白龍夜渡江城沒紫

燕春來社主非沙井淘金民愈困磽田漬水稻難肥道旁  
多少呼爺者都告蠲租復業歸

節義祠弔孫璽

陳昌言

祠因赤子圖形立碑爲忠臣授命開感勤客臨秦水哭顛  
危人抱蜀山哀

前題步韻

李遇春

平生氣節當年立萬代綱常自此開長江怒浪爲君恨枯  
木寒鴉總是哀

畧陽道中

四首

劉崙



桂棹衝開濤浪馬蹄踏碎煙雲綠水青山常見金壇玉洞  
空聞

白水遠來天際青峯半插雲中一曲山歌樵子半蓑煙雨  
漁翁

淡淡濃濃遠樹重重疊疊高山塞外征人未返天邊倦鳥  
飛還

石磴高低道路茅菴遠近人家山靜時聞啼鳥江空喜見  
梅花

遊靈巖

錢泮

絕巘開先府森寒夏日浮雲扶將墮石罅引欲奔流吞吐  
烟霞潤賡歌花鳥稠爲淹驄馬客落日未迴舟

前題

李仰

仄徑捫蘿上盤迴鳥道過諸天青幃合旭日紫雲多天柱  
撐雲漢風泉映翠莎探奇邀地主前路擁笙歌

前題

甘茹

虬盤江路劇諸天鴿繞崖扉解四禪大士未應披露坐浮  
生安得掃雲眠松花亂落陰晴雨石乳分流上下泉遊屐  
漫勞孫綽賦塵纓先託許詢緣

觀吳公璘玠保蜀城

劉璜

節鉞曾標保蜀功故城荒壘草濛濛英雄萬古勲尤烈興  
廢今朝事已終落葉亂流秋雨後斷碑常臥夕陽中阿孫  
不識經常節忍使孤忠掃地空

過吳公璘玠保蜀故址

宋山濤

寨勢凌雲起吳王有故宮蜀關曾設險宋壘不爲空  
願鼎銘高伐麒麟臥晚風嘉陵江上水百折必流東

嘉陵秋漲

本朝諸保有進士

何處聞風雨江流觸石聲終當到東海鯨背看潮生

蔡中郎郝閣銘碑

邑侯

施有光

江南貢生

君不見雲書鳥篆恣奇文岫嶠石鼓源流分後漢伯英變  
 今法亞聖草賢接踵聞桓靈之世劉君嗣行書創起推獨  
 異此時更有絕倫人入妙超神非一致曠世逸才屬中郎  
 直言蜺墮至今香餘情潑墨龍蛇走郝閣銘碑尤非常試  
 問碑名何自始郝閣建由良牧李飛檐懸拱利徒行見者  
 神揚爰作紀高閣銘碑稱二絕滄桑兵燹及磨滅至物還  
 應歸玉樓閣久傾圮碑盡缺真蹟久無一字今所傳者臨摹副本耳昔曾登  
 代陟巔危欲補秦皇無字碑又曾南探金庭遊雁蕩芝函

玉册香難狀由來奇字不肯落人間  
蘇碑斷碣石皆頑欲知世上驚人筆  
多在寰中未見山

節婦行

施有光

吁嗟貞乎悲哉后羿不難射飛日  
女媧不難補天術人生惟此節難完  
况是蘭閨粉黛質畧邑王家婦賊至  
夫驚走冰雪作心肝剖看借賊手嗚  
呼此婦俠烈天下奇絕纓蹈海孰過  
之芳名猶自沈閭井馳路輶軒空爾  
爲更傳梁家羅氏姝採桑織綺閨中  
趨合懽錦帶爲君繫纒道羅敷自有  
夫翕歛云亡輕棄妾淚溼珊瑚紅透  
血上念雙親下念

孤手縮長綃因暫輟豈知妾命不相假  
白繼損兒又罷  
含情絕食別人間今日與君從地下嗟  
茲有王復有羅向  
來貞節何其多芙蓉秀露彩雲散  
令人長恨與悲歌近又  
四媛相繼起前爲潘王後張李  
投崖陳氏女重生斷臂王  
凝妻不死嗚呼生守死殉俱勿哀  
玉女乘鸞下九垓矧汝  
珮環列仙籍碧琅之館紫瓊臺  
自此採風獻帝王鳳啣褒  
旨日邊來

弔節義孫光祿

施有光

蘇封殘碣表英雄百戰孤城未許同  
氣擁金戈揮落日魂

依鐵甲逐秋風青燐尚映寒煙白碧血常凝霜樹紅此日  
墉嘉賴是椒漿誰復祀遺忠

白水江泛舟

郝守業

浮雲飄我至白水意悠悠繫纜一高歌山樞亦點頭

飛仙嶺

李念茲

危棧轉山腹飛閣被崇巒旭日斜高照簷楹沃且丹微徑  
循石脊曲折如蟲緣我行隨他人不得窮躋攀憶昔出函  
谷方春捫嶽蓮繫屐玉女峯酌酒天池邊西顧雪嶺白東  
望滄溟寬萬里在胸臆夜宿青雲端胡爲年齒暮返遭俗

累牽妻子亦何人驅我數往還誓歸斲黃精一食生羽翰

再遊靈巖

邑侯

范

昉

江南監生

靈巖多幽勝一上一回新危石欹斜逕枯枝阨要津漁歌起地輔樵唱出雲岑日落空山靜香風清道心

嘉陵晚渡

范昉

一片孤城罩暮烟嘉陵江畔喚江船亂流不藉輕帆送逆浪還須翠纜撻源發仇池思探穴路通吳會唱歸田從來逝者皆如此岸草汀花空自然

撫綏至娘娘壩感懷

時甫旱得雨

漢中郡守

嚴如煜

湖南優貢



幾人結體有完襟  
愁對饑黎哭絕岑  
得歲自關良吏治  
銷災莫負聖君心  
溫生寒谷晴迎日  
枯起神龍旱作霖  
我與諸公共民命  
漫郎不是故呻吟

棧壩金池院

巖如煜

懸梯飛瀑互紛迴  
一望平林古廟開  
土鬱明金生石繡  
洞然陰火落松煤  
春深山鬼披蘿八  
冬後林猿避燒來  
夜靜神靈下人世  
祇畱旌節駐崔嵬

樂園太守入老林  
撫綏至黑河  
娘娘壩喜雨有作依

韻和之

鄭炳然

匝月馳驅未解襟災黎尤念此山岑  
君恩不惜千倉粟  
民命都歸一寸心寒谷花開春有脚  
芳田麥秀汝爲霖  
泠泠鐘磬金池院遙和春陵五字吟

嘉陵渡口卽景

邑令周書河南舉人

江干春旖旎晴快偶經過楊柳依山盡  
夭桃夾岸多酒帘  
分野色花擔出巖阿應有高人躅埋名  
隱薜蘿

木瓜園道上

周書

漏下猶穿峽人披谷口風路分明火外  
星亂急流中鄉子  
爲前導輿夫嘆力窮到來山寺宿枕上  
五更鐘

赴何家崖

周書

凍色空明遙望間  
輕輿長絳去灣環  
江橫謝朓詩中練  
雪壓南宮畫裏山  
鍛鍊欲同梅格瘦  
風流不礙鬢毛斑  
角巾驢背傳佳話  
野店春槽一破顏

春日偕諸友遊郭外

周書

三月八日天氣新  
嘉陵渡口多遊人  
一江流水繞寒碧  
半山厯亂花無垠  
花開花落只朝暮  
韶光瞥眼春風去  
時當上巳雨初晴  
那堪閒煞褰腰路  
輕衫軟履渡橫橋  
行行且止來山腰  
三家兩家自籬落  
十步五步桃花半天

作霞赤沈渡旖旎迎朝日尋芳溪女江上來嬌艷妬殺紅  
裙色延緣曲折繞南邨橫山佳氣殊堪捫攝衣攘臂欲一  
上雙脚直如生盤根十齡童孫逞捷步歡呼跳擲如猓猿  
吁嗟少年不可得空負雄心遊八極憶從早歲上書來未  
獲大展凌霄翼偃蹇於今二十年一枝差擬枋榆息幸與  
諸君合契誼同遊共飽春風德春風之德德何如林中有  
鳥勸提壺莫負韶光三月初

九日赴金池院道上

周書

深山連日雨長坂被清霜溪樹凋寒翠巖花落晚香雲遲

身臨身示  
夕  
三  
鴉背冷風急馬蹄忙觸忤閒愁起何堪此夜長

晉郡值微雨道上感懷

周書

興元驛路雨瀟瀟峽口青泥滑似膏鳥道煙昏春樹暗馬  
蹄風入亂雲高窮邊吏拙心俱瘁孤館衾寒夢亦勞花柳  
年來成舊識清狂蹤跡遍江皋

老林搜捕道上

周書

邊警輕裝入老林亂山稠疊白雲深凌晨露氣侵征轡破  
曉霜華上短襟黃葉西風沈古戍蒼藤寒雨結秋陰年來  
投筆封侯志一半消磨到苦吟

冬日赴樂素河舟中

周書

寒江潮落去帆遲  
伴我吟懷酒一卮  
兩岸晚風紅靺鞨  
半篙秋水碧琉璃  
牛羊羣下長林坂  
雞犬聲聞短竹籬  
俗吏差同仙吏隱  
五湖何事問鴟夷

遊白水江

周書

此地吾封內三年始一遊  
派分西漢水源發古秦州絡繹  
征帆聚朝昏負販稠  
要知通蜀隴沔漾不同流

再過樂素河贈淡生

邑侯王森文  
山東進士

浩落除溪水

水經注樂素河為除溪

棲遲樂素人

經畬著有樂素河考門添新

弟子身足舊衣襟雪墮半山雨梅開孤寺春此中得幽興  
吟眺不嫌頻

讀白水路記

高應夔

開路磨碑紀至和於今險易較如何水來隴坂尋常見峯  
比巫山十二多一線天光依峽落懸崖鳥道側身過蜀門  
秦塞元辛苦何故行人日似梭

靈巖晚照

嘉陵八景錄二

拔貢

李

甫

邑人

應是神工鬼斧鑿劈開仙境有靈巖凌晨未被朝陽鑿亭  
午纔經夕照函翻影射空穿徑竇賸暉鋪地寫松杉流連

暮景難歸去人笑看山眼太饑

白巖樵唱

李 甫

代木丁丁集野樵白巖巖畔發歌謠行過峽口頻徒倚韻  
聽江心豈寂寥牧不遇仙柯未爛地宜招隱藥多苗披榛  
收艾誰傾耳自古高人遠市朝

勘災將次魚洞子肩輿倒踣易騎前行

邑侯

譚

瑪南海舉人

危磴時一傾下墜三四丈失足非偶然冥心滅遐想是時  
淫潦添泥濘不容掌災黎形似鳩燒田曠無穰造物豈不



仁荒政急宜講顛濟殊降殃安知非垂象疲恭彼輿夫兀

自矜崛強須與來馬生書院齋長馬端家魚洞子前來問訊提壺道旁饒慰

藉慚爾情奔馳壯吾往雖然傷剝膚猶幸保強項力疾策

青騾一鞭出林莽

暮宿五郎坪河漲不得前往

譚瑀

駐馬五郎坪山腰日下稷榻傾扉作牀潦退路成洫戒塗

趨詰朝開戶諗晴色里正前致詞長官去休亟馮夷宵沸

波勿使蛟龍得

過翠峯亭故址三首

譚瑀

淼淼澄灣浪不腥風流太守醉眸醒豈知三百年光駛能

使仙曹構翠亭

唐天寶八年太守房渙宴遊作記計至宋嘉祐壬寅太原王叔仁築亭時相距三百

一十七年

翠峯亭子插雲根鐵筆摩崖記太原今日更無烟檻在舊

銘薛蝕手空捫

捫薛銀鈎字認房好教渙武細參詳殊碑幸有山靈護畱

得題名字數行

清明日黎竹軒諸公冒雨遊靈巖寺余以事不克赴

會白譜笙出其次王采臣前遊元韻見示賦此奉

答

譚瑀

濃壓頽雲淡抹烟涓涓藥水認丁年偏逢風雨過寒食爲  
訪招提特放船佳節鄉心增感喟懽蹤禪悅輒流連憑君  
寄語長眠佛香積還須訂後緣

疊前韻呈竹軒譜笙先生

譚瑀

雨雨風風又禁烟異鄉寒食過年年一官殢我支籐杖兩  
槩看君盪桂船地僻有巖容佛臥峯高無路仗雲連吟成  
不敢摩崖寫怕惹紗籠結衲緣

靈巖寺次鮮于子駿韻

譚瑀

不待山鳥招飄然謝樓堞一笑登扁舟片刻窺靈穴地僻  
絕垢塵心安忘崩業疇云江水險但覺人天闊巨岩嵌半  
空鴿座瓊瓏設俯視一鑑開盪胸萬象豁游鱗過徑尺吹  
沫如按節斯寺千百年不聞肉身潔菩提本無樹意者性  
未徹我生五十秋根鈍過頑鐵偶窺明鏡臺那識圓與闕  
宦海一下墮仙都萬古別今來閱半日妙境觸七發沿巖  
折向南危橋付冥涉石洞又重開仙扉未下鐫真人天際  
翔招要無煩牒晨過乘長風夕返趁明月歸棹快連檣笛  
聲何清切安得吳道元貌我圖中活六載三度過茲遊較

超絕作詩紀勝遊遠寄吾甌越

出郭門次高芝田送行韻畱別邑人士二首

譚 瑀

非因辭魯故遲遲  
慙對旄倪擁去旗  
塞馬幾曾關得失  
黎裘難免怨流離  
棧雲歷亂飛相送  
漢水轟騰怒曷爲  
宦海升沈參已透  
從禽肯就嬖奚馳

小草出山悔已遲  
量移偏又建行旗  
似拋桑梓難教別  
縱繫驪駒也是離  
身後桐鄉誰肯信  
眼前祖帳衆紛爲  
垣侯權相勲名在  
矚望勲拳並駕馳

陪婁少府遊靈巖寺時同遊者黎孝廉竹軒蘇遊府

蘭園譚明府石甫

訓導

王

案

隴西拔貢

巉巉石洞鎖晴煙上有仙蹤不記年官冷聊尋調鶴客江  
清恰放捕魚船懸崖樵唱山風起藥院花深古木連笑語  
埋輪婁少府暫舒塵鞅亦前緣

遊靈巖寺次王采臣韻二首

黎成德

閩中舉人

城村比戶靄人煙  
埜潤風清大有年  
課暇同為蘇子客

采臣

兼設帳縣署余主邑書院講是日值蘭園生日故石甫邀集遊讌

公餘時蕩米家船沿江

點綴山花淡傍岸  
崢嶸削壁連勝地  
重遊聊爾爾不知何

處結仙緣

丹成仙土靜鑪煙  
柏翠松青鶴語年  
泉引崖腰如帶玉  
人空渡口自橫船  
道房宴坐雲霞近  
夕日歸途彩仗連  
愧我名心仍未了  
依然結習讀書緣

辛丑清明日冒雨重遊靈巖寺次王采臣韻

許良詠

脚踏破五湖煙  
寒食嘉陵又一年  
火爇老槐宜煮酒  
江添新漲共登船  
兩岸溼翠凭檣見  
萬疊驚濤拍座連  
細雨斜風歸緩緩  
好憑彌勒結詩緣

前題 例用前韻

許良詠

箇中誰得碧紗緣古碣如雲斷復連絕代文章畱鄙閣諸  
天梵唄到江船絳桃花燦剛含雨香積廚空恰禁煙老佛  
點頭應識我靈山小會記年年

予自丁酉至今  
春已三遊此地

前題

張其藻

層巒疊嶂靄新煙勝蹟重探又一年風雨不渝僧有約江  
山如畫客乘船水嘗藥寺澆塵俗人坐禪林結靜緣攬取  
春光凌絕頂溼嵐低壓帽簷連

辛丑清明日冒雨遊靈巖寺步王采臣同年前遊元



韻

固原白啟華  
譜笙

嘉陵處處見新煙客裏清明忽五年爲訪靈巖同蠟屐先  
憑順水坐春船流泉曲折方塘注古碣縱橫峭壁連今日  
如來應笑我漫天風雨也隨緣

兩讀石甫先生作仍疊前韻

是誰濃抹一江煙畫讀吳生憶昔年恰值良辰還遇雨何  
妨攬勝共乘船依崖檻繞幽蹊曲傍樹花飛翠嶂連幾輩  
修成羅漢果與君談笑結詩緣

讀黎竹軒白譜笙諸先生靈巖寺題壁詩因和其韻

二首

南海譚芳可琴

讀去琳瑯句欲仙靈巖唱和想當年何須梵宇探真蹟要  
附吟壇結後緣疊壑胸中原有象落花水面亦成篇臥遊  
試倣前賢例一樣林泉到枕邊

天涯作客未經年耳熟靈巖景色鮮不到其中真缺憾况  
披佳詠盡纏綿多君咳唾生珠玉勝會篇章播管絃他日  
若登歡喜地筆尖橫掃翠微巔

清明日重遊靈巖寺二首

南海譚沅芷生

小別靈巖又一年踏青重到翠微巔天教風雨過寒食人

愛溪山放畫船藥水依然波激灩花欄無恙錦新鮮百篇

鬥捷芳辰酒似我才疎笑噪蟬

嘉陵小佳閱三年此地曾經兩繫船憶昔鴈行欣比翼己亥

秋七月偕韻泉玉如珠浦諸弟遊此於今鴛侶幸隨肩良時豈合容棲谷佳

節况逢過禁煙願借菩提超渡筏霓裳同聽大羅天予丁酉庚

子兩應京兆試備中而未得售是日同遊有黎竹軒白譜笙王采臣故後二語道及

恭送譚石甫堂臺調任吳堡 州同署 縣丞 高世瑄 安徽 貴池

曾悔荊州拜已遲那堪匆促送旌旗兩年樾陰忘畦畛一

旦喬遷感別離轉念卿雲能遠照惟慚小草竟無為知公

心與冰壺似耐得風霜萬里馳

次韻送譚父臺調任吳堡

四首錄一

邑貢生

蘇煥斗

年七十歲

癡情欲繫馬蹄遲無奈人爭逐彩旗子弟聰明多啟牖蒼  
黎樂利免流離來會惜暮誰能捨至不非公我勉為有脚  
陽春行自遠長亭翹首寸心馳

前題

二首錄一

邑歲貢生

辛啟文

年七十歲

每荷恩勤恨遇遲忍教雷電促星旗一輪月映方澄澈六  
出花飛悵別離老腐無材蒙不棄陽春有脚去奚為攀轅  
臥轍憑兒輩莫遂執鞭任馬馳

次韻送譚父師調任吳堡

四首錄一

邑貢生

王一德

吉人

苗藿難維馬足遲駸駸誰促擁旌旗不因五斗腰輕折惟  
有一琴身未離殺嗣聽人恩亦怨卷舒由我守兼為辦香  
祝向南豐久酌水津亭頌思馳

前題

四首錄一

邑廩膳生張

卓

立山

花種河陽不厭遲菲芳爭暖艷春旗由庚已暢覘風化呼  
癸無聞免黍離月斧屢修曾我助奎宮高建藉公為福星  
此去應回照借寇無緣神亂馳

前題

四首錄一

邑廩生

蘇聯桂

捷三

無力移家去遂遲經營資斧殫旌旗情懷凜雪承親炙氣  
候凝冰慘遠離父又兼師欣愛戴寬能濟猛見猷爲耒陽  
固是難容驥報最爭看奉 詔馳

前題 二首錄一

邑廩 張 犖 午橋 生

長恨樛材隸宇遲那堪祖餞挽旌旗文章欽有經綸蘊鸞  
鳳拚將枳棘離赤臆七年覘教化清風兩袖表施爲無窮  
孺慕焉能寫一曲驪歌助載馳

前題 二首錄一

邑廩 梁培德 樹之 生

攀轅遮道馬蹄遲電轉長空擁旆旗數載山城資臥治一

天雨雪悵分離心緣撫字卽能廣政自彈丸亦可爲慈父  
從茲飛舄去郊迎竹馬幾回馳

前題

邑廩生 田開源

劇邑需賢去恐遲攀轅此際駐旌旗鳧飛歡處懷慈惠  
曲歌時感別離入座春風餘士慕他邦霖雨仗公爲嘉陵  
江上棠陰裏還盼南來五馬馳

重修畧陽縣志後序

譚石甫先生纂縣志成自吳堡郵寄來畧未果刊予於丁未夏權篆斯邑得讀其書旣請序於

大郡伯果山先生矣乃進邑諸紳謀付剗劂爲集腋之舉而捐廉四十千爲之倡以戊申二月開雕七月告成邑諸紳謂予不可無言予竊惟是書之美備

果山先生實詳言之奚俟予之贅言哉雖然予有望焉夫前事者後事之師也而以本邑之前徽遺烈示後之人其入人爲尤深然則考成憲師循良官之興起於是書可知



觀甲第之寂寥爭濯磨而遠紹士之興起於是書可知忠  
孝節義譬梅檀之流芬揚之愈馨久而彌烈邑中之衆其  
聞風而興起者亦無不可知石甫先生纂修之盛心其在  
斯乎予所爲汲汲付刊而願有言者亦如此而已矣是役  
也輸金者麇至自同僚以迄士庶並仿前志之例附刊於  
篇襄事者邑貢生馬子登科王子一德廩生蘇子聯桂景  
子長至張子卓也例得備書

道光戊申七月下浣金陵周嘉會書於畧陽官舍

計開捐資姓氏

署畧陽營遊府西鄉營都閩府加三級紀錄五次熊翥飛

捐錢壹拾千文

署畧陽營守府范汝英

捐錢陸千文

特授畧陽縣儒學正堂吳耀彩

捐錢肆千文

特授畧陽縣右堂伍紹諮

捐錢肆千文

畧陽營馬步旂隊兵丁何明等

捐錢貳拾千文

畧陽縣七房

捐錢貳拾千文

畧陽縣四班

捐錢貳拾千文

職員李國清

捐錢貳拾千文

耆民匡維藩

捐錢壹拾陸千文

耆賓張廷相

捐錢壹拾貳千文

韓治家

客民趙永珍

捐錢壹拾伍千文

韓震午

廠商孟啟泰

捐錢壹拾貳千文

生員田秀實

捐錢壹拾陸千文

生員柳 森

捐錢陸千文

貢生蘇煥斗

捐錢貳千文

貢生王一德

捐錢貳千文

廩生張 卓

捐錢貳千文

廩生梁培德

捐梨木板伍塊